

WANTOK

MUSPEPA BILONG YUMI OL PAPUA NIUGINI STRETI 30 YIA NAU

32 pes

Namba 1,348

Wik i stat long Fonde Epril 27, 2000

70t

Stel i gat K24 milen dinau bilong Morobe Gavman Ol Koiari kamapim presa grup Ol eksen piksa long Ista wiken pilai Ol Wol Nius stori

pes 2

pes 6

pes 16

pes 19-20

U-Vistract kamapim kantri insait long Papua Niugini

...Gavman i no luksave long U-Vistract kantri

WENCESLAUS MAGUN na RAYMOND PALANGAT i raitim

DAIREKTA bilong U-Vistract Monitori Fan Limited, Noah Musingku, i tokaut long Praim Minista, Sir Mekere Morauta insait long wanpela pas aste olsem, U-Vistract em i wanpela kantri bilong ol yet insait long Papua Niugini aninit long Ripablik Kingdom bilong Papala.

Em i tokaut tu olsem U-Vistract em i no wanpela kago kalt olsem sampela nius ripot i bin tok.

Insait long wanpela kibung namel long ol wok man bilong U-Vistract na ol nius manmeri aste long Mosbi, Mista Musingku, Noah Ariku na Siaman Meshach Auahe i tokim ol nius manmeri olsem: "U-Vistract em i wanpela Independen kantri insait long wanpela kantri na em i gat wanpela 'triune' gavman sistem."

Ol i tok long PNG, ol i wok aninit long wanpela nem "U-Vistract Sistem" inap long moa long tupela yia nau.

Ol i tok, dispela sistem i bihainim pasin tumbuna bilong Melanesia long pasin bilong ronim gavman na lukautim mani, we ol lida bilong Bogenvil i kamapim bipo long ol ausait lain i kam long PNG.

Ol i tok: "Indipenden Kantri bilong U-Vistract em i wanpela olupela kantri i stap yet long dispela graun.

Em i stap bipo long ol koloniel masta i kam lukautim PNG. Em i stap bipo long ol wol masta nau olsem Amerika,

Yurop, Yunaited Nesens, Wol Beng, Intanesenel Monitori Fan, na moa yet."

"Olsem wanpela kantri em i gat lo bilong em yet, pasin bilong ronim gavman, lukautim mani, na populesen.

Long 1922, ol i save kolim em long Muma Rure. Em i senisim nem bilong em i go long Pei Mure long 1989 na senisim nem gen i go long U-Vistract long 1998."

Ol i tokaut tu olsem, U-Vistract i gat plen long helpim ol pipel bilong Papua Niugini na gavman bilong PNG.

"Olsem wanpela kantri insait long kantri bilong yupela, mipela i bilip long pasin bilong mekim pren, wokbung, brata na helpim arapela. Long dispela as, mipela i gat laik long givim helpim i go long kantri bilong yupela," ol i tok.

Ol i tok tu olsem: "Indipenden Kantri bilong Papua Niugini nau i bin luksave na tokaut olsem ol i save olsem, i gat wanpela independen kantri insait long ol boda bilong em yet."

"Mipela i tenkim Independen Kantri bilong Papua Niugini na moa yet han bilong em long Gavman (Judiciary Arm) long tokaut olsem U-Vistract Sistem, i no inap long baim bek mani bilong ol lain i putim mani i go insait long U-Vistract Sistem, aninit long ol lo bilong em."

Mista Musingku i tok, PNG Gavman i ken tok olsem, tasol U-Vistract i gat mani bilong baim ol lain i putim mani i go insait long U-Vistract aninit long ol lo bilong tumbuna bilong Purepi.

I go moa long pes 2

Gavman opim tras akaun wantaim BPNG long helpim NPF

VERONICA HATUTASI i raitim

PRAIM Minista Sir Mekere Morauta i tokaut olsem gavman i kirapim pinis wanpela nupela Nesenel Providen Fan

(NPF) tras akaun wantaim Beng bilong Papua Niugini (BPNG) long ol praivet wokas kontribusen mani i go long en.

Dispela em ol nupela kontribusen bilong ol praivet sekta woklain bihain long hevi i kamap long ol kontribusen bilong ol we ol i gat long bipo

i kam inap long Desemba 1999.

Long las mun, hevi long NPF mani i bin kamap long ples klia taim ol ripot i kamaut olsem Fan bai hapim ol NPF seavings bilong ol praivet sekta woklain. Dispela em bikos

I go moa long pes 2



Klia long tupela ya! ... Tupela man Simbu bilong ples Yongomul i redi long bikpela kaikai na ol i bilas gut holim het bilong kau. Kau na pik i no save pilai taim ol Hailans i wokim kaikai.

SLAM DUNK NA WIN!

Nestlé MILO

5 BIKPELA MILO SPOTS PACS BILONG WINIM!

WANTAIM: BASKETBALL BACKSOD, MILO SPOTS BAG, MILO BASKETBALL, MILO T-SHIRT, WARA BOTOL NA KEP NA K100 KES MONI!

PLIS RIPOT

Vanimo, Sandaun:

PLIS long Vanimo i holim pasim na sasim tripela mar husat i bin stap insait long pasin bilong bagarapim wanpela meri turis bilong Amerika long Vanimo.

Provinsal Plis Komanda Eugene Manguva i tok ol i sasim ol long wokim stil pasin na pasin bilong bagarapim meri.

Emm i tok wanpela saspek em i bilong Is Sepik na tupela i bilong Wes Sepik.

Em i tok namba foa saspek em wanpela vokesenel senta sumatin na ol bai holim pasim em tu klostu taim.

Mista Manguva i tok ol plis i painim pinis ol samting bilong meri we ol raskol ya i bin stilim.

Vanimo, Sandaun:

Lida bilong ol OPM paitman long Wes Irian Hans Bomai i dai long dispela wik bihainim wanpela pait namel long ol paitman yet. Birua ya i bin kamap long PNG sait bilong boda, Provinsal Plis Komanda Eugene Manguva i tok.

Mista Manguva i tok Bomai i bin dai taim narapela OPM paitman lida i paitim em long het wantaim hama na em i bungim birua bihainim kros pait namel long ol yet.

Birua ya i bin kamap long Tunde long Dasi seteleman we mikis grup bilong Wes Irian na PNG i save stap long en.

Mista Manguva i tok narapela sapota bilong Bomai husat i bin kisim bikpela bagarap i wok long kamap orait long Vanimo haus sik.

Em i tok ol soldia bilong PNG Difens Fos i sambai long Vanimo long helpim plis sapos moa trabel bai kamap.

Nesenel Kapitel Distrik:

Ol i holim pasim pinis sikspela saspek long kilim dai Robert Yamang beng manesa bilong PNGBC Borok brans long las wik Tunde long Mosbi.

Plis ripot i tok tupela bilong ol em ol i hai skul sumatin.

Plis i tokaut long nem bilong faivpela olsem Wesley Noburi husat i gat 17 krismas na Frank Yalikipi husat i gat 16 krismas. Tupela i bilong Is Sepik. Narapela em Emmanuel Komeng husat i gat 16 krismas bilong Morobe, Patrick Valu husat i gat 18 krismas bilong Sentrel na John Evoa husat i gat 20 krismas bilong Galp provins.

Faivpela ya i bin kamap long ai bilong kot long las wik Fonde.

Na majistret Daisy Magaru i bin surukim kot bilong ol i go long Fonde Me 4.

Plis i karimaut spesel plis operesen long Gerehu bihainim ol raskol pasin bilong kilim dai man na wokim ol holap i go bikpela gen long hap.

Bos bilong ol plis long Nesenel Kapitel na Sentrel provins Raphael Huafolo i tok wanpela mobail skwat yunit i wok long kem long eria taim spesel operesen i stap.

Em i tok plis bai karimaut ol Reid long eria long traun daunim hevi long Gerehu eria.

Em i tok long 30 ronawe kalabus lain bilong Bomana, ol plis i painim tasol tripela na 27 i ronawe hait yet.

Na em i askim pablik long Gerehu long putim ripot long plis sapos ol gat save long sampela bilong ol na ples ol i stap long en.

Stet i gat K24 milien dinau bilong Morobe Gavman

MOROBE Provinsal Gavman i givim Fainens na Treseri Dipatmen inap long dispela wik long peim K24 milien dinau mani em i gat long provins.

Sapos dispela i no kamap, Gavana Luther Wenge bai putim dispela long han bilong kot na sasim dipatmen na seketeri long i no bihainim Nesenel Kot oda we em bin givim long Desemba 10, las ya. O sapos nogat em bai kisim Stet i go long kot long dispela samting.

Ripoti kam long opis bilong Gavana Wenge i tok Nesenel Kot i bin painim olsem Stet i i bin anda peim ol entaitelmen

bilong Morobe Provinsal Gavman.

Gavana Wenge i tok taim ol i stretim ol samting ol bin painaut olsem Stet i anda peim ol na ol na sotim ol long K24 milien.

"Bikos long dispela pasin we ol i sotim mipela long K24 milien mak, em i fosim provinsal gavman long katim baset long ol sosel developmen program, ol mentenens rot wok na ol nupela projek i no kamap," Mista Wenge i tok.


Em i tok dispela i kamapim hevi bikos em i skruim hevi long nogat wok. Na sapos provins i bin kisim dispela

mani, hevi bai i no inap long kamap bikpela bikos ol nupela projek we ol i gat long plen bai kamapim ol wok.

Opis bilong gavana i tok stat long faivpela mun i go pinis taim kot oda i kamap, Treseri na Fainens Dipatmen i no wokim wanpela samting long stretim dispela anda peimen em i gat long Morobe gavman.

Em i tok dipatmen i no bisi long taim em i laik painimaut wanem samting i kamap long mani na wanem taim tru ol bai stretim ol long en.

Bihainim dispela, Morobe Gavana na etministresen i tok ol bai karim samting ya i go



• Luther Wenge.

bek long kot na tupela sait i ken paitim ol toktok long en long kot.

Ol Okiufa papagraun redim namba tu kompensesen sabmisen

HELEN REI i raitim

OL PAPA graun bilong Okiufa Lenonas Asosiesen long Isten Hailans bai i redim wanpela sabmisen i go long Nesenel Gavman long klem bilong graun bilong ol we Goroka Yunivesiti i stap long en.

Lida bilong dispela papa graun Leslie Hoffman i tok Len Taitels Komisn i bin askim ol long wokim nupela sabmisen na ol bai lukluk long en.

Ol bin wokim namba wan sabmisen i go long lens komisn na ol bin givim ol long ol awod. Tasol ol mas wokim narapela sabmisen gen i go long Lens Minista Fabian Pok husat bai kisim dispela i go long Nesenel gavman long tok oraitim na ol

ken wokim peiaut long en.

Long ol mun i go pinis, ol papagraun i wok long singautim gavman long peim kompensesen mani i go long ol papa bilong graun we Goroka Yunivesiti i sanap long en.

Bihainim tu dispela hevi ol papagraun i bin pasim Goroka Yunivesiti long tripela de las wik. Tasol Nesenel Lens Komisn i go insait na stretim ol samting na Yunivesiti i op bek lkwiktam gen.

Mista Hoofman i tok ol bai i no inap long kisim olgeta mani long sem taim. Provinsal gavman bai i peim hap na tasol ol no tok wanem mak bilong dispela mani ya.

Ol toktok long dispela samting i go het namel long Nesenel na Provinsal

Gavman, ol yunivesiti atoriti na ol papagraun.

Mista Hoffman i tok ol papagraun bai i bihainim gutpela pasin bikos ol laik lukim sabmisen bilong ol i karim gutpela kaikai. Sief Len Taitels Komisina Natianas Marum na Deputi bilong en Luke Dwago i bin go long Goroka na givim awod i go long ol papagraun grup.

Mak long ol awod em Kama papagraun grup i kisim K500,000. Okiufa K2.7 milien, Koniufa K400,000, Seigu K400,000, Faniufa K400,000 Kaveve K400,000 na Yogyiyo K350,000.

Ripoti long yunivesiti i tok skul i go gut nau bihain long ol hevi we i bin kamap na skul i bin pas long tripela de long tupela wik i go pinis.

U-Vistract kamapim kantri insait long Papua Niugini

I kam long pes 1

"Lo bilong Purepi em i Bikpela Lo bilong Indipenden Kantri bilong Kingdom bilong Papala," Mista Musingku i tok.

Em i tok K500 milien dinau em i gat bilong baim ol lain i putim mani i go insait long U-Vistract em i 'pinal' sapos ol i laik save long amas mani em i gat long arapela kantri. Long dispela as, em i askim PNG Gavman long larim em i go wantaim deligesen bilong em ovasis na bringim dispela mani i kam.


"Sapos mi no inap long bringim dispela mani i kam orait yupela putim han kap long mi na bringim mi i kam bek long PNG," Mista Musingku i tok.

Het Opis bilong Gavman bilong U-Vistract ol i tok, em i stap long Tonu ples, long Siwai, Bogenvil. Namba wan Embesi opis bilong ol em i stap long Not Waigani insait long Nesenel Kapitel Distrik, PNG na embeseda bilong Mosbi em Mista Arikui.

Aste Praim Minista Sir Mekere Morauta j tok, Gavman bilong em i no givim tok orait na tu i no luksave long Indipenden Kantri bilong U-Vistract, o kingdom bilong Papala.

Egn i tok tu olsem em bai karim aut wanpela wok painim i go insait long dispela ol toktok bilong U-Vistract long stapim ol arapela bikpela hevi inap kamap bihainim dispela toksave bilong U-Vistract.

Sir Mekere i tok tu olsem em i wok klostu wantaim ol papa bilong ol kwik mani bisnis olsem U-Vistract, Mani Rain, Windfall na ol arapela lain long



• Praim Minista Sir Mekere Morauta.

lukim olsem nogat wanpela samting bai stapim ol dispela lain long bringim mani i kam insait long PNG.

Sir Mekere i tok, em i save olsem planti pipel bilong PNG i putim olgeta laip mani ol i gat i go insait long ol dispela kwik mani bisnis na ol i wari tru olsem nogot ol i no inap kisim bek mani bilong ol.

Em i tok wantaim lo bilong Sentrel Beng Ekt na ol Fainensal Institusen Ekt we Palamen i bin pasim pinis, Gavman i luksave olsem ol dispela kwik mani bisnis i brukim lo long ronim bisnis bilong ol, tasol ol i ken mekim, sapos ol i kisim tok orait long Gavman.

Gavman opim tras akaun wantaim BPNG long helpim NPF

I kam long pes 1

mani i sot long wanem ol wok nogut i kamap taim ol i no yusim gut mani bilong fan long karimaut ol bikpela gavman projek insait na ausait long kantri.

I gat lo we i bosim kontribusen we long olgeta potnait, ol mas katim sampela mak long pe bilong ol pravit sekta woklain na kontribusen bilong ol kampani na putim long NPF fan.

Sir Mekere i tok bihainim hevi em bin makim wanpela komiti we foma bos bilong Ombudsmen Komisn Sir Charles Maino long go pas long karimaut ol wok bilong sekim NPF.

Em i tok stat long taim hevi i kamap long ples klia, mak bilong ol kontribusen i go daun tru.

Em i tok nupela tras akaun wantaim BPNG bai edresim dispela hevi na olgeta nupela kontribusen bai i go long en.

Em i tok ol kontributa i noken wari planti bikos mani long nupela tras akaun bai i stap orait na i no go insait wantaim dispela i stap pinis long hevi.

Em i tok wantaim dispela tras akaun i stap, em i laikim ol kontributa long putim mani i go insait long en bikos sapos nogat, bai i putim hevi long ol wok gavman i gat long sevim NPF long mani we i lus pinis.

Sir Mekere i bin askim tu ol memba bilong NPF Bot ov Trasti na manesman husat bai komiti i karim ol wok painimaut i karamapim ol long risain.

Dispela i bihainim spesel odit ripot we em (Sir Mekere) i bin odaim long NPF fan i painimaut olsem ol wok i no bin go gut na dispela i as long hevi na bikpela mani mak bilong ol kontributa i lus long 1998 na 1999.

Em i tok sampela opisa bilong Fainens na Treseri Dipatmen bai i lukluk long ol rot bilong helpim NPF i daunim hevi we em i stap long en.

Long wankain taim Sir Mekere i tok ol kontributa i noken wari tumas long wanem gavman i wok long lukluk long painim rot long stretim dispela hevi we NPF i bungim long en.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea



Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Ltd.

General Manager and Group
Editor in Chief:
Anna Solomon.
Acting Advertising Manager:
Jocko Oberleuter

Papers distributed by air
throughout PNG.
Available by air mail
subscription within
Papua New Guinea
and overseas.
Email address:
word@global.net.pg

Advertising deadlines, Display bookings: Tuesday
midday. Camera ready copy: Wednesday midday.
Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms and conditions are available at Word Publishing Company Ltd. and are set out in full on the reverse side of its official display Advertising Bookings form.

Palamen ripot wantaim WENCESLAUS MAGUN

Graham kisim tok bilong baim gan

PASIN bilong baim gan bilong ol deputi siti edministra bilong Nesenel Kapitel Distrik, i brukim lo na Praim Minista Sir Mekere Morauta i no mekim wanpela samting long putim ol dispela lain long han bilong lo, Oposisen lida, Bill Skate i tok.

Mista Skate i tok, Mista Graham i yusim samting olsem K20,160 bilong pablik mani insait long NCDC long baim gan bilong ol deputi siti edministreta, Bernard Kipit, Nick Kuman, na Wilson Thompson.

Em i tok pasin Mista Graham i mekim, i brukim Fainens Menesmen Ekt na i luk olsem em i brukim wanpela lo we i ken putim em long kalabus.

Long dispela as Mista Skate i bin askim Sir Mekere long rausim Mista Graham na ol deputi siti edministreta bilong em tasol Sir Mekere i no mekim.

Mista Skate i tok tu olsem em i no amamas long pasin Sir Mekere i mekim long i no bekim wanpela pas bilong em we em i bin salim i go long Sir Mekere long 14

April long pasin Mista Graham i mekim.

Mista Skate i tok em i salim tu kopi bilong dispela pas i go long Orita Jenerel, Ombudsmen Komisen, Plis Komisina, na Atoni Jenerel.

Sir Mekere i tok Mista Graham i bihainim stretpela rot long baim gan bilong ol deputi siti edministreta na olsem em i no painim wanpela asua long dispela.

Em i tok tu olsem taim ol dispela deputi siti edministreta i lusim wok, ol bai givim bek ol gan bilong ol i go long NCDC.

Asian Developmen Beng givim US\$50 milion long Helt Sekta Developmen Program

HELT Minista, Ludger Mond i tokim Palamen olsem Asian Developmen Beng i bin helpim ministri bilong em wantaim US\$50 milion long karim aut Helt Sekta Developmen Program (HSDP) long yia 1996 i go long 2000.

Em i tok astingting bilong dispela program em bilong karim aut ol helt sevis i go long ol ples.

Mista Mond i tok long 1998 ADB i givim K30 milien long Dipatmen bilong Helt na long 1999 ol i givim K12 milien. Dispela yia ADB i givim K15 milien olgeta.

"Insait long 18 mun, stat long taim HSDP i stat wok, mipela i yusim K40 milien long helt. Dispela i makim moa long 96 pesen long mani ADB i givim mipela long yusim insait long 1998-1999," Mista Mond i tok.

Em i tok long dispela mani Helt Dipatmen i salim K10 milien i go long wan wan provins na Dipatmen bilong Helt yet i yusim K31 milien.

Mista Mond i tok ol i yusim dispela mani long baim ol marasin, mekim helt patrol na givim ol bebi sut, lukautim ol sik, wara saplai, helt promosen na edukesen na stretim ol haus sik.

Mista Mond i askim ol lida husat i gat hevi bilong helt sevis long distrik bilong ol long go lukim provinsel helt edvaisa long provins bilong ol na askim ol long bringim sevis i go long ol pipel bilong ol yusim dispela mani.

Em i tok sapos ol provinsel helt edvaisa i no mekim wok bilong ol, orait ministri bilong em bai lukluk long dispela.

Palamen laikim K2 milien long stretim sekyuriti hevi

SPIKA bilong Palamen, Bernard Narokobi i tokim Palamen aste olsem opis bilong em i laikim K2 milien olgeta long stretim sekyuriti hevi long Palamen.

Em i bekim askim bilong Memba bilong Madang, Jacob Wama husat i autim dispela wari bihain long ol raskol i kukim ka bilong wanpela memba long Palamen.

Mista Wama i tokaut tu

olsem em i lusim ol samting long opis bilong em inap long mak bilong K1000.

Mista Narokobi i tokim ol lida bilong Palamen tu long i noken yusim tumas opis bilong Palamen long mekim wok bilong ol.

Em i tokim Palamen tu olsem long Fraide bilong pinis bilong olgeta mun, olgeta wok manmeri bilong Palamen bai klinim Palamen.

Koraia kamap Deputi Spika

MEMBA bilong Kerema, Sir Tom Koraia i winim sia bilong Deputi Spika bilong Palamen wantaim 48 vot long Memba bilong Madang, Jacob Wama wantaim 15 vot aste.

Dispela i bin kamap bihain long Lida bilong

Gavman Bisnis na Minista bilong Praivetaisesen, Vincent Auali i saspending oda bilong bisnis bilong Palamen bihain long ol Askim I Nogat Toksave, long holim ileksen bilong deputi spika.

PNG Difens Fos Kaunsel glasim ol hevi bilong ami

DIFENS Minista Muki Taranupi i tok PNG Difens Fos i gat bikipela hevi.

Em i tok PNGDF i gat hevi bilong ol samting bilong mekim wok, i gat hevi bilong i no ronim gut opis, i gat hevi bilong abrusim mak bilong baim ol samting, na pe bilong ol ami long mekim wok i stap long bipo yet i kam inap nau.

Em i tok ol ami i laikim 100 pesen pe i go antap. Mista Taranupi i tok Difens Kaunsel i i tok orait long dispela na i askim Nesenel Eksekyutiv Kaunsel long lukluk long en na hapim liklik pe. Praim Minista sir Mekere i bin tokim ol ami olsem pe bilong ol bai i go antap long 5 pesen.

Mista Taranupi i tok tu olsem olgeta risk pe bilong


ol ami em ol i stretim pinis na ministri bilong em i wok long stretim ol alauens bilong wan wan ami.

Em i tok Difens Kaunsel i tok orait long hapim rentel alauens bilong ol ami tu na i lukluk long stretim hevi bilong kaikai.


Mista Taranupi i tok Difens Kaunsel i kisim pinis moa lojistik sapot olsem ol yunifom, samting bilong wok ausait long opis long mak bilong K1.2 milien na ol bai givim aut ol dispela samting long mun Me o Jun long dispela yia.

Em i tok NEC i kamapim wanpela Ministeriel Komiti long ol hevi bilong ol ami long glasim ol paul pasin i kamap insait long ami.

Em i tok wanpela ripot bilong dispela bai kamap long 25 Mas 2000.



• Amamas long waswas long Ela Bis! Taim bilong skul malo na ol mangi ya mekim save long waswas amamas long Ela Bis.



OLGETA bikipela bos na ol provinsel kodineita bilong 2000 Nesenel Senses i wok long miting nau long Pot Mosbi long glasim gut olgeta wok bilong stretim senses.

Dispela miting i stat long Tunde bilong dispela wik na bai pinis tumora long Fraide.

Em i las miting bilong glasim ol samting bipo long senses.

Senses bai i stat long namba 9 dei bilong mun Julai na i go inap long namba 15 dei bilong mun Julai.

Ol provinsel senses kodineita i wok long kamap long Pot Mosbi long Sarere i go pinis o Ista Dei.

Miting bilong ol long Granville Motel em i namba 6 konferens bilong ol provinsel senses kodineita.

Dispela konferens i lukluk long ol samting olsem

1. Plen bilong mekim senses
2. Wei bilong salim toktok i go i kam long taim bilong senses
3. Wanem kain wok bai ol senses wok manmeri i mekim long taim bilong senses
4. Trensot bilong senses wok
5. Hamas mani Gavman bilong Papua Niugini i givim long mekim senses
6. Hamas mani Gavman bilong Australia i givim long mekim senses
7. Wanem kain hevi bai i ken kamap long taim bilong senses na wei bilong stretim ol dispela kain hevi na
8. Olgeta kwesten ol senses wokmanmeri bai i askim ol pipel.

Aste taim ol senses bos na ol kodineita i wok long miting i stap long Granville Motel, Senses Direkta Mista John Kalamoroh i kam autsait na tromoi wanpela hatpela toktok i go long ol polotisen nogut.

Em i tok olsem ol polotisen i noken bikhet na bagarapim senses.

Mista Kalamoroh i tok olsem sampela polotisen i wok long paulim tru ol pipel na wok bilong stretim senses long sampela hap i no go het gut.

Ol dispela polotisen nogut i laikim ol wanpisin o ol wantok bilong ol long lusim olpela ples bilong ol na muv i go joinim provins bilong ol dispela polotisen, Mista Kalamoroh i tok.

Ol dispela polotisen nogut i laik muvim ol pipel i go i kam long bildim sapot bilong ol long winim nesenel ileksen long yia 2002, Mista Kalamoroh i tok.

● Gavman bilong Papua Niugini na Gavman bilong Australia i sapotim 2000 Nesenel Senses.

TORO

TORO GO RAUN LONG SIX MAIL!!!

MI GO PILA DART LONG SIX MAIL NA WINIM SAMPELA BIA PASTAIM!!!



EM INO SAVE OLSEM OL N.C.D.C WOKMAN I RAUSIM BRIS NA OL MAN MERI IKISIM TAIM LONG GO LONG SIX-MAIL!!!

OII! BRIS IGO WE YAH?




TORO LUKIM WANPELA DIWAI NA EM LAIK KALAP NA GO LONG HAPSAIT TASOL OL BOIS I LUKAUTIM DIWAI I ASKIM EM LONG ZOT!!!

HEY! PEIM ZOT PASTAIM NA GO!




TORO INO GIVIM ZOT LONG OL... OL BOIS I BELHAT NA APIM TORO NA TROMOIM EM I GO DAUN LONG DREIN..





NIUGINI AILAN NIUS




Nakmai risain long helpim pipel bilong en

GIVIM moa pawa long ol pipel na ol i ken hat wok long kisim gut peia sindaun na ol no lukluk tasol long gavman long givim ol henaut mani em wanpela long ol samting we wanpela long ol kendidet i resis long sia bilong Wes Nu Briten rijnel i laik lukim sapos em i win.

Kendidet ya em Clement Nakmai bilong Pilo Ailan insait long Knadrien Distrik long Wes Nu Briten provins.

Mista Nakmai i risain long bikpela wok bilong em olsem grup Jenerel Mane ja bilong Koporet sevis wantaim Pasifik Fainens kampani grup long resis long bai ileksen we leit Bernard Vogae husat i bin dai long dispela yia i lusim.



• Clement S. Nakmai.

Em i tok bikpeia tingting bilong en em long helpim ol pipel long provins bikos em i lukim olsem maski Wes Nu Briten i gat planti risos olsem timba, kakau, kokonas samting

provins i no lukim tumas gutpela developmen i kamap long en.

Em i tok provins i laikim strongpela man long go pas long en na yusim gut ol risos long developim provins.

Em i tok ol pipel long Bialla, Gasmata, kandrien, Kep Glosta, Kilege/Lolo, Kalia/Kove, Mosa, Kimbe, Hoskins, Talasea na Bali/Vitu i sapatim long sanap resis long rijnel sia ya.

Em i tok em bai wok wantaim ol komyuniti, ol sios, ol NGO, ol dona ejensi, ol praivet bisnis lain na gavman long skruim ol wok developmen long komyuniti,provinsel na nesanel level.



• Ol meri sumatin bilong Manus Trening Senta i soim ol klos we ol i samapim long Wol Si Kayak resis long 1998.

Manus inapim yunivesel praimeru edukesen

VERONICA HATUTASI i raitim

MANUS provins em inapim pinis faipela yia edukesen plen we i tok yunivesal praimeru edukesen (UPE) long olgeta.

Siaman bilong Edukesen wantaim Manus Provinsel gavman Dokta Thomas Mundri i tok Manus em inapim gol long UPE bipo yia 2000 i kamap na nau plen long taget bilong narapela faipela yia em long mekim olgeta pikinini i kisim skul inap long Gret 10 level.

Dokta Mundri i tok long Manus nau, ol dispela husat inap go long skul i ken, sans i stap tasol long PNG i nogat lo we i tok olgeta pikinini i mas skul. Olsem na strongpela toktok tasol inap go long ol pikinini long yusim sans na go skul.

Em i tok taget long neks faiv yia em long inapim yunivesal sekonderu edukesen.

Em i tok Manus i mekim Gret 10 olsem level we olgeta pikinini i mas kamap long en na i no daunbilo.

"Manus i mekim Gret 10 olsem level we olgeta pikinini i mas kamap long en. Na mipela i strongim olgeta Manus pikinini long kamap long dispela level. Dispela i min olsem provins i mas gat moa spes long ol

hai skul bilong kisim ol pikinini." Dokta Mundri i tok.

Manus i gat wanpela top ap skul na em i laikim narapela. Olsem na Dokta Mundri i bin putim askim i go long siaman bilong Nesanel Edukesen Bod na Provinsel edukesen seketeri long wokim Manus Hai skul olsem namba tu sekonderu skul long provins.

Dokta Mundri i bin tok tu olsem ol hais skul long Manus bai strongim ol agrikalsa progrem bilong ol long tupela as.

Dispela em long mekim ol boding skul i groim inap kaikai bilong ol yet bikos nau pe bilong ol kaikai long stoa na maket i stap antap tru.

Em i tok long dispela rot tu, ol sumatin bai lainim ol gutpela samting long lukautim ol yet na ol ken skruim ol samting ol ilainim long bihain taim.

Em i tok edukesen rifom long liklik ailan ples olsem Manus we i nogat ol samting tumas long pulim mani long en i hat.

Rifom i laikim bikpela mani long go hetim na bikos long hevi long mani, Manus i painim hat long mitim ol taget we gavman i makim.

Olsem na Dokta Mundri i askim gavman long givim moa mani long provins bilong em long helpim skruim wok bilong edukesen rifom.

Ol Niugini Ailan lida sapatim moa pawa long rijen

TINGTING long Niugini Ailans rijen long gat moa pawa i wanpela samting we i save stap long planti pipel bilong rijen na ol gat bikpela sapat long en.

Long dispela wik, tingting ya i kamaut strong gen long bung bilong ol lida bilong Niugini Ailan rijen insait long wanpela bung long Kokopo Is Nu Briten provins long dispela wik.

Ol ripot i tok ol gavana bilong faipela NGI provins i bin bung long Kabakaul klostu long Kokopo long Tunde long lukluk sapos ol provinsel gavman insait long ailans rijen i ken kisim ful pawa.

Ol lain i bin stap insait long bung em Manus Gavana Stephen Pokawin, John Momis bilong Bogenvil, Ekting Gavana bilong Wes Nu Briten Isidore Teli na Leo Dion bilong Is Nu Briten. Nu Ailan Gavana Paul Tohian i no bin stap bikos balus i no wokim ron bilong em i go long Kavieng long Sande na Mande.

Ol ripot i tok ol gavana bai wet na lukim nupela gavman wantaim moa pawa we Nesanel Gavman i givim long Bogenvil na wanem pawa tru em i givim na rot we bai wok long en bipo ol i wokim neks muv bilong ol.

Wanpela mausman long opis bilong Manus Gavana i tok "dispela i no samting bilong haitim tasol i gutpela long ol brata gavana na lida long rijen long bung wantaim na toktok long en.

"Pablik i save olsem long 1995 taim Micah Komiti i wokim raun long ol provins na rijen na kisim tingting long rausim provinsel gavman sistem na

kamapim nupela rifom, ol lida bilong NGI i bin givim tingting bilong ol yet long ol. Dispela ol tingting i sut long givim moa pawa long ol provins. Ol bin lukim olsem rifom em no gutpela bikos dispela bai rausim pawa long provinsel level na Waigani i bosim ol.

"Askim long moa pawa em wankain tasol olsem ol tingting i stap insait long provinsel gavman sistem we i bin wok gut long Niugini Ailan rijen. Nau dispela nupela rifom i no wok gut.

"Yu ken senisim sistem tasol i no ol lida," mausman i tok.

Ol lida bilong Is Nu Briten i gat ful sapat long provins i kisim ful pawa.


Ol ripot i tok provins i kirapim pinis wanpela komiti long karimaut aweanes na kisim tingting bilong pablik long provins i kisim moa o ful pawa.

Ol ripot i tok foma Palamen memba bilong Gesel Nakikus Konga i go pas long aweanes komiti na em i singaut long ol arapela palamen memba na lida bilong Is Nu Briten long givim sapat bilong ol.

Ol ripot i tok Mista Konga i tok nupela rifoms i no wok bikos ol pipel i no wok long kisim gut sevis tasol ol samting i tanim i go narakain.

Ripot i tok ol NGI lida i putim het wantaim na ol i laik wok bung wantaim long lukim olsem rijen i kisim moa pawa na ol yet i ken wokim ol disisen long ol wok mani na ol bikpela samting i kamap long provins bilong ol.





SEPIK NIUS



TPA kros long turis i kisim bagarap long Vanimo

WENCESLAUS MAGUN i raitim

Eking Sief Eksekutiv bilong Turis Promosen Atoriti, Gard Renson i kros long pasin ol man nogut i mekim long wanpela turis bilong Amerika long las wiken long Vanimo.

Mista Renson i singautim ol komyuniti, ol bos long provinsel atoriti na ol plis long bringim ol lain i mekim dispela pasin nogut long ai bilong kot bai ol i ken kisim mekim save.

Em i tok dispela pasin nogut ol i mekim, em i pasin bilong ol lain i nogat tingting na ol lain i tingim ol yet na i nogat ples insait long komyuniti bilong ol.

"Em i wanpela piksa we sam-

pela liklik lain i ken mekim pasin nogut we i ken pulim olgeta hatpela wok bilong hapim nem bilong PNG i go antap na salim PNG olsem wanpela ples bilong ol turis, i go daun," Mista Renson i tok.

Em i tok, dispela pasin em i no gutpela pasin long olgeta ol arapela gutpela pipel bilong PNG husat i gat bikpela laik long strongim wok bilong turis long kantri. Em i tok planti pipel bilong PNG ol i gat gutpela pasin, na ol i gat laik long kisim ol visita i go insait long komyuniti bilong ol.

Mista Renson i singautim ol komyuniti husait i save long dispela pasin i kamap insait long Vanimo long wokbung wantaim ol bikman bilong ples, ol lida

bilong provinsel atoriti na plis long holim pas ol dispela lain i mekim pasin nogut na kotim ol.

"Vanimo na Sandaun Provins i gat gutpela nem olsem em i wanpela gutpela ples, nogat planti nois na yu no inap wari long ol man o meri nogut taim yu raun long taun. Dispela wanpela liklik hevi i bagarapim tru gutpela nem bilong olgeta pipel bilong Sandaun," Mista Renson i tok.

Em i tok long sait bilong bisnis bilong turis na pasin bilong turis bisnis long gro, Vanimo TPA i bin lukluk gut long Vanimo olsem wanpela gutpela turis taun long wanem em i stap klostu long Indonesia na i gat gutpela rot bilong mekim bisnis wantaim Saut Is Esia.

Planti pipel i bin dai long Ulau Sab Helt Senta

MATHEW PAIYAU i raitim

OL sik manmeri husat i bin gat bikpela bagarap na i bin go long Ulau Sab Helt Senta em i olsem:

Yia	Autpesen	Inpesen	Pesen I Dai
1997	19,853		
123		3	
1988	12,064		
156		8	
1999	12,350		
133		33	
na	3,619		
68		1	1 bilong Januari i go inap long Mas 2000.

Ulau Sab Helt Senta siaman Sorap i tok dispela helt senta i save lukautim helt bilong moa long 8,000 manmeri insait long Nabuse Peris.

Olsem na em i askim ekting distrik edministreta, Martin Selmartin long salim sampela mani i go long lukautim ron bilong dispela ambulens.

Mista Sorap i givim tu bikpela tok tenkyu i go long Bisop Austine Crapp bilong Aitape daiosis husat i bin helpim long harim kra bilong ol pipel bilong Nabuse.

Em i askim tu ol pipel long lukautim gut ambulens bikos em i bikpela samting tru long helpim laip bilong ol.

Saweni kisim salens long givim sevis

WANPELA ripot i kam long Aitape Lumi i tok ol pipel bilong dispela distrik i wet inap foapela Krismas nau long lukim promis bilong memba bilong ol Eddie Saveni i karim kaikai.

Ol i askim Mista Saweni long tokaut tu long wanem ol rot em i bin yusim Rurel Eksen Program Fan mani bilong em stat long 1996 i kam inap long pinis bilong

las yia, na namba wan kota bilong dispela yia, 2000.

Ripot i tok Mista Saweni i bin mekim tok promis long 1996 ileksen kempen olsem em bai joinim Lumi i go daun long Aitape wantaim wanpela rot. Na inap nau wan pipel i wok long wet yet long lukim dispela promis i karim kaikai.

Wanpela lida bilong Rivaivel Sios husat i askim Wantok long noken autim nem bilong em i tok, planti taim ol lida i yusim tasol ol pipel na tu ol sios memba long kisim tasol namba long winim vot. Em i tok bihain ol i lusim tingting long givim tupela divelopmen i go long ol wantaim olgeta pipel insait long ilektoret.

Ulau kisim nupela ambulens

MATHEW PAIYAU i raitim

ULAU Sab Helt Senta insait long ples Ulau long Aitape Is Kos, nau i gat nupela ambulens long strongim wok bilong helt sevis. Dispela helt sevis i stap insait long Nabuse peris na i save karamapim 13 ples long nambis na insait long maunten.

Daiosis bilong Aitape Helt Seketeri, Agatha Grace wantaim ol lain bilong em i bin bringim dispela ambulens i go long helt senta long Santu Vinsen misin stesin.

Nabuse Peris Pastorel Kaunsel Siaman, Ephrem Pinop i tok, em i bin askim daiosis long givim wanpela ambulens i go long Ulau Helt Sab Senta insait long wanpela dineri miting long Jun 1976.

"Ol mama i bungim planti hevi tru, em long dispela as, mi bringim dispela wari i go long daiosis na nau dispela ambulens i kamap," Mista Pinop i tok.

Em i tok ol pipel i bin stap sambai long 10 kilok moning yet na i bin amamas tru long lukim dispela ambulens i kamap long hap pas wan long abinun.

Man husat i makim maus bilong bisop bilong Aitape daiosis, Tas Maketu i tok Rotari Klub bilong Brisbane, Australia i bin salim dispela ka i kam long ol wokman bilong en long Aitape husat i wok long rihabilitesen program insait long Aitape Wes Kos we sunami i bin bagarapim long 1988.

Em i tok dispela ambulens i kos samting olsem K150,000. Mista Maketu i askim olgeta pipel bilong Aitape long salim bikpela tok tenkyu i go long Rotari Klub bilong Brisbane, Australia.

Helt Edukesen wantaim Kanage



• Gavman i gat mani bilong helt edukesen. Ol tiata grup na ol yut grup i mas kamapim ol helt edukesen awenes drama pilai na go askim provinsel helt edvaisa bilong ol long sponsaim ol long karim aut ol dispela skol. Piksa ya i soim brata Kanage tu i skulim ol pipel long sampela pablik toksave long stail bilong tiata pilai. Foto: Isaac Ikuavi.

BEEF CRACKERS

IGAT kick!

HEPI BIRTHDAY

25% MORE

5 BISKETS INSIDE-1 FREE



SAUTEN



RIJON



Masin bilong brumim rot



• Nesenel Kapital Distrik Komisn i baim wanpela bikpela trak na sampela liklik han masin bilong klinim ol strit long Mosbi. Dispela poto i soim tupela man i karim ol dispela brum na klinim arere bilong bikrot insait long Mosbi. NCDC i baim ol dispela masin long katim dau namba bilong ol pipel husat i save kisim kontrak nau long mekim dispela bikpela wok bilong brumim ol strit insait long siti.

Koiari pipel i kamapim presa grup

KENNEDY EDENE i raitim

OL ASPLES Koiari long Sentral Provins i kirapim wanpela presa grup long lukluk long ol wari bilong ol. Ol pipel i mekim olsem bihain long singaut bilong ol long gutpwa sevis olsem helt na edukesen na rot i go lus nating.

Man i go pas long dispela grup em Bernard Senisi. Mausman bilong em John Momo i tok inap planti yia nau gavman i yusim graun na bus na wara bilong ol Koiari long kamapim developmen long Mosbi tasol em i no tingting long givim bek sampela gutpela helpim long ol Koiari.

Em i tok i tru olsem gavman i kirapim koiari Developmen Kopresen long 1991 long helpim ol pipel, i kam inap nau i no gat kaikai long en.

Em i tok planti ol pipel i no lukim rot i go kamap long ples bilong ol o wanpela sevis bilong gavman. Ol i sindaun yet olsem ol tumbuna i bin sindaun bipo.

Mista Momo i tok ol pipel long hap bilong Vanapa, Brown Riva, Laloki, ol Koiari, Goldie, Sogeri, Maunten Koiari, Hiri Is Koiari i wok long bungim planti hevi yet bikos ol i no kisim wanpela helpim long gavman.

Em i tok nau long taim bilong ren planti ples i kisim bagarap tasol i no gat helpim i kam long gavman olsem na ol pipel yet i strong na stretim gen ol bagarap long haus na gaden kaikai bilong ol.

Bai i gat wanpela bung i kamap long Sande long OTC graun na ol mausman i singaut long olgeta Koiari long kamap long dispela kibung na harim toktok.

RAMU SUGAR



The Sweetest Thing

Ol rot long Sentral provins i bagarap

PLANTI pipel long Sentral provins i wari long rot bilong ol. Ol i tok rot i bagarap na ol birua i ken kamap long ol ka na ol pasindia yusat i yusim ol dispela rot.

Wantok Niuspepa i bin askim sampela papa bilong ol PMV na ol pasindia na ol i sutim tok i go long gavman dipatmen na ol wokman bilong ol husat i bosim wok bilong lukautim rot.

Wanpela PMV opereta long Hiritano Haiwe, Richard Noito Ikupu i tok ol rot i bagarap na ol stilman i yusim dispela sans long hensapim ol draiva na sitlim mani long draiva na ol pasindia tu.

Em i tok bus i karamapim arere bilong rot na em i isi long ol stilman i hait i stap na hensapim ol ka.

Em i tok planti ol dispela stilman em ol lain bilong siti na ol ples i stap arere long siti.

Mista Ikupu i tok wanpela ples we ol stilman i save hensapim ol pasindia oltaim em namel long Kuriva, Raba Lain, Doa na 48.

Em i tok ol dispela stilman i no save wari long ol tarangu manmeri bilong ples husat i no gat planti mani. Ol i hatwok long go salim kaikai long maket na kisim liklik mani na long taim ol i go bek long ples ol stilman i kisim dispela liklik mani bilong ol.

Long hap bilong Magi Haiwe tu wankain hevi i wok long kamap. Wanpela opereta bilong Route 200, Kila Geno i tok planti taim ol raskol i save hensapim ka long rot bung long Gabagaba na Ginigolo na klostu long Kwikila na Hula rot.

Ol i askim Sentral Provinsal gavman long lukluk long dispela wari bilong ol pipel na painim rot long stretim hariap.

Loya bilong CDC i kisim namba

WANPELA loya bilong Noten Provins bai go long Sidni, Australia long kisim namba ol i kolim Masta ov Lo long Sidni Yunivesiti ov Teknoloji. Dispela man ya em Russel Ikosi bilong ples Tufi.

Mista Ikosi i bin skul long Yunivisiti ov Papua Niugini we em i kisim namba ol i kolim Basela ov Lo. Em i holim wok bilong deputi seketeri long Dipatmen ov Provinsal na Lokal Level Gavman.

Long 1996 em i bin kisim skolasip long Ausaid na i go skul long Sidni. Em i bin pinisim skul na kisim dispela namba long Epril las yia na nau em i wok wantaim Konstitusenel Developmen Komisn, (CDC). Bai em i go long Sidni long Me 15 long kisim dispela namba.

Dairekta bilong CDC, Ellison Towallom i tok nau ol i gat ol save-man i wok long CDC anit long Yauwe Riong, siaman bilong komiti.

HAILANS NIUS



Bikpela pait long Asaro i olsem muvi long TV

OL kain stail bilong pait planti taim yu save lukim tasol long TV na muvi nau i kamap pinis long Papua Niugini.

Insait long Kofena eria long apa-Asaro distrik long Isten Hailans pait namel long tupela lain wan pisin i go bikpela ol gan we i gat ol kain pasin na we bilong pait wankain olsem ol dispela yu lukim insait long muvi o TV stret. Ol i yusim ol bikpela ol gan we i gat kompas, ol M-16, SLR na ol narapela bikpela ol gan ol i wokim long fektori stret.

Wanpela man husat i les long tokaut long nem bilong em las wik tasol i toktok olsem turangu ol lain bilong antap sait i bin kukim pinis wanpela lapun man insait long haus. Turangu ol i no sori long en.

Em i tok tu olsem ol lain long antap sait long Kanosa na Lindima na ol lain wanpisin husat i wok long sapotim ol i wok long mekim nabaut long husat i birua bilong ol nating tasol. Ol i no sori long ol lapun na ol meri na pikinini. Ol i kilim

tasol husat lain i kam long ai bilong ol.

Sampela ol lain viles o haustain husat i stap insait long dispela pait em ol lain Ambiangwi, Karabiange, Foyufa, Linofoguwei, Urefeyufo na sampela eria we pait i stap)

Ol lain long daunbilo olsem ol Gererekuka, Lamenga na ol lain bilong ol i orait liklik bikos ol i lukluk long ol birua man bilong pait tasol.

Wantok niuspepa i no inap kisim toktok bilong Isten Hailans plis komanda taim dispela stori i go long pepa, tasol wanems samting em dispela man i toktok em i kam long man husat i stap stret insait long ples we pait i kamap.

Dispela bikpela pait namel long tupela lain wanpisin i bin stat samting olsem 10-pela krismas i go pinis. Pait i bin stop long 1995 na long dispela yia tasol pait i kirap gen.

Pait ya i bin kamap bikos long kros namel long tupela lain wanpisin long wanpela bikpela kofi

plantasin ol i kolim Foinda. Ol wanpisin ya tu i kros long graun na pait ya i go bikpela moa.

Bipo long dispela birua i bin kamap i bin gat gutpela rot i go olsem long Foinda plentensin. I bin gat pawalain tu we i bringim ilektrisiti long hap.

Tasol taim pait i kirap olgeta dispela pawa lain na ol bris long rot i go olsem long Foinda em ol birua i bagarap olgeta. Nau yet ol ka i save ron na brukim wara na go long hapsait.

Em i tok kain stail bilong pait ol i yusim em olsem, ol i save statim pait long samting olsem 4-kilok long bikmoning tru. Na taim ol plis i traime muv na stopim wantu tru ol paitman ya i save go bek na hait long ol bus na eria bilong hait.

Em i tokaut ol mobail skwat plis i stap insait long Asaro eria we pait i stap, tasol ol lain bilong pait i save hait na pait namel long ol yet. Ol i wok long kilim ol narapela narapela yet.

Pait ya tu i surik i kam long sait bilong Asaro gavman stesin we i stap klostu

long Hailans haiwe. Ol pablik sevan husat i stap long Asaro stesin i stap namel tasol. Ol i no inap sapotim hsuat ol lain we i stap long dispela pait.

Man ya i tok olsem ol tupela lain birua i tok pinis olsem sapos narapela ol sausait lain i laik sapotim wnem ol lain ol bai kilim ol wantaim gan.

Lae wik tasol Minista bilong Plis, Mathias Karani na ol provinsal ofisa i bin go long dispela eria we pait i kamap long toktok wantaim ol pipel.

Ol Plis Mobail Skwat tu i stap long dispela eria. Tasol ol pipel i strong het na hait na pait yet.

Hevi painim Westen Hailans pablik sevan

TIMOTHY AIMS i raitim

PLANTI pablik sevan insait long Westen Hailans i bungim hevi long nogat haus, wanpela biknem prawet loya Pualus Kunai i tok

Mista Kunai i tok dispela hevi i kisim nogut stret ol loya, moa yet ol gavman loya na ol majistret

Em i tok planti pablik sevan i no karimaut gut ol wok bilong ol bikos ol i stap long hevi long nogat haus long stap gut long en na wok.

Em i tok bihanim dispela hevi, planti kotkeis i sindaun wet yet i stap taim ol i tromoim bikpela man long baim rot bilong loya i go na i kam long harim ol kot long provins.

Tasol Mista Kunai i bin askim strong provinsal gavman long lukluk strong long hevi na wokim samting kwiktaim long daunim hevi na painim haus bilong ol majistret na gavman loya.

Long wankain taim tu, Deputi Gavana Wai Ropa i tok gavman bilong em i givim bikpela tingting long hevi bilong lo na oda olsem em bai lukluk long dispela hevi.

Tupela man i bin wokim ol toktok insait long opening seremoni long makim Yia 2000 ligel yia.

Noken pait ya!



• Ol hailans i lain bilong pait na tu mekim bel kol pasin bilong stapim birua. Ol manmeri Yongomulg insait long Simbu i kilim pik na amamasim yia 2000 wantaim bikpela pati.

ELA MOTORS HANKOOK TYRES

Plantu stail long ol kualiti Hankook tyres long fitim ol kain kain kar na trak

Kisim ol long Ela Motors Pats dipatman na ol Tyre senta long olgeta hap.



Rinin Mipela nau!

Ela Motors

LONG OLGETA HAP

VISITIM WEBSITE BILONG MIPELA - <http://www.elamotors.com.pg>



HEAD OFFICE PH 3229614 PORT MORESBY 3229414 LAE 4722322 KOKOPO 9829100 RABAU 9821988 MADANG 8522188 GOROKA 7321844 MT HAGEN 5421888 WEWAK 8562255 KAVIENG 9842788 KIMBE 9835155 TABUBIL 5489060 VANIMO 8571254 PORGERA 5479367 KUTUBU 5496685 BUKA 9739017 LIHIR 9864099 ALOTAU 6410100



MADANG NUIS



Madang bai holim Momase Rijnol Developmen Forum

WENCESLAUS MAGUN i raitim

BAI i gat Momase Rijnol Developmen Forum long 27-28 April 2000 long Madang Risot Hotel long Madang, Minista bilong Planning na Implementation na Konsaltensi Implimentesen na Monitoring Kaunsel (CIMC) Siaman, Moi Avei i tok.

Sampela ol bikman bilong kantri bai i stap insait long dispela kibung, sampela bilong ol em Praim Minista Sir Mekere Morauta, husat bai toktok long pasim dispela kibung, Mista Avei, Minista bilong Transport na Civil Aviation, Bart Philemon na ol seketeri bilong Dipatmen bilong Planning na Monitoring, Helt na Edukesen.

Mista Avei i autim sampela tingting bilong em long human developmen ripot bilong dispela

kantri.

Em i tok: "Mipela i no kamapim sampela bikpela samting long sait bilong stretim sindaun bilong ol pipel bilong yumi na kantri i wok long pundaun i go insait long trep bilong hangamap long ol ausait lain na wetim kago long kam. Dispela tingting i stap insait long olgeta level bilong sosaiti."

"Long taim em i singautim olgeta pipel long wokbung wantaim long developmen bilong kantri, em i tok planti pipel bilong PNG i stap yet olsem bipo we ol i nogat ol helt, edukesen sevis na rot bilong mekim na kisim mani na tu i nogat wok. Pasin bilong pret long ol birua tu i kamap bikpela."

Mista Avei i tok, pasin bilong wok bung namel long ol provins, nesenel gavman, praivet sekta, ol sios, non-gavman ogenaiesen na komyuniti em i stap long lewa bilong Gavman polis na

daireksen.

Long dispela as em i askim ol maus manmeri bilong ol dispela grup insait long Momase Rijnol long kamap long dispela kibung.

"Gavman i kamapim CIMC tupela yia i go pinis long promotim wok bung na autim ol wari na tingting bilong komyuniti i go long gavman. CIMC bai holim foapela rijinol developmen forum long ol mun i kam bihain wantaim astingting long paitim toktok long ol samting i ken helpim sindaun bilong ol pipel long ol provins," Mista Avei i tok.

Em i tok las yia, gavman i bin sainim wanpela toktok long rikonstraksen na developm.

"Dispela toktok i lukluk long foapela bikpela samting bilong rikonstraksen na developmen. Ol dispela foapela bikpela samting em: Helt, edukesen, infrastraksa long ples na praimer industri," Mista Avei i tok.

Famili bilong Yamang i no amamas long pablik toktok

WANPELA ripot i kam long Wantok i tokaut olsem ol famili bilong Beng Menesa, Robert Yamang husat i dai long las wik, i no amamas long sampela toktok i kamap long mausman bilong asosiesen bilong ol eks kalabus lain, Victor Soni long Em TV long wiken.

Ripot i tok, Mista Soni i bin tok, "heads of Government departments and private sekta organisation must not lock themselves up inside their homes but come out and have public relations with the street boys."

Dispela hap tok i min olsem, ol het bilong ol Gavman dipatmen na ol praivet sekta ogenaiesen i noken lokim ol yet insait long haus bilong ol tasol kam ausait na wok bung wantaim ol mangi long rot.

Ripot i tok Mista Soni i bin mekim dispela toktok bihain pasin ol raskol i kilim Mista Yamang long las Tunde ausait long haus bilong em long Gerehu.

Ripot i tok kain toktok olsem i ken sapotim ol raskol mangi long go het na mekim ol pasin nogut na tu sutim tok long Gavman na ol praivet sekta long i no mekim inap samting long adresim ol hevi tru insait long lo na oda insait long siti.

Ripot i tok ol famili bilong Mista Yamang i bilip pasin ol raskol i kilim

Mista Yamang em i bihainim wanpela plen sampela lain i bin plen long mekim wantaim sampela tingting nogut.

Ripot i tok ol famili i gat gutpela pasin wantaim ol lain i stap long Gerehu na dispela i kamap ples klia taim ol lain long Gerehu i wok bung wantaim ol plis long holim pas tupela saspek sampela minit bihain long ol i sutim Mista Yamang.

Ripot i tok Mista Yamang em i wanpela strongpela man bilong lotu na i bin go pas long kamapim wanpela yut senta klostu long Ensisi veli na bipo long em i dai em i bin redi long kisim nem bilong ol yut long go long dispela nupela senta.

Ripot i tok tu olsem Mista Yamang i gat 5-pela pikinini man, Jeremy em i namba faiv na em i no wanpela pikinini meri olsem nius i bin tokaut. Ol i tok tu olsem famili bilong ol i bin trense i kam long Mosbi long Bulolo samting olsem 11 mun i go pinis na i bin stap long haus bilong beng inap ol i go long Gerehu samting olsem faiv mun i go pinis i kam inap ol raskol i sutim Mista Yamang.

Ripot i tok Mista Yamang i kam long Aidibai ples, Bogia Distrik, Madang provins na i no Abal ples olsem sampela nius ripot i tok.



MADANG PROVINSOL GAVMAN OPIS BILONG GAVANA

TOK SORI

Long makim ol pipel bilong Madang, mi salim bikpela tok sori i go long Misis Bernadette Yamang na faiv-pela pikinini man bilong leit:

ROBERT YAMANG

husat i lusim laip bilong em long han bilong sampela man nogut husat i no disevim long stap wantaim long ol gutpela manmeri bilong aispela kantri.


Mipela i no amamas long dispela kain pasin ol i mekim long wanpela gutpela pikinini man bilong Madang husat i givim laip bilong em long sevim ol pipel bilong Papua Niugini olsem sinia ofisa wantaim Papua New Guinea Banking Corporation. Mipela i laikim ol dispela man nogut long kisim strongpela mekim save long dispela dai bilong pikinini bilong mipela.

Ol tingting na prea bilong mipela i stap wantaim yupela ol famili, wanlain na ol pren bilong leit Robert Yamang long dispela taim bilong sori.


HON. JIM KAS, MP
Gavana bilong Madang



• Wanpela meri wantaim tupela pikinini bilong em i sindaun arere long haus bilong ol long ples Mindere insait long Madang provins.



Lae Nius



• Wanpela bisi rot namel long Lae maket na kona rot. Dispela rot i save oltaim bagarap long pot hol na das bikos nogat gupela kolta. Foto: Sape Metta.

Ol nupela woklain long Angau kism salens

FRANCO NEBAS i raitim

FOTI- faiv pipel i winim ol nupela posisen long Angau Haus sik long Lae.

Ol dispela wok i karamapim ol wok etministresen, nes na ol medikol sevis wok.

Sief Eksekutiv bilong Angau Memoriel haus sik Margaret Samei long welkamim ol nupela woklain i tokim ol olsem ol i kism luksave long kism ol nupela posisen na ol i mas wok hat na taim bilong pati i pinis.

Em bin tok ol i kism ol nupela woklain bihainim plen bilong haus sik yet long givim gupela sevis i go long komyuniti long dispela yia 2000.

"Mi mas tok klia olsem yupela i mas wok hat, maski wanem seksen yu wok aninit long en. Em ken long sait bilong etministresen, nening o medikol sevis. Yupela i ams karimaut gut wok olsem haus sik i laikim long helpim ol sik manmeri na pikinini," Mis Samei i tok.

Mis Samei i tok senis i kamap long rot na kain sevis we ol gavman institusen i save givim long en. Bihainim

dispela, em i tok Angau Haus sik baranim ol wok bilong em olsem wanpela bisnis long em yet long givim sevis i go long Lae siti na ol komyunitiklostu. Na em mas givim gupela sevis.

Taim sampela long ol dispela lain we ol i kism ol em ol woklain yet bilong haus sik, ol i kism sampela ausait lain i go insait.

Mis Samei i bin tokim ol nupela woklain olsem ol mas amamas long wok long Angau Hospitel bikos wanpela sevei wok we Hospitel Manesmen Operesen Impruvmen Program Apreisel Tim i bin karimaut i soim olsem Angau haus sik i kamap namba wan long sait bilong lukautim ol samting, jenerel menesmen na gupela wok bilong ol woklain. Na Mosbi haus sik i kamap olsem namba tu, Hagen namba tri, Goroka namba foa na Nonga Haus sik long Rabaul i kamap namba siks.

"Yupela em ol ki pipel long ol wok we yupela i holim na taim yumi wok bung gut wantaim, yumi ken provaidim gupela kwaliti sevis na mekim Angau olsem namba wan na gupela haus sik tru insait long kantri," Mis Samei i bin tok.

Singaut long ol draiva i ronim gut ka insait long Lae

LAE siti Lod Meya Toffamo Mionzing i apil o singaut strong i go long ol draiva long Lae siti i mas draiv gut long ol nupela rot we konstraksen wok i pinis na i op long i go long pablik.

Mista Mionzing i mekim dispela singaut long wanem long wanpela ripot i go long opis bilong em i tok sampela draivana ol papa bilong

ka i wok long bamim ol sainpos o mak long rot bihain long rot i op long pablik.

Em i tok planti ol rot long ol indastriel eria long Lae i wok long pinis na i op long pablik i yusim tasol sampela draiva i no rispektim ol sainpos ol i putim na ol i wok long bamim ol yet.

Em i tok yumi bin draiv long rot i

bagarap long planti yia i go pinis na wantaim gupela bel long gavman bilong Australia, ol i givim yumi dispela presen we nau yumi ken lukim kamap long gupela rot insait long siti long dispela taim.

"Olsem gupela sitisen bilong siti, yumi mas lainim long luksave long wanem samting ol i givim long yumi," em i tok.

Long dispela yia tu Lae siti Otoriti i wok long karimaut sampela projek long helpim kamapim senis i go long ol pipel bilong Lae.

Wanpela projek ol i mekim em mesa rot mentenens long stretim indipendens draiv long mun Mas.

Maski dispela rot i kam aninit long Nesenel Gavman, rot i bin

bagarap tru we kaunsil i go insait long traim stretim long kamapim gupela long ol pipel bilong Lae.

Mista Mionzing i tok maski mani i no bikpela tumas em laik tokim ol pipel olsem Lae Siti Otoriti bai go het long wok long impruvim sevis long wanem liklik mani ol i gat long en.

Mionzing welkamim Ledi Kidu olsem siameri bilong eben komiti

SIAMAN bilong Papua Niugini Lokol Levol Gavman Asosiesen, Toffamo Mionzing i welkamim kamap bilong Ebenaisesen komiti na makim bilong Ladi Carol Kidu olsem siameri bilong komiti na gavana bilong Morobe Honorebol Sogang Luther Wenge olsem namba tu bilong em.

Papua Niugini i nogat gupela nesenel polisi i stap long bihainim gut long eben developmen rot. Na kamap bilong dispela ebenaisesen komiti i kam long rait taim stret na em bai helpim stretim dispela hevi long uben senta.

"Dispela em wanpela bikpela eria we yumi mas lukluk long em long wanem long ol taim bipo, gavman i ng bin gat luksave long dispela," Mista Mionzing i tok.

Long dispela em i amamas na welkamim dispela tingting Morauta Zeming Gavman i kamapim long skirapim ebenaisesen komiti.

Mista Mionzing i tok long ol yia i go pinis gavman i bungim eben developmen hevi wantaim long ruel eria bikos i no gat klia nesenel polisi long developim eben senta.

"Yumi ken lukim nau i gat bikpela nid long polisi long helpim ol manmeri i kam insait long taun na yu edresim developmen na manmeri insait long

uben senta.

"Dispela em namba wan eria we dispela kem i mas nau lukluk long en.

Mi laik askim tu komiti long edresim olgeta hevi na wankain i go tu long sosol sevis olsem, hausing, ol skul na helt tasol i mas lukluk strong long hevi tu bilong graun," em Mionzing i tok.

Em i tok tu olsem Eben Gavman nau i wok long bungim hevi bilong graun long wanem gavman i no skelim o kamapim wantaim gupela polisi na putim gut long ol i bihain long eben senta. Long dispela as eben komiti mas mekim olsem graun em nambawan samting na mas kamap wantaim gupela plen long helpim groa bilong uben senta.

"Ebenaisesen komiti i mas noken wok ol yet long eben gavman na mi olsem siaman bilong PNG Uben Lokol Levol Gavman Asosiesen

i laik tok klia long Ledi Kidu na komiti bilong em olsem asosiesen bilong mi bai wok klostu wantaim em long kamapim gupela polisi long olgeta eben developmen rot insait long PNG.

"Mipela bai welkam olgeta rot komiti bai wokim wantaim asosiesen bilong mipela long kamapim eben developmen polisi long groa na menesmen long ol eben senta bilong yumi," Mista Mionzing i tok.

PHONE:
(875) 472-3912

FAX:
(875) 472-3919

IMPACT
SIGNAGE
PNG

Any Size,
Any Shape, Any Amount

- COREFLUTE SIGNS
- METAL SIGNS
- BUMPER STICKERS
- T-SHIRTS
- STUBBY COOLERS
- BILLBOARDS
- BUNTINGS
- POINT OF SALE

FOR ALL YOUR PRINTING NEEDS

P.O. Box 3705, Lae, M.P. 411, Papua New Guinea - Email: Impact@qglobal.net.pg

Sios nius wantaim WENCESLAUS MAGUN

Melanesian Enviromen Faundesen agensim lo bilong kilim manmeri

MELANESIAN Enviromen Faundesen (MEF), wanpela nong-gavman ogenesisen long kantri i agensim Gavman long kamapim lo bilong kilim ol manmeri i kilim narapela man o meri.

Dairekta bilong MEF, Reveren George Euling i tok, nogat wanpela politisen, gavman o man o meri i gat rait long kilim wanpela man o meri, maski sapos dispela man o meri i kilim narapela man o meri.

"Yu no inap stretim rong long rong pasin, tasol long stretpela

pasin. Na stretpela pasin em insait long pasin bilong rihabilitesen," Reveren Euling i tok.

Em i tok taim ol politisen i singaut strong long karim aut lo bilong kapitel panismen o yusim pawa sia long kilim ol man o meri i kilim narapela man o meri o hangamapim ol na ol arapela pasin bilong panismen we i kisim laip, dispela i soim olsem Gavman i feil long karim aut rihabilitesen program.

Reveren Euling i tok hevi bilong lo na oda em i piksa bilong

Gavman i no lukautim gut ol pipel long sosaiti.

Em i tok taim man o meri i go aut na kilim narapela man o stil o reipim meri, Gavman i mas luksave olsem ol pipel insait long sosaiti i hangre, i nogat gutpela haus, i nogat inap kaitai, i nogat haus sik, o marasin, prais bilong ol sevis i go antap, i nogat wok na planti moa hevi i stap.

"Dispela em i as bilong hevi na i no lo na oda," Reveren Euling i tok. Em i tok, lo na oda em i kaikai bilong as tru bilong hevi.

Long dispela as em i tok, MEF i salensim Gavman long stretim pastaim as bilong hevi na i noken kisim sot kat long kamapim kapitel panismen.

Em i tok MEF i bilip olsem kapitel panismen i no wok long ol develop kantri olsem Amerika na bilong wanem bai PNG i go het na bihainim kapitel panismen.

Reveren Euling i tok tu olsem MEF i no sapatim kapitel panismen bikos sapos Kot i painim aut sampela taim bihain olsem man o meri ol i kilim, em i no dispela man

o meri i bin brukim lo na kilim narapela man o meri, olsem wanem bai ol i bringim dispela man o meri i kam bek long laip.

Olsem wanpela Kristen kantri, em i tok MEF i sanap strong tu long tok bilong God na tok kapitel panismen i brukim mandato bilong kilim indai man o meri.

Reveren Euling i tok MEF bai go aut long media na tokim olgeta pipel bilong PNG olsem kapitel panismen em i no ansa bilong lo na oda hevi long PNG.

Katolik Bisop Konferens sapatim Gavman long hapim poka takis

OL Katolik Bisop bilong Papua Niugini na Solomon Ailan i sapatim Gavman long hapim takis bilong ol poka masin.

Insait long wanpela pas Katolik Bisop Konferens i salim i kam long Wantok i tok: "Konferens i bin gat bikpela wari taim Palamen i bin tok orait pastaim long kamapim bisnis bilong poka masin. Konferens i gat wankain wari-yet olsem dispela lo ol i kamapim em ol lain i kamapim dispela lo i no luksave long en."

Pas i go het na tok: "Ol i mekim ol dispela masin long bruk brukim ol pipel long mani bilong ol, na tok tru i olsem, ol i save kisim planti mani long planti ol pipel na salim ol dispela mani i go long ol liklik lain tasol."

Pas i tok win mani ol i save kisim long ol poka masin i save go long ol liklik lain tasol husat i no wari long sindaun bilong planti lain insait long sosaiti.

"Sapos pasin bilong hapim takis i ken bringim bek gutpela samting long komyuniti olgeta, orait mipela i sapatim na strongim Gavman," ol Katolik Bisop i tok insait long pas.

Ol i singaut tu i go long ol lain husat i save mekim win mani long bisnis bilong poka masin long lukaut gut na i noken rausim ol wok manmeri.

"Ol i noken yusim eskus bilong takis i go antap long panisim kantri long pasin bilong rausim ol wok manmeri," ol bisop i tok.

Ol i tok, ol i sapatim praim minista long tingting bilong em long dispela hevi.

"Poka masin i no save kamapim mani na gutpela sindaun. I gat ol gutpela industri i stap we i gutpela long dispela kantri," Ol bisop i tok.

Ol i singaut i go long ol lain i gat ol poka masin long sapatim tingting bilong Gavman long kamapim tru ol wok bilong ol pipel bilong dispela kantri we i ken stap oltaim.



• Ol Katolik bilong Yongomul peris insait long Simbu i bin bung na Misa long selebretim yia 2000 long peris bilong ol. Foto: Sape Metta.

Madang Yunaited Sios Ista kemp i kamap gut

"PRESEN God i givim yu, em i laip bilong yu na wanem kain pasin yu yusim laip bilong yu, em i presen bilong yu i go long God," dispela em i astingting bilong 2000 Madang Yunaited Sios Ista Yut Kemp, Reveren Kavora Siulangi i tok.

Em i tok samting olsem 112 yut krismas bilong ol i stat long siks i go inap long wanem krismas ol i gat nau taim ol i skul long ol koles, institusen, na yunivesiti long Madang i bin kamap long dispela Ista yut kemp long Madang Yunaited Sios graun.

Em i tok ol yut i bin kam long Holi Spirit, Kusbau, na Jomba praimeri skul, Paramed, Luteran Nening Skul, Divzin Wod Yunivesiti, Madang Teknikel Koles, PNG Notikel Koles, Amele, na Kikirai Yunaited Sios klostu long Sogeram insait long Midel Ramu Distrik.

Reveren Siulangi, Saplin bilong Yunaited Sios long ol koles na yunivesiti long Madang, Reveren Paul Gaudi na Reveren Maso Sarea pasto bilong Pendamon Yunaited Sios long Kerema kompaun i bin go pas long dispela Ista yut kemp.

Sampela ol arapela sios lida tu olsem Silas Zale tu i bin helpim ol pasto bilong Yunaited Sios

long skulim ol yut long tok bilong God, Reveren Siulangi i tok.

Em i tok insait long dispela Ista yut kemp, ol yut i bin kisim moa taim long stadim Baibel wantaim astingting bilong Ista yut kemp bilong dispela milenium.

"Mipela i laik helpim ol yangpela pipel long glasim laip bilong ol yet olsem presen i kam long God. Mipela i laik helpim ol, bai ol i ken painim aut wanem rot o pasin ol i ken yusim laip bilong ol olsem presen i go long God," Reveren Siulangi i tok.

Em i tok bikpela laik bilong Yunaited Sios long Madang em long helpim ol yangpela pipel long luksave olsem God i ken givir ol namba wan samting long laip bilong ol.

Reveren Siulangi i tok Yunaited Sios i luksave olsem dispela em i wanpela rot bilong helpim ol yangpela pipel long kamap ol gutpela manmeri long spsaiti.

Em i tok dispela Ista yut kemp i sut i go insait long helpim ol yangpela pipel long kamap ol gutpela pipel bilong PNG na i no go insait long raskol pasin, pasin bilong kisim spak brus, dring bia, repim ol meri na kamapim ol arapela bikpela hevi bilong lo na oda.

Reveren Siulangi i tok, PNG tude, i gat planti sosel hevi na Yunaited Sios long Madang i traime long helpim ol yut bilong sios bilong en long wanpela we, bai ol i ken helpim sosaiti, ol yut, ol famili na kantri.

Wanpela yut memba na tisa bilong Jomba praimeri skul, Dorah Somau 24, i tok em i bin amaras tru long dispela Ista yut kemp.

Em i tok dispela ekspirien i mekim em i gro long spirit na pasin bilong helpim ol arapela pipel, moa yet, ol skul pikinini na ol tisa long luksave long God na bihainim pasin God i laikim ol i mekim long laip bilong ol wan warr.

Mis Somau i tok ol i bin kisim Baibel stadi, ol i bin kamapim sampela gutpela danis wantaim gita na ol kundu bilong litimapim nerr: bilong God, na sampela yut i bin autiri laip stori bilong ol long wanem kain pasin God i wok insait long laip bilong ol.

Em i tok dispela Ista kemp em i no wankain olsem ol arapela Ista kemp em i save go long en bipo long wanem long dispela Ista kemp, ol i kisim moa taim long glasim laip bilong ol yet insait long laik bilong God.

MEF salensim Gavman long rausim Poka masin

MELANESIAN Enviromen Faundesen i salensim Gavman long rausim lo i givim tok orait long kamapim ol poka masin bisnis long kantri.

Dairekta bilong MEF, Reveren George Euling tok MEF i wanbel wantaim Praim Minista Sir Mekere Morautim long hapim 60 pesen takis long bisnis bilong poka masin. Tasol em i tok MEF i salensim Gavman long go het na rausim dispela lo we i givim tok orait long statim bisnis bilong poka masin long kantri.

Bisop Bonivento sapatim Sir Mekere

INSAIT long wanpela pas i go long Praim Minista Sir Mekere Morauta, Bisop bilong Vanimo diaosis, Cesare Bonivento i sapatim Sir Mekere long hapim 60 pesen takis long bisnis bilong poka masin.

"Praim Minista, mi tok hamamas tru i kam long bel bilong mi long pasin yu mekim long sait bilong ol poka masin. Mi no toktok tasol long 60% takis yu putim long olgeta poka masin. Tru tumas, bai i moabeta, sapos yumi i rausim poka masin na haus bet olgeta," pas bilong Bisop Bonivento i tok.

Em i tok, "I no olgeta taim yumi save lukim ol politisen i gat strong long sanap na tokaut long ol dispela

samting na tu putim ol manmeri pastaim long wok bisnis o mani."

Em i tokim Sir Mekere olsem ol biklain manmeri husat i no inap tokaut i hamamas tru long pasin em i bin mekim. Bisop Bonivento i tok, i gat planti biklain manmeri i stap egens long poka masin.

"Planti bilong ol em ol famili husat i bungim hevi bilong poka masin taim papa o mama i pilai poki," Bisop Bonivento i tok.

"Olsem Bisop, mi lukim olsem hevi bilong poka masin olgeta de i bikpela tru insait long famili husat i strong bilong Papua Niugini, maski sapos Gavman i lusim mani, kantri bai i hamamas," em i tok.

Wol edukesen forum kamap long Senegal

HELEN REI i raitim

BIKPELA edukesen bung we ol i holim long Dakar, biktaun bilong kantri Senegal bai pinis long tumora.

Ol i kolim bung ya long Wol Edukesen Forum.

Bung ya i bin stat long dispela wik Trinde Epril 26 Moa long 180 kantri na 1.000 nesanel lida bilong ol kantri i stap insait long dispela bikpela bung long toktok long ol bikpela samting we i sut long edukesen na ol wok go het bilong ol samting we ol kantri i bin tagetim long ol bung bilong ol pastaim.

Bikpela samting em long "Edukesen For All" o olgeta man i mas save long rit na rait.

Yunaitet Nesens, Wol Beng, ol baileterel dona grup, ol NGO na ol edukesen speselis i sponsarim dispela

bung ya. Ol ripot i tok ol presiden bilong Ijip, Nigeria, Senegal na Uganda i stap insait long bung wantaim tu Seketeri Jenerel bilong Yunaitet Nesens Kofi Annan na narapela siksipela bikman bilong UN.

Long dispela bung, ol bikman bai prisenim ol kantri ripot bilong ol we i lukluk long riviuwim besik edukesen insait long wanwan kantri bilong ol.

Long dispela forum, ol deleget bai kamapim wanpela elsen plen na dispela em wanpela dokumen we ol bai redim long helpim ol kantri long inapim wok long olgeta pikinini i mas skul. Na dispela i mas karim kaikai long yia 2015.

Long dispela bung tu, Asia Pasifik rijen bai givim ripot long ol literesi program bilong ol na rot we ol inap long em long olgeta pikinini na ol narapela i mas save long rit na rait long en.

Rot long lukautim gut tit

Helti Maus i laikim helti kaikai

Wanem em helti kaikai?

Dispela em balens kaikai we i gat ol kaikai na dring i givim long bodi :

**ENEJI
BODI BILDING
GUTPELA HELT NA
LUKAUT EGENS LONG OL KAIN SIK**

Helti maus bai laikim;

Planti ol
BODI BILDING
kaikai i gat
PROTIN
long ol
PIS na OL NAT

Planti ol
VAITAMIN

na
MINEREL
long lukautim

GAM
bilong yu long ol
KAIN SIK

na helpim ol titi bilong yu i gro strong

Long kisim gutpela

HELT KAIKAI,

abrus long yusim tumas ol kaikai na dring bilong stoa we i gat bikpela level bilong

SUGA, SOL na GRIS

long ol. Yu ken kisim ol long ol

SPESEL OKESEN

na

NOKEN LUS TINGTING

LONG DRINGIM PLANTI WARA



COFFEE INDUSTRY CORPORATION INDUSTRY AFFAIRS DIVISION

PRAS BROADCAST WAN WAN WIK

SUMMARY		DATE: 25-04-00			
Average prices t/kg as at: 25-04-00		SERIAL NO: 04-07-99/00			
		Range	17-04-00	March	
ARABICA:					
Green Bean	Y1	367	335 to 480	365	458
(DIS LAE)	PSC	355	340 to 380	360	474
	X	406	365 to 490	496	504
	A	421	370 to 495	418	525
PARCHMENT :					
(Factory Door)	Class 1	224	200 to 235	243	310
	Class 2	205	200 to 210	217	290
	Class 3	187	180 to 200	207	281
CHERRY: (Factory Door)					
		52	45 to 57	51	73
ROBUSTA:					
Green Bean	NQ		NQ	160	209
Parchment		110	100 to 145	110	142
NEW YORK "C" CLOSING 24-04-00					
Other Mild Arabicas					
US cents/lb		97.75		95.95	106.6
One Kina=US\$		0.395		0.391	0.355
Toea/Kg -					
	Without discount/premium	545.57		541.70	662.01
	With discount of 17 cents/lb	450.69		445.72	554.88
Y-grade (Gross F O B Lae)* [1]		450.69		445.72	554.88
Levy on [1]	[2]	26.00		26.00	26.00
Y-grade (Net F O B Lae) [1-2]		424.69		419.72	528.88
Indicative					

MAKET TOKTOK

Prais bilong kopi fiusa bilong mun Septemba long Niu Yok i sunik i go antap long 2 pesen las wik. As bilong dispela em bikos i no gat planti bisnis is kamap long salim kopi bikos long holde. Tasol maket i wetim wanpela kibung bilong ol produsa long dispela wik we ol bai toktok long holim 7 milien 60 kilogrem kopi bag long wol maket long sapotim prais.

Insait long PNG, prais bilong net f o b i go antap long wan pesen las wik bihainim wanem samting i kamap long intenesenel maket. Prais bilong DIS Y1 tu i go antap long wan pesen tasol faktori dua prais i go daun long 8 pesen. Mipela i no inap kisim prais long ol sampela provins bikos long hevi bilong telipon.

Ol i bungim fiusa prais na eksens ret na kamapim FOB prais, Tasol prais bilong wan wan ekspta i narakan.

Prais long dua bilong faktori (t/kg)

Wik i stat 17-04-00

AREA	PARCHMENT RANGE			ROBUSTA	CHERRY RANGE
	ARABICA				
CLASS	CLASS	CLASS			
1	2	3			
NATIONAL	200 to 235	200 to 210	180 to 200	100 to 145	45 to 57
KAINANTU	NQ	NQ	NQ		NQ
GOROKA	220 to 235	- to 200	- to 200		52 to 57
KUNDIAWA	NQ	NQ	NQ		NQ
MINJ/BANZ	215 to 230	200 to 210	- to 200		45 to 55
MT HAGEN	NQ	NQ	NQ		NQ
WAPENAMANDA	NQ	NQ	NQ		NQ
LAE	- to 220	- to 200	- to 180	NQ	
ASEKI	- to 220	- to 210	- to 195	NQ	
MUMENG	NQ	NQ	NQ	NQ	
WAU/BULOLO	NQ	NQ	NQ	NQ	
PORT MORESBY	NQ	NQ	NQ	NQ	
MADANG	- to 200	NQ	NQ	- to 140	
ORO	- to 225	- to 210	- to 195	- to 145	
EAST SEPIK				100 to 120	

- CIC Ltd Industri Afeas Divisen i save bihainim dispela mak long putim aut Maket Prais olgeta wik.
- Eksens Ret: Mande US Dola T/T mak bilong mani egens Kina long PNGBC.
- 1 kg. = 2.20462 lb
- Prais bilong kopi long dispela wik i kam long prais bilong olgeta espota na prosesa long Made wantaim pais bilong ol fiusa prais long las Fraide
- Long kisim moa toksave long dispela, askim Industri Afeas bilong CIC long telepon namba 732 1266.

Ol Sepik komyunititi givim gutpela sapot long elementeri skul

VERONICA HATUTASI i raitim

BIKPELA sapot bilong ol komyuniti insait long provins i skruim wok bilong kirapim ol elementeri skul insait long Is Sepik provins, Siaman bilong Edukesen long Is Sepik Provinsel Gavman Tobby Samel i bin tokim Nesanel Edukesen Konprens we ol bin holim long Mosbi.

Long ripot bilong provinsel edukesen na rot long ol wok bilong edukesen i go long en long Is Sepik, Mista Samek i bin tok provins i stap long namba faiv yia taim em i bihainim nupela edukesen rifom. Na em i tru em i bungim hevi long skruim rifom bikos long mani i sot, ol i sot long ol samting bilong matiriels long ol tisa na ol sumatin bilong yusim, ol i sot long ol klasrum bilong go hetim skul bilong ol komyuniti na

sekonderi top ap klas, ol haus tisa na l samting moa olsem.

Tasol em i tok wantaim helpim bilong komyuniti, ol i mekim gutpela wok go het taim komyuniti i sanapim ol klasrum bilong ol elementeri na komyuniti skul level.

Mista Samek i tok stat yet long 1995 i kam inap long yia 2000 taim provins i kam aninit long nupela edukesen rifom komyuniti i sanap sapotim ol wok long bildim ol klasrum samting na dispela i gutpela sain.

Wanpela hevi i stap long ol elementeri skul level em nogat supavaisa long ol (elementeri) tisa insait long provins.

Na Mista Samek i tok Nesanel Edukesen Dipatmen bai mas givim kliapela tok stia long putim ol inspekta long ol elementeri skul tisa long Is Sepik.

Narapela samting tu em bin autim long ripot em ol sot long ol tisa long ol hai na sekonderi

skul. Tu ol tisa long dispela tupe: a level i sot long ol haus long slip long en.

Mista Samek i bin tokaut tu olsem ol praimer skul i bungim hevi long ol kurikulum metiriels na ol teks buk bikos ol no kisim ol saplai bilong ol hariap long Nesanel Edukesen Dipatmen long Mosbi.

Em bin tok tu olsem ol praimer skul long provins i no kisim ol establismen gran mani bilong ol insait long las faiv yias nau.

Em i tok gavman bilong em i givim bikpela tingting long edukesen na long 2000 baset, em i katim K60,000 long karamapim edukesen rifom na ol wok long go hetimol wok program long dispela.

Em i tok tu olsem provinsel edukesen divisen bai tromoim K30,000 long baim ol laibreri buk bilong ol praimer skul long Is Sepik yet.

Nupela K5 not long makim bon de bilong BPNG

RAYMOND PALANGAT i raitim

LONG makim 25 krismas bilong mani bilong yumi Kina na Toea long Epril 19 las wik Trinde, Beng bilong Papua Niugini i bin kamapim nupela K5 pepa mani.

BPNG gavana Wilson Kamit i tok nupela i gat ol wankain piksa na sekuriti mak olsem dispela we yumi yusim i kam inap tude tasol senis i kamap long kala bilong flag na nesanel kres.

Pablik i ken lukim senis long PNG flag we nau ol i prinin long silva long fran na lowa hansut klostu long hanmak (signesa) bilong seketeri bilong treseri dipatmen.

Tu ol i putim kamap ol spesel namba long fran bilong dispela K5 pepa aninit long nesanel kres we i gat PNGSJ 194200 long retpepa ink.

"Long Epril 19, 25 krismas i go pinis, em bin namba wan taim bilong PNG long gat mani bilong em yet, Kina na Toea. Kisim mani bilong yumi yet em bin wanpela strongpela rot we kantri i strongim tingting long kamap olsem wanpela yunaitet kantri.

" Olsem tasol nesanel fleg,



• Kofi sisen i klostu nau. Ol ples lain bilong Not Goroka long Isten Hailans i wok long kisim ol kofi sid. Foto: Theo Thomas.

nesanel entem o singsing na nesanel kres, mani bilong yumi Kina na Toea em i nesanel mak we

i makim ol hap hap kalsa na pasin tumbuna bilong yumi", Mista Kamit i tok.

Em i tok Kina i bihainim nem bilong naispela sel we ol Hailans na Momase pipel i yusim olsem

mani long tumbuna pasin bilong ol. Na Toea i kisim nem bihainim wanpela sel we ol nambis lain i save yusim long putim olsem hanbilas bilong ol.

Mista Kamit i tok ol bin sekim gut tru ol piksa na mak long dispela K5 pepa mani bilong makim ol kalsa bilong olgeta hap bilong PNG.

"Kina i raun long planti hap stat long taim em i kamap olsem mani bilong PNG 25 krismas i go pinis. Pastaim ol bin yusim tasol ol pepa mani tasol long 1992 taim Sir Henry ToRobert i bin stap olsem gavana bilong kantri, ol bin yusim K2 plastik pepa not long makim namba nain saut pasifik gems we i bin kamap long PNG.

"PNG em bin namba wan kantri ausait long Australia long yusim plastik pepa mani. Na dispela i kamap gut na ol arapela kantri tu i bihainim" Mista Kamit i tok.

Em bin tok ol lain husat i save bungim (kolektim) ol kain samting olsem i ken baim na putim long koleksen lista bilong ol.

Em i tok sapos sampela lain i laik baim nupela not ya, i moabeta long lukim ol woklain bilong BPNG long en.

Lae amamas long lukautim Tred Fea

SAPE METTA i raitim

TAIM presiden bilong manufektas kaunsil Wayne Gidding wantaim ol eksekutiv bilong en i bin tok orait long Lae siti i lukautim tred fea long dispela yia, Meya bilong lae siti Taffamo Mionzing i bin amamas tru long wanem em i wanpela bikpela blesing bilong ol pipel long Morobe provins na tu ol lain long Hailans na ol arapela senta bilong Momase rigon olsem Madang, Ramu na Wau Bulolo.

Em i namba wantaim tru long dispela PNG Made Tred Fea i kamap long Lae long dispela nupela milenium na tu em i kamap ausait long Pot Mosbi siti na i kamap bikpela tru we em i pulim planti manmeri long i go lukluk raun long stat na i go pinis long en.

"Mi laik tok bikpela amamas na tenkyu i go long Wayne Golding na siaman bilong ogenaising komiti, Keith Kingston wantaim ol komiti bilong en long mekim planti hatwok

long ogenaism na kamapim dispela tred fea," Mista Mionzing i tok.

Em i tok ol bikpela kampani i go daun long ol liklik bisnis ogenaiesen wantaim ol ruel bes indastri husat i bin stap insait long dispela tred fea i bin mekim dispela yia 2000 tred fea ya i kamap namba wan tru.

"Mi laik tok amamas na tok tenkyu tu long ol kampani bilong Lae olsem Westercoc na Wong Tim na Co long yusim ol mesa awot bilong ol samting em ol i bin putim aut long disepal tred fea," Mista Mionzing i tok em i amamas tu long luksave olsem moa long 30,000 manmeri i bin kamap na lukluk raun long dispela Tred Fea 2000.

Mista Mionzing i tok ol ogenaising komiti i wokim rait disisen long makim Lae olsem ples bilong kamapim tred fea long dispela yia.

Em i tok Lae em i liding indastri senta bilong kantri na tu long sait bilong ol kago wei save kam long ovasis, Lae em i geit we bilong kisim

ol dispela kago samting we i save kam long ol bikpela kontena sip na salim i go antap long Hailans rijen.

Na taim dispela tred fea i kamap long Lae em i soim olsem "baim PNG med (buy PNG made)" samting i kamap klostu tru long planti ol pipel bilong PNG.

Kain ol samting em ol kampani na ol arapela bisnis ogenaiesen i putim aut long tred fea bai i ken givim sans na pulim laik bilong planti lokol bisnis lain long wokim insait yet long kantri bilong yumi.

Mista Mionzing i tok nau yet Lae i stap long planti bikpela konstraksen wok bilong stretim olgeta rot insait long siti we gavman bilong Ostrelia i go pas long helpim na famili.

Na mi gat strongpela bilip olsem bihainim long olgeta wok long rot i pinis na i kamap gut i luk olsem planti bisnis bai i kam insait long Lae siti. Na dispela bai strongim sans bilong kamapim narapela tred fea long Lae long yia 2001," Mista Mionzing i tok.

Bogenvil Kopa bai tromoi K1.6 milien long opim bek Panguna

BOGENVIL Kopa kampani bai nidim K1.6 bilien long opim bek gen Panguna Main, Manesing Dairekta Barry Cusack i tok.

Mista Cusack i bin autim dispela toktok long las wik insait long wanpela bisnis bung long Melbon, Australia.

Tasol em i tok ol rebel paitman ino laikim bai i op.

Mista Cusack i tok, tru hevi long sait bilong politiks i pasim operesen bilong main, i gat ol hevi long sait bilong mani tu. Na tu planti kopa main long wol olsem long Chile insait long Saut Amerika i op nau.

Em bin tok taim Panguna Kopa main i op, em bin pulim bikpela mani tru bikos i nogat ol arapela main tumas long resis wantaim em.

Em i 12-pela krismas nau taim Panguna main i pas na planti ol masin samting long yusim long wok i bagarap.

Papa kampani bilong BCL em

Rio Tinto bai tromoim moa long K1 bilien sapos em laik opim bek Panguna. Long dispela taim, ol i stap isi na lukluk tasol bikos ol no inap long go long Panguna na kisim ripot long situesen long hap. Ol ino laik suvim het bilong ol long opim bek main na long dispela taim, ol i helpim tasol long wok bilong kamapim gutpela sindaun long ailan long ol rot bilong ol yet. Sefti na bikpela mani long opim bek main em ol hevi we Rio Tinto i lukim na stap isi tasol long sailtain.

Rio Tinto we i bikpela maining kampani bilong Australia i gat sea long ol maining operesen long Indonesia, Lihir long Nu Ailan provins na long ol arapela hap bilong wol olsem long Saut Amerika na long kantri bilong em yet Australia.

BOROKO
FOODWORLD
AT GORDONS

Sunshine Liquid Milk 1 litre	K 1.50
Power Rice 10kg	K15.27
Power Rice 1kg	K 1.67
Blue Bird Sardines 425gr	K 1.95
Gold Nuggets 25gr	K .30
Steelo Steel Wool 5's	K 1.18



Mortein Red 190gr	K 2.50
Diana Tuna 380gr	K2.81
Ox & Palm 340gr	K3.19
Weet Bix 375gr	K3.90
Beef Sausages 1kg	K4.95
Lamb Chops 1kg	K7.50

Planti moa kaikai prais i go daun long en!

Ph: 325 7566, 325 0863 Fax: 325 7096

WANTOK

NIUSPEPA BILONG YUMI OL PAPUA NIUGINI STRET

Watpo karim gan long lukautim skin?

Dispela wik, Praim Minista i tokaut long Palamen olsem klostu olgeta memba bilong Palamen i gat gan long ws long skin bilong ol. Ol i gat gan bikos ol i pret long laip bilong ol.

Watpo na ol dispela lida i pret? Ating ol i pret long ol birua bilong ol, o ol raskol na ol i karim gan.

Ol lida i karim gan olsem na ol i no wari tumas long paitim toktok long kamapim lo long tambuim ol pipel i karim gan na sotgan.

Sapos lida i pret long laip bilong em bai em i no inap wari long tambuim gan long kantri.

Yumi ol manmeri nating i luksave pinis olsem planti trabel bilong hensapim man, kilim man na stilpasin i kamap bikos ol man nogut i karim gan na i mekim dispela pasin.

Tasol yumi i no gat pawa long toktok strong long rausim dispela samting bikos ol lida bilong yumi i gat gan na ol i no inap tingting long senisim lo.

Laip bilong yumi hia long PNG i wok long senis. Bipo i no gat gan o sekyuriti bilong ol bikman. Ol i fri long wokabaut long laik na ol i save i no gat man bai tingting long kilim ol.

Tude laip i senis. Ol bikman na meri i tingting planti long skin bilong ol.

Em i mak tru bilong lida long karim gan na ol samting bilong was long skin bilong em o ating dispela i nupela pasin bilong PNG?

Sapos dispela em i nupela pasin bilong PNG, ating bai yumi mas sori.

Bikos yumi no fri moa. Pasin bilong pret i bosim yumi nau na ol lida mas banisim laip bilong ol wantaim samting bilong pait.

Dispela kain hevi i no inap kamapim wanpela gutpela samting long helpim kantri bilong yumi.

Lida bai i wari oltaim long laip na sindaun bilong em na bai em i no inap long raun na lukim ol pipel bilong em na kamapim wok long helpim sindaun bilong ol.

PNG i mas sem tu. Bikos pasin bilong ol lida i karim gan long lukautim skin bilong ol i soim olsem hevi bilong lo na oda bai i stap yet. Ol dispela hevi bai i no inap long pinis bikos ol lida i givap na ol tu i karim gan nau long pait wantaim ol man nogut.

Na yumi ol manmeri nating bai i lus na sindaun luksori i stap.

Em wanem kain pasin nau ya. Watpo bai yumi givap hariap na larim ol trabelman i win. PNG em i ples bilong yumi.

Yumi yet i mas painim rot bilong stapim pasin bilong kilim man nating long gan.

Yumi no mas larim pret i bosim laip bilong yumi.

Sapos yumi olgeta i givap nau na baim gan long lukautim skin bilong yumi, ating ol pikinini na tumbuna bilong yumi long bihaintaim bai i no inap long stap fri.

Ol bai sindaun na slip wantaim pret. Oltaim bai ol i raun wantaim pret na i no inap long amamas na sindaun olsem ol fri manmeri.

Yumi ol pipel i mas toktok strong long dispela. Gan na ol sotgan na samting bilong kilim man i dai i no gat wok long laip bilong yumi.

Wan wan manmeri long PNG i laik stap fri we em i no inap pret na em i stap bel isi. Dispela pasin i ken kamap sapos yumi bung wantaim ol lida bilong yumi na painim rot long kamapim dispela kain sindaun insait long kantri na komyuniti bilong yumi.

Ombudsmen i askim long Kens Konsevetori ripot

Ombudsman Komisn i singaut long gavman na BOT bilong Pablik Opisas Supanuesen Fan long bihainim ol toktok i stap insait long ripot bilong Kens Konsevetori.

Sief Ombudsman Simon Pentanu i tok gavman i no bihainim olgeta 20 rekomendesen i stap insait long dispela ripot. Ombudsmen Komisn i bin autim dispela ripot bilong en long Desemba las yia.

Wanpela samting Ombudsmen i askim gavman long mekim em long rausim siaman bilong POSF John Ban, Michael Malabag husat i makim ol Pablik Employas Asosiesen na Aloysius Eviasa husat i makim Plis Asosiesen.

OPM lida i dai long Vanimo

Ol pipel bilong Vanimo i kirap nogut long indai bilong wanpela OPM lida. Ripot karh long Vanimo i tok Hans Bomai, lida bilong westen komand bilong OPM i dai bihain long sampela lain i sutim em long naip na hama long wanpela setelmen long Vanimo.

Brata bilong erm Lego Bomai tu i bin kisim bagarap long dispela taim tasol em i stap nau long Vanimo haus sik.

OL HAP HAP

nius

Ol plisman long Vanimo i holim pinis 8-pela pipel bihain long dispela trabel.

Ripot i tok Hans na Lego Bomai i bin lusim ples hait bilong ol long bus klostu long Skotsio long PNG Indonesia boda na kam long Vanimo. Ol i laik go long Jarkata long toktok long wanem samting bai kamap long Irian Jaya long bihaintaim.

Ol plisman i bilip dispela birua i kamap bikos long pait namel long ol OPM yet long husat tru i lida bilong ol.

Ol plisman long Vanimo bai go long ples Skotsio long toktok wantaim wanpela OPM lida Mathias Wenda.

Sensus Kodineta bung long Mosbi

Wanpela kibung bilong ol sensus kodineta i stat long Mosbi long Tunde na bai pinis long Fraide. Olgeta kodineta

bilong ol provins i stap insait long dispela namba faiv kibung bilong ol.

Sensus dairekta John Kalamoroh i tok insait long dispela kibung bai ol i lukluk gen long ol wok redi, taim bilong kaunim man long Julai 9, wok bilong kisim ol manmeri husat bai raun long wan wan haus na toktok wantaim ol manmeri, trening, ol material, plening, kosting, trenspot na olgeta liklik samting em ol i nidim long mekim dispela wok bilong nesenel sensus.

Ok Tedi i stretim tok

Namel long yia 2000 na 2009 bai Ok Tedi kampani i spendim 624 milien long ol pipel na gavman bilong Westen Provins. Dispela mani bai i go long royalti mani, dividen, len lis, kes kompensesen long Restated Eighth Supplemental Agreement na Lower Ok Tedi Agreement, Spesel Sapot Grant, Teks kredit skim, ol developmen projek olsem Lower Ok Tedi Fly Tiver Developmen Tras ba Viles Developmen Program.

OTML, gavman na ol NGO grup i wok long paitim toktok nau wantaim ol pipel bilong midel Flai long kamapim ol dispela nupela pekej.

Traim na yusim Kapitol Panismen nau

Yumi mas save olsem Kapitol Panismen em i wanpela lo bilong kantri bilong yumi Papua Niugini. Dispela lo i stap pinis tasol yumi i no yusim kapitol panismen i kam inap nau. I luk olsem yumi i ken yusim dispela lo nau bilong wanem hevi bilong lo na oda long kantri i go bikipela na bagarap, na sapos yumi yusim dispela lo ating sampela hevi bilong lo na oda i go daun liklik na yumi no ken tok em bai pinisim hevi bilong lo na oda olgeta.

Insait long PNG yumi lukim pinis o luksave pinis olsem planti PNG manmeri na ekspatriet manmeri i bin dai pinsi long han bilong ol man nogut. Ol lain bilong dispela manmeri i bin dai i pilim bikipela bel hevi na sori insait long bel bilong ol inap long gutpela taim i kam bihain.

Sampela rot bilong dai bilong ol em i no gutpela olsem ol man nogut ol pasim ol manmeri long ka bilong ol yet na pulpulim ol long rot na ol i pilim pen nogut tru na bihain ol i dai pinis. Na tu ol man nogut i go het yet long mekim sampela pasin nogut long ol meri i gat bel.

Dispela ol pasin nogut i wok long kamap planti long yumi olsem na bilong bekim ol dispela Gavman i mas yusim Jawa bilong en na mekim strongpela mekim sve long ol man nogut. Wanpela kain rot em long Kapitol Panismen.

Planti ol kantri long wol i save yumi kapitol panismen na planti kantri i no save yusim olsem na yumi mas save i no yumi

OPIM AI

wantaim Kena'e Ka'au

PNG tasol i gat dispela lo na tingting na toktok tumas. Yumi ken nau stat long yusim dispela lo bilong wamen, yumi kamap long mak we inap long yusim kapitol panismen.

Ating sampela bilong yumi bai i no wanbel long Gavman i yusim Kapitol Panismen nau na bai ol toktok long humen raits. Tasol yumi mas save ol manmeri i dai o pasin nogut i daunim ol gutpela raits bilong ol. Yumi gat wanem tok long ol dispela gutpela manmeri. Bai yumi toktok tasol na larim ol man nogut i kilim man na reipim meri bihainim laik nogut bilong ol. Sampela strongpela mekim save i mas kamap long man nogut bai ol i ken pret logn skurim pasin nogut i go bikipela long kantri bilong yumi.

Nau yet olgeta meri o mama long PNG i autim strongpela bel hevi bilong ol i go long Gavman long dispela ol pasin nogut ol man nogut i mekim long meri tu. Ating ol dispela man nogut i mas kisim strongpela mekim save long Gavman. Sapos planti o klostu olgeta pipel bilong PNG i autim wankain bel hevi long dispela pasin nogut i wok long kamap orait nau em i taim bilong Kapitol Panismen i ken

kamap.

Yumi i noken pasim ai na i stap tasol na lukluk tasol na pasin nogut i kamap planti long kantri bilong yumi. Sapos Gavman bilong yumi i no tingting long yusim kapitol panismen na arapela rot bilong daunim lo na oda hevi oarit husat lain long PNG bai inap logn daunim hevi bilong lo na oda nau? Dispela em i bikipela askim nau i stap. Palamen bung i stap yet long dispela mun em i mas stat long skelim dispela tok bilong kapitol panismen bihainim nau tasol krai bilong ol mama long Papua Niugini.

Gavman i noken lusim dispela tok i go bihain long narapela taim. Gavman o ol memba bilong Palamen wanwan i mas pilim tru bel sori na bel hevi long ol wan lain bilong ol gutpela manmeri, lokol na ekspatriet husat i dai pinis o kisim bagarap long han bilong ol man nogut na painim sampela rot bilong dispela hevi.

Sampela taim yumi save putim ia tumas long intenesinol lo na dispela i no save helpim yumi long PNG. Olsem na yumi PNG yet i mas kamapim lo i sut long pasin na sindaun bilong yumi yet bai inap daunim hevi i kamap long. Yumi noken pas tumas long intenesinol lo na larim hevi bilong kantri na pipel bilong yumi yet i stap na sting na bagarapim kantri bilong yumi. Olsem wanpela rot bilong daunim hevi em nau yumi inap yusim Kapitol Panismen nau.



• Long Gut Fraide ol Katolik na narapela Kristen manmeri long Mosbi i bin karim kruse na wokabaut long rot i go kamap long Sen Mary Ketidrel we Asbisop Brian Barnes i bin wokim lotu.



Lahi winim MSF Kap

FRANCO NEBAS i raitim

LAHI i bin kamapim strongpela gem long namba tu hap bilong grenfainel long winim LFA 5-2 long winim Morobe Soka Federesen Kap long Isten wiken.

Dispela soka sempionsip i bin kamap long LFA Pak.

Na long resis bilong ol meri, LFA i bekim dinau stret na mekim save long Lahi long kamap kwin bilong MSF Kap kik resis.

Winga Alwin Nema i bin opim pes gol bilong Lahi taim em i kisim wanpela gutpela bal i go insait long gol maus bilong LFA.

Nema i bin kisim dispela kik we golkipa bilong LFA Nonza i no holim gut long lukim umben seksek.

Dispela gol i bin kamap long 10 minit i go insait long namba wan hap bilong pilai.

LFA i levelim skoa taim winga bilong ol Clank John i painim Steven Sebastian husat i setim Allan long hetim bal i go insait long umben. Tasol difens bilong LFA i sek liklik long 38 minit na straika bilong Lahi Ludwig Vuri i skorim namba tu gol bilong ol long go pas wantaim skoa 2-1.

LFA i pait strong yet we i lukim wanpela kona kik i kamap.

Lancy John i kisim dispela kik we i go painim stret het bilong man i go insait long levelim skoa 2-2. Skoa i sanap osem i lukim strongpela atek na difens i kamap long tupela sait wantaim.

Bipo long hap taim brek intanesenel midfilda Richard Daniel i mekim wanpela gutpela bal wok we em i straika John Kalin long lukim umben bilong LFA i seksek.

Skoa i sanap Lahi 3-2 long hap taim.

Bihain long ol strongpela toktok long kosa bilong tupela tim wantaim, Lahi i kam bek moa strong we lukim ol i skoarim tupela moa gol.

Mark Kelep, skoarim wanpela long 77 minit na Richard Daniel arapela.

Gol bilong Daniel, em i winim ol

MOROBE SOKA RIPOT

difendas bilong LFA bipo em i skoarim namba fao gol.

LFA i traim long pait bek tasol, Lahi i putim strongpela difens pasim olgeta rot long lukim ol levelim skoa.

Lahi i kamap wina 5-2 long winim namba faiv Morobe Kap taitel.

Kosa bilong Lahi Richard Nagai i tok dispela win em long laik bilong ol boi we ol i kamapim gutpela pilai bihainim gem plen.

Em i tok, dispela skwat em i las minit tim we i no bin gat trening we ol pilaia mipela i makim em long ekspirens bilong ol.

"Ol i yusim ekspirens bilong ol long lukim dispela win kamap," em i tok.

Em i tok amamas tu long LFA long givim strong salens long ol tu.

Nagai tu i tok long bihain taim ol opisel bilong MSF mas traim askim tupela bikpela asosiesen LFA na Lahi putim ol divelopmen skwat na noken senia tim.

Dispela long wanem olgeta taim Lahi na LFA tasol bai i stap pilai long ol fainel o i stap long skwat.

Kosa bilong LFA Daino Sami i tok Lahi em gutpela tim long de.

Em i tok, "Hevi i bin kamap bihain long midfil bilong mipela bruk daun we ol i go yet long skaorim dispela tripela gol.

Tim bilong mipela tu em ol yangpela, pilaia tasol we Masi Nakai, Nonza Doa, Jack Jonathan na Gabbie tasol em ol olpela pilaia.

Em i tok tasol mipela givim ol gutpela salens.

Insait long awots, Kaiapit i kisim Fair Play awotbilong man na Langema bilong ol meri, top golkipa, Stella bilong Lahi (wimen) na long man Abraham Moide (Lahi).

Awots long midfil, Lopat bilong Lahi i winim na ol meri Ingrid long Lahi i kisim. Top gol skoa long ol meri, Edna Thomas i kisim na ol man Allan long LFA.



• Paul Komboi bilong Yunitek winim "Man of the Match" awot.

Spiders nekim Royals long Isten Kap

SAPE METTA i raitim

LAE Bisket Spiders, wanpela strongpela tim bilong Lae ragbi lig i wok long selebret yet long dispela wik bihain long ol i bagarapim stret sindaun bilong MDC Royals taim tupela tim i bin bung long gren fainel bilong Ista Kap salens long Mande.

Spiders i stap daun 8-18 long namba wan hap, tasol long namba tu hap ol i go bek na tanim tebol antap long Royals na kamaut wantaim 36-22 win.

Spiders i kisim Ista Kap wantaim K1,600 em sponsa BHP steel i putim long dispela kompetisen.

Na Royals i kisim K900 na

LAE LIG RIPOT

Panthers i kisim K500 long kamap namba tri bihain long ol i dastim Brothers 32-30. Brothers i kisim K300 na ol arapela 4-pela klab em Tigers, Difens, Tarangau na Magani i kisim K200 long stap insait long dispela resis.

Bihain long opesel opening kik op em Gavana bilong Morobe Songan Luther Wenge i mekim pilai i stat na Royals i no westim taim.

Ol i pilai kaskas long Spiders na salim winger Paul Pokana husat i ron na abrusim sampela pilaia bilong Spiders na bipo long ol i takolim em i go daun, em i salim wanpela stail pas i go long senta

Paulus Motoro na em i ron isi tasol i go slip antap long trai lain. Faiv na Albert Morabang i kikim konvesen na Royals i go pas long skoa 6-0.

Insait long narapela 10 minit, Royals i paia gen na salim Pokana i go skoarim namba tu trai bilong ol na wantaim 2-pela arapela poin i kam long gutpela kik bilong Morabang, Royals i go antap 12-0. Na dispela tupela trai i kirapim skin bilong Royals na ol i putim narapela trai gen long surikim skoa i go 18-0.

Long 15 minit bipo long hap taim, Spiders i luksave olsem i slip yet na kirap nogut ol i paia i na putim tupela trai long kona i kik i no painim gut mak na ol i aut 8-18 long hap taim.

Gavman Wenge askim ol Morobe MP long sapatim soka

FRANCO NEBAS i raitim

GAVANA bilong Morobe provins Songang Luther Wenge i singaut long olgeta nesenel memba bilong long Morobe long putim sampela mani i go long helpim divelopim soka long provins.

Gavana Wenge i bin mekim dispela toktok taim em i opim gren fainel bilong Morobe Soka Federesen (MSF) long Mande.

Dispela soka resis ya i pulim tim i kam long olgeta distrik insait long Morobe provins, na i save kamap long olgeta tupela yia.

Gavana Wenge i tok ol arapela 8-pela memba i mas autim mani long divelopim LFA Soka Graun.

Em i tok gavman bilong em long

MOROBE SOKA RIPOT

Morobe provins i mekim komitmen pinis long mein spots i wanpela samting long helpim divelopim provins.

Em i tok gavman bilong em bai sainim wanpela agrimen wantaim ol opisel bilong LFA we bai ol ken givim sapat i go insait.

"Mipela i laik putim mani i go insait we mipela bilip dispela mani bai karim kaikai long divelopim soka," em i tok.

Long wankain taim yet memba bilong Huon Galp Tukape Masani i komitim K10,000 long helpim divelopim LFA Pak.

Mista Masani husat i bin opim opim bikpela tonamen i tok olsem standad bilong soka long Morobe i

go daun stret.

Em i tok dispela long wanem ol namba bilong tim i kam resis nau i no planti olsem long bipo we namba i antap moa. Em i sori tru long lukim dispela bikos Morobe em wanpela strongpela soka provins.

"Asua em i stap long ol eksekutiv husat i ranim dispela ol asosiesen long no gat gutpela mensmen o tingting long helpim divelopim soka," em i tok.

Long dispela as long tude yu lukim ol tim i kam i no planti olsem long bipo.

"Mi nau salensim LFA/MSF eksekutiv long traim kam ap wantaim gutpela menesmen na plen long divelopim soka gen long Lae na Morobe provins, em i tok.

Koiari statim sisen 2000

by KENNEDY EDENE

KOIARI Ragbi Lig bai statim 2000 propa sisen bilong em long dispela-wiken long larowari oval long Sogeri long dispela wiken.

Faipela klab olsem Sogeri Choice, Crystal Eels, IBS Pukpuks, Trek Warriors na Hooks Tigers i givim nem pinis long stap insait long dispela sisen.

Tupela arapela tim Sirnumu Owls na Ice Panthers husat i no soim pes long pri-sisen i no tokaut sapos ol bai stap insait long sisen propa o nogat.

Ol klab husat i laik stap insait long 200 sisen i mas putim tupela sait long kompetisen A na B gret.

Ol opisel i no wanbel yet long afiliesen na rejstresen bilong ol pilaia

KOIARI LIG RIPOT

Tasol long dispela yia i luk olsem bai ol klab bai peim liklik antap moa.

Na insait long pri-sisen tonamen Sogeri Choice nekim Crystal Eels 12-4 long winim inaugurel Koiari ragbi lig 10-asait tonamen las wiken.

Dispela gem bin stap sampela minit bipo long pinis bilong gem bikos referi Albert Ugunie i no amamas long sampela toktok i kam long sapota bilong Crystal Eels.

Tasol nogat pait bin kamap Eels presiden Niue Dick em yet lukim olsem na toksave long ol opisels long stapim gen.


Long dispela gem tupela tim wantaim i bin strong na skoa i sanap 4-4 long namba wan hap bilong pilai.



IKEN WOKIM GUTPELA SAMTING LONG YU




• Tupela tambu yet, Margaret Sui (lephan) na Regina Sui i dabolim bikpela fowat bilong PNGFM. Ol meri PNGFM ya i kisim taim long lek bilong ol meri Word 3-0. Neks taim PNGFM, traim gen.



• Arapela soka eksen gen namel long Deloitte na GDA. Long lephan em Lus i laik long trikim midfilda bilong GDA.




• (Antap lephan): Menesing Dairekta bilong Orogen Charles Lepani i save gat taim long pilai spot. Hia yu ken lukim em helpim tim bilong em, Orogen long PNG Charity Kap soka tonamen i kamap long Ista wiken. Orogen lus long semi fainels.



• (Antap raithan): Chique Posman (lephan) bilong Orogen i painim we long trikim birua bilong em long PNG Charity Kap soka tonamen long wiken. Orogen i no laki tumas na lus long Deloitte Tohmatsu.

• (Raithan): Pilaia bilong Deloitte (givim baksait) i traim long brukim difens bilong GDA insait long gren fainel bilong mens divisen long PNG Charity Kap soka tonamen. GDA win 4-1.

• (Lephan): Straika bilong Atorni Jenere: i pulim bal igo long gol mak bilong Word Publishing. Tupela tim wantaim i bin dro 1-1. Tasol long penalti, Word Publishing i strong moa yet long win 3-2.
Potos: Isac Ikuavi.





Aussie Ruls kamapim tri-yia nesanel plen

AUSSIE Ruls Futbol insait long kantri nau bai bihainim nupela tri-yia developmen plen bilong em. Dispela plen i bin kamap bihain long wan-pela miting namel long ol spots administreta insait long kantri.

Insait long dispela plen, ol i tingting long surikim na kamapim aussie ruls lng ol arapela kantri olsem Solomon Ailans, Vanuatu, Fiji, Nauru na Samoa. Australia Futbol Lig (AFL) i sapatim dispela tingting na bai givim teknikel

AUSSIE RULS RIPO

sapot long mekim dispela plen i kamap tru. Nau insait long Pasifik, PNG, Nauru na Samoa tasol i save pilai aussie ruls. Sapos tingting bilong surikim aussie ruls i go long Pasifik rijen i kamap tru, ol bai toktok strong long makim aussie ruls long kamap olsem gem long Saut Pasifik Gems. Bikpela tingting nau em long holim namba wan aussie ruls

gem long Fiji long 2003 Gems Junia level em arapela ena we miting ya i toktok strong long traim kamapim Dispela junior plen bai stap namel long ol pikinini kris-mas bilong ol 9 na 10. Aninit long dispela plen tu, PNG Ruls Futbol Kaunsil em bai bosim yet olgeta wok bilong aussie ruls insait long kantri, na tu go pas long holim junia na sinia sempionsip na tu i gat wok long makim ol pilaia long makim kantri long intanesenel tonamen.

Nau yet ol i laik strongim ol senta bisem Buka Madang na Goroka husat i save pilai aussie ruls bipo tasol nau i dai pinis ya. Goroka bai stat long kism dispela kamap helpim long strongim wok bilong aussie ruls bikos ol i gat kompetisen. Dispela nesanel plen ya karamapim 2003, na taim dispela olgeta plen i stret olgeta salim i go long AF, PNG Spots Commission na PNG Sports Federesen long sketim na givim. Ol mausman bilong ol dispela senta em Mosbi, PNGRFC, Hoskins, Wes Nauru (Kimbe) junia lig i bin kamap long dispela tingting.

NESENEL SOFBAL SEMPIONSIP RIPO

Pot Mosbi dabolim taitel

POT MOSBI i winim sofbal taitel bilong man na meri wantain insait long nesanel sofbal sempionsip we i bin kamap long Rabaul long lsta wiken. Long resis bilong man, Pot Mosbi i wilwilim Tavuvur (Rabaul) wanisat 7-0 na long sofbal bilong ol meri, Pot Mosbi i hamarim stret ol Mt Hagen 3-1. Pot Mosbi i gat ol biknem pilaia olsem Patrick Pilak, Ansem Bunbun, Jerry Albert na Tony Daple husat i yusim gut ekseperiens bilong ol long nekim ol asples Rabaul. Pitsa Bunbun i kamapim gutpela pilai tru we i bagarapim stret sindaun bilong Rabaul Tavuvur. Pitsing bilong em i strong tru na i givim hat taim stret long ol beta bilong RASA. Skoa bilong Pot Mosbi i bin kamap long namba tu na namba faiv ining. Tripela ran i bin kamap long namba tu ining na arapela tripela i kamap long namba faiv ining taim ol Pot Mosbi beta i paitim hom ran. Olpela pilaia bilong Pot Mosbi na kepten bilong Tavuvur Graham Gangloff i traim olgeta samting long winim ol boi long siti tasol nogat ya. Insait long gem bilong ol meri, Pot Mosbi meri i soim olgeta strong long winim ol meri Kange. Dispela gem i ples klia stret taim ol meri Pot Mosbi i kamapim ol top gem stret long winim dispela gem. Dispela tonamen i pulim 27 tim olgeta insait long kantri. Wanpela ten tri (13) tim em ol man na wanpela ten foa (14) em ol meri. Foapela senta Pomio, Lahir, Wewak na Kavieng i soim pes namba wan taim long sofbal sempionsip. Patron bilong PNG Sofbal Federesen Sir Rabbie Namaliu i opim dispela grenfainel. I tru i bin gat sampela hevi tasol sempionsip ya i bin kamap gut tru.

NESENEL DATS RIPO

Ahi bai holim sempionsip

FRANCO NEBAS i raitim AHI Dat Asosisen long Lae bai holim Nesanel Dat sempionsip long mun Septemba long dispela yia yia. Insait long wanpela eksekyutiv miting bilong PNG Dats Federesen we i bin kamap long Lae i givim tok orait long Ahi long holim dispela nesanel sempionsip. Presiden bilong PNGDF Ronny Chow i tokaut ol eksekyutiv i makim Lae long wanem ol i bilip Lae em namel ples we i ken holim dispela kain ol tonamen. Ol lain eksekyutiv i bin kamap long miting em presiden Chow sekretari Moses Sangol na tresera Joe Evi wantaim ol opisel bilong Ahi Dat Asosisen. Long semtaim long wiken, ol eksekyutiv i bin stap long lukim Momase rijonel dats sempionsip long wiken. Sekteri Sangol i mekim sampela toktok i go long presiden bilong Ahi Robin Steven husat em ol i makim olsem tonamen dairekta. Mista Sangol i tok dispela sempionsip i op long olgeta memba asosisen na tu wanwan rejista pilaia. Ol nupela asosisen i ken stap insait tu tasol sapos i ken kamapim lo bilong ol i tokaut tu long tonamen fi sanap olsem; nesanel afilases fi em K250, long wanwan asosisen K30, long pilaia rijista fi na asosisen rijista fi em K100. Ol i tokaut tu olsem olgeta senta i mas salim tripela tims, wanpela bilong ol meri na tupela bilong ol man. PNGDF eksekyutiv tu yu bin lukluk raun long ples bilong pilai dat we ol i makim ples sosol klab (PSC) na Igam Bareks Saigent mes. Mista Steven i tok amamas i go long ol PNGDF eksekyutiv long gat bilip long Ahi Dat Asosisen long holim dispela tonamen.

SLAM DUNK NA WIN!

Nestle MILO

5 BIKPELA MILO SPOTS PACKS BILONG WINIM!

WANTAIM: BASKETBALL BACKBOD, MILO SPOTS BAG, MILO BASKETBALL, MILO T-SHIRT, WARU BOTOL NA KEP, NA K100 KES MONI!

EM I ISI TRU LONG JOINIM RESIS

Rollim nem na adres bilong yu long baksait bilong wanpela Milo label

OR

or film wanpela entri fom na putim wantaim wanpela Milo label or solpek

OR

igo insait long wanpela envelop na salim ikam long: Milo Slam Dunk na Win Locked Mail Bag, Boroko NCD

OR

or putim insait long Redpela Nestle Entri boks long ol stua husat i sapatim dispela resis.

NEM: _____ KRISMAS: _____

ADRES: _____

TELEFON: _____

OL RULS BILONG BIHAINIM LONG RESIS

- Olgeta manmeri na pikinini bilong PNG iken pilai long dispela resis. Tasol ol wok manmeri bilong Nestle na wok manmeri bilong ol agensi bilong Nestle wantaim famili bilong ol bai NOGAT.
 - Nestle (PNG) bai salim toksave igo long ol prais winas long leta na nem bilong ol bai igo insait long National na Wantok niuspepa.
 - Ol manmeri husat i winim prais i mas soim ID kat.
 - Ol wina ino inap les long prais na askim long kes moni.
 - Ino inap asua bilong Nestle sapos prais i lus, or prais igo long narapela hap or leta ino go harap.
 - Ol wina i mas kism prais olsem Nestle i gim na bai ino inap senis.
 - Sapos hevi i kamap, Nestle husat i kamapim dispela resis, bai mekim faimol disisen.
- Na olgeta entris bai kamap samting bilong Nestle.
- Bai igat faivpela (5) wikli dro na bai igat wanpela wina tasol long wanwan dro.
 - Dro bai kamap long ai bilong ol polis.
- 7pm EMTV taim bilong Dro:**
- 1 st Dro Friday 28 th April 2000
 - 2 nd Dro Friday 5 th May 2000
 - 3 rd Dro Friday 12 th May 2000
 - 4 th Dro Friday 19 th May 2000
 - 5 th Dro Friday 26 th May 2000
- * Prais bilong winim bai yupela ol wina i kism olsem mipela i advetaisim.
- RESIS BAI PINIS LONG FRAIDE JUN 2ND, 2000

MILO IKEN WOKIM GUTPELA SAMTING LONG YU

Nestle MILO IKEN WOKIM GUTPELA SAMTING LONG YU

PNGSF RIPOT

Moa meri mas kamap spots edministreta

WANPELA singaut i kam long ol meri i mas strong long wok edministreta long spot bilong ol.

Dispela em singaut i kam long namba tu vais presiden (meri) Veitu Diro bihain long em i winim bek sia bilong em long jenerel miting bilong PNG Spots Federesen long las wik long Pot Mosbi ParkRoyal Hotel.

Dispela ileksen bilong em i mekim em i kamap olsem wanpela lapun bilong PNG Spots Federesen. Em i stap wantaim PNG Spots Federesen inap 26 yia olgeta.

Misis Diro i tok planti ol meri i mas kamap spots edministreta bilong ol yet i ken mekim wok bilong ol.

"Tasol mi ken tok olsem pasin PNG, ol man i mas go pas na ol meri bai stap yet long beksait bilong ol. Sapos ol meri i gat dispela kain tingting, ating ol meri bai kisim longpela taim tru long mekim dispela wok."

"Ol meri i mas winim pastaim kastam bilong PNG na wantaim sapot bilong man bilong ol, ol i ken mekim gut wok olsem spot edministreta."

"Mi yet i lukim long planti yia olsem planti ol man i no givim sapot long ol meri olsem na ol meri i no save mekim gut wok olsem spot edministreta," Misis Diro i tokaut long dispela.

Em i tok tenk yu long ol spot i makim em long resis. Em i tok amamas tu long tupela meri husat i kisim wok olsem loya bilong PNG Spots Federesen Cathy Davani na Janet Sape long jastifikesen komiti.

"Cathy na Janet em gutpela piksa we ol man i mas wanbel long ol long holim wok," em i tok.

Singaut long senisim nesenel tim

HENRY MORABANG i raitim

OLPELA intanesenel pilaia Ogeng Dengkeo i singaut long nesenel kosa John Davani na ol pilaia long nesenel tim i mas risain.

Sapos ol i tingting long apim nem bilong soka, orait kosa na ol pilaia i mas daunim ol yet na risain long noken makim PNG long ol arapela intanesenel soka tonamen.

Dengkeo i autim toktok bihain long em i skelim toktok bilong nesenel kosa John Davani olsem straika i no save mekim wok long skoa, na bihain em i tok ol fulbek i kamapim gutpela pilai.

Boi Finshafen ya i tok dispela toktok bilong kosa Davani i no stret long tingting bilong em. Olsem wanem sapos em i tok beklain i gutpela na ol birua tim i sutim moa long 4-pela gol long PNG.

Em i singaut long PNG Futbol Asosiesen long painim aut as watpo na dispela kain sko kamap.

Long rekot bilong PNG, nesenel tim i no save lus long dispela kain skoa. Ating PNGFA i mas traim skelim na gobek long we bipo em i stat. Stat long kamapim nupela tim na nupela kosa.

Ogeng i kisim planti sapot tru i kam long arapela ol soka sapota insait long kantri.

Long Pot Mosbi, paiaman stret bilong

PNGFA RIPOT

soka Simon Koima i ting PNGFA i noken givim planti ol kainkain eskyus.

Ainman bilong Buresong i tokim olsem PNGFA i mas givim sans long sampela lapun kosa olsem John Peka na Richard Nagai long givim sampela tingting bilong ol.

"Mi ting Peka em i wanpela gutpela kosa. I tru i gat sampela samting i no stret long nem bilong em, ating em i ken helpim ol kosa nau husat i gat bikpela save long tektiks bilong pilai soka," Dengkeo i tok.

Koima i tokim Wantok olsem mobeta PNGFA, ol pilaia, kosa na ol teknikal opisel i mas sindaun na skelim - soka i bilong PNGFA i stap we nau? Em i tok sapos ol i no klia orait gutpela toktok em long tok inglis post mortem.

Em i tok olgeta taim PNGFA na ol nesenel kosa i save givim ol kainkain as watpo tim i no pilai gut o pilai gut.

Koima i sapotim tru tingting bilong presiden bilong PNG Spots Federesen Henry Kila olsem olgeta spot i mas sindaun na tingting na glasim spot bilong ol o mekim post mortem.

Koima i tok i mas gat senis long PNGFA eksekutiv o menesmen, sapos nogat PNGFA na soka bai i no inap ran gut.

Planti ol eksekutiv nau i stap long

PNGFA i stap longpela taim tru, na nogat wanpela senis i kamap.

Narapela man tu husat i givim tingting em presiden bilong Hailens Rijonel Soka David Chung.

Mista Chung i tok ating PNGFA i mas stretim ol yet bipo ol i singaut long mekim kainkain wok bilong developmen.

Em i tokim Wantok olsem dispela wik em i bungim sampela ol bikman bilong PNGFA na ol i toktok long tim i lus, na dispela bikman bilong PNGFA (em i no laik givim nem), i tok ol man long Pot Mosbi i save mekim disisen.

Chung em i painim aut olsem PNGFA i gat kros namel long ol yet, na dispela nau bai bagarapim tru soka.

Em i askim tu watpo na PNGFA i no holim jenerel miting long bigin bilong dispela yia we i tokaut aninit long mama lo. Ating ol eksekutiv i mas pret long dispela ol toktok o olsem wanem.

Wanpela sinia pilaia husat i no laik givim nem i tok em i lukim olsem PNG tim bilong Melanesian Kap i no redi gut. Planti pasin bilong tektik long soka i no stret olsem na PNG i lus.

PNG i gat nem olsem Brazil bilong Saut Pasifik bihain long 1987 Gems long Noumea, Nu Kaledonia. Tasol nau nem ya ating bai go long arapela kantri long rijen ya.

PNG CHARITY KAP

Defence winim Charity Kap

HENRY MORABANG i raitim

LAE Bisket Defence i winim PNG Charity Kap bihain long em i nekim Rapatoria 4-3 long penalti kik long Pot Mosbi las wiken.

PNG Charity Kap em soka resis long wokim mani long helpim ol trangu. Dispela yia, mani bilong Charity Kap bai go long Cheshire Homes long Hohola. Lae yia, ol i givim mani i go long Aitape Childrens Fan.

Tupela tim i dro 1-1 long fultaim na ol i kisim penalti.

Defence i winim Kap wantaim K500 na Rapatoria i kisim K250 na liklik tropi long kamap namba tu.

Kepten Seian Elizah i kamapim wanpela gutpela pilai na go pas long helpim tim bilong em winim dispela taitel.

Tupela tim wantaim i strong tru. Ol i pilai na long namba wan hap bilong gem, Rapatoria i go pas wantaim wanpela gol.

Elizah i mekim guria stret golkipa bilong Rapatoria Tapas Posman na bal i go pas long umben. Em i brukim skru na tromoi han long selebretim win bilong em. Dispela nau i mekim olgeta pipel i amamas tru ya.

Boi Manus ya i kisim gutpela sapot tru i



• Judith Sauto (wantaim hat) bilong Word Pabliishing i sas long pilai bilong Atoni Jenerel long gren fainel. Word i win 3-2 long penalti kik.

kam long Vincent Wriken, Bernard Kanasa, Wilfred Henry na David Kaepapa. Kaepapa i mas selebretim lsta na i no slip indai na i no kamap long taim bilong pilai.

Arapela tupela pilaia husat i kamapim gutpela gem em Philip Kule na Julius Chalapan. Tupela i lukautim gut tru beklain na sapotim ol straika bilong ol. Tasol hatwok bilong tupela i lus nating ya.

Rapatona i sutim gol taim Peter Punau i setim straika Francis Moiyap. Dispela gol i kamap long wanpela gutpela pilai we Duri Yarawi i pulim bai na trikim wanpela pilaia bilong Defence na pasim i go long Punau. Boi ros Punau i no westim em i giaman tasol na setim Moiyap husat i sambai na slekim bal i go pas long umben.

Golkipa bilong Defence Robert N'Dramoi i kamapim gutpela gem tru long stapim planti ol straik bilong Rapatoria.

Tupela winga Keith Norrie na John Ngahan i bin trai hat long wing posisen long sutim gol tasol difens bilong Defence i strong tru.

Insait long tim bilong Rapatoria em menesing dairekta bilong MRDC Madiu Andrew. Em i pilai long midfil na sapotim straika long skorim gol, tasol em i no laki tumas bikos ating em i no save trening ya.

Olgeta soka sapota long Bisini i amamas tru long lukim planti ol bikman i bin kamap long soim pes long sapotim tim olsem Andrew Lepani bilong Orogen. Lepani em menesing dairekta bilong Orogen na Madiu em bilong MRDC.

Noken ting lus tu, bosmeri bilong Word Pabliishing Anna Solomøn tu i sapotim tim bilong em long sait lain.

I bin gat planti ol bikman i resis long kampani tim olsem Wilson bilong Warner Shand Lawyers na ol arapela bikman na meri moa

Word Pabliishing na GDA winim 7-asait salens

WORD Pabliishing wimen tim i winim grenfainel bilong 7-asait resis bilong PNG Charity Kap soka tonamen.

Dispela em i namba tu taim Word Pabliishing, mama kampani bilong Wantok Niuspepa, Independent na PNG Business, i putim nem long wanpela spots tonamen na winim taitel ya.

Word Pabliishing i gat tim long Praivet Kampani netbal kompetisen na nau ol i gat tim tu long Korporet PNG Charity Kap soka.

Dispela win bilong Word Pabliishing i no isi. Ol meri ya i wok hat tru long winim dispela taitel.

Word i bin salensim Atomi Jenerel long grenfainel. Word Pabliishing i gat ol sampela ol pilaia olsem Frederica Siwin, Judith Sauto, Priscilla, Leila Gilchrist, Sellina na Lote Tarula.

Ol i kisim tripela arapela ausait pilaia olsem Josephine Waiwai, Regina Sui na Margaret Sui husat i sapotim gut tru tim.

Long namba wan hap, Word na Atomi Jenerel i kamapim wanpela strongpela pilai stret. Tupela tim wantaim i gat sans long skorim gol tasol ol straika bilong ol i mas poret o surik liklik. Ol meri loya long Waigani tu i wankain, ol i gat sans tasol gutpela tingting bilong fulbek Josephine Waiwai long stapim ol straika bilong ol. Arapela gutpela samting tu, ol yangpela meri olsem Priscilla na Judith i yusim gut ol muruk lek long spit na winim planti bal, na dispela i helpim tru kepten Frederica long sut long gol.

Long namba tu hap i wankain. Tupela sait wantaim i nogat gol. Orait referi i makim ol long kisim penalti kik na ol i win. Dispela em bikpela gem stret bipo long salens namel long Rapatoria na Defence.

GDA husat i winim gem isi tru egansim Deloitte. Papa bilong GDA Mark Kelep na Russel Tsuga yet i go pas long tim. Tim menesa na tu jenerel menesa bilong Word Pabliishing Anna Solomon i tokaut olsem namba wan taim em i nogat bilip olsem ol meri Word bai i no inap pilai long fainel. Tasol bihain em i sindaun na bihain na sapotim tim, em i guria olsem tim bilong em i stap long fainel.

Siaman bilong PNG Charity Kap soka tonamen Rio Fiocco i tokim Wantok olsem em i amamas tru olsem olgeta samting i kamap gut tru na bihainim stret plen na program bilong em.

Em i mekim bilong tok amamas i go long Word Pabliishing na GDA long winim dispela tonamen.

Nestlé MILO WIKEN WOKIM GUTPELA SAMTING LONG YU

Japan promis long helpim ol Pasifik Ailan kantri

JAPAN i tokim ol lida bilong ol Pasifik Ailan kantri olsem bai em i givim helpim long wok edukesen na teknikal developmen.

Praim Minista bilong Japan, Yoshiro Mori i mekim dispela promis long wanpela bikpela bung bilong ol lida bilong Japan na Pasifik Ailan las wik.

Dispela bikpela bung bilong ol lida i bin kamap long ples Miyasaki na Praim

Minista Sir Mekere Morauta i makim PNG long dispela kibung.

Japan bai givim trening long 3,000 pipel long ol 16 ailan kantri bilong Saut Pasifik Forum long faivpela yia.

Bai Japan i givim tu wan milien dola long infomesen teknoloji projek aninit long Yunaitet Nesen Developmen Program.

Mista Mori i tok ol kantri

long Pasifik i mas gat rot long kisim kain kain toksave na wok i kamap long infomesen teknoloji olsem na kantri bilong em bai givim mani long helpim dispela projek.

Em i tok tu olsem Japan bai wok bung wantim ol lain i mekim wok bilong stapim ol marasin nogut i kam insait long dispela eria, na stapim ol sik nogut tu.

Sir Mekere i askim Japan long strongim wok bisnis insait long Pasifik

PRAIM MINISTA bilong Papua New Guinea, Sir Mekere Morauta i askim ol bikpela kampani long Japan long lukluk long ol Pasifik Ailan kantri olsem gutpela ples bilong kirapim bisnis bilong ol.

Sir Mekere i mekim dispela toktok long wanpela kaikai bilong ol Pasifik Ailan lida na ol bikpela kampani long Japan.

Sir Mekere wantaim ol lida bilong ol Pasifik Ailan kantri i bung wantaim gavman bilong Japan las wik we ol i

toktok long wok bung namel long Japan na kantri bilong ol.

Sir Mekere i tokim ol bisnis kampani olsem i gat planti ol nupela bisnis i ken kamap long ol Pasifik Ailan kantri tasol i no gat mani long mekim ol dispela samting. Olsem na em i askim ol kampani bilong Japan long ske- lim dispela salens bilong em.

Em i tokim ol bisnis man olsem ol kantri long psifik i gat planti samting i stap tasol ol i nidim mani na aol saveman long kamapim wok

na Japan inap mekim dispela wok.

Em i tok i tru olsem bisnis namel long Japan na ol kantri long Pasifik i wok long gro yet. Na em i laik lukim Japan i bung wantaim ol kantri long Pasifik na mekim stret wok olsem long bisnis bilong painim pis.

Tasol Sir Mekere i tok tu olsem sapos ol kantri long Pasifik i laik strongim bisnis wantaim Japan, orait ol i mas stretim ol hevi insait long kantri bilong ol pastaim.

Kain kain stail kaikai

OLGETA ples long graun i gat stail bilong ol yet long kukim kaikai. Ol i gat tu kain kain kaikai. Sampela yumi olgeta i save kaikai. Sampela em yumi save tambu long kaikai.

Hia em yu ken lukim maket long Hanoi, biktaun bilong kantri Vietnam. Wanpela meri i skelim hap mit em i laik baim na arere long em i gat kain kain ol abus i stap. I gat sosis, ol bel bilong pik na arapela mit bilong pik tu.

Ol kantri long hap bilong Esia i save laikim planti kain

kain sol na kari na lombo na kawawar long kaikai. Ol i save abusim kaikai bilong ol wantaim ol kumu olsem kabis na wara karis na ol arapela kumu bilong wara.

Planti lain husat i kaikai long ol haus kaikai bilong ol i tok stail bilong ol long kukim kaikai em i nambawan tru. Maski ol abus yu no save kaikai, tasol sapos ol i kukim bai smel na swit bilong abus i mekim yu i givim baksait long tambu na yu wan i daunim plet kaikai.



• Wanpela meri Vietnam i baim bel bilong pik long maket long Hanoi.

Ol Tores Stret Ailan i lukim ol tumbuna kaving

PLANTI ol pipel bilong Tores Stret Ailan long Australia bai gat sans long lukim gen wanem kain ol bilas, na kaving na ol arapela samting ol tumbuna bilong ol i bin yusim moa long wan handet yia i go pinis.

Ol bai lukim ol dispela samting long wanpela spesel eksibisen long Kwinslen At Galeri long Brisben, Australia. Samting olsem 80 ol bilas na kaving bilong Tores Stret bai stap long dispela eksibisen.

Planti bilong ol dispela samting i kam long Haddon Koleksen long Kembris Yunivesti Museum bilong Akeoloji na Antropoloji long Ingran.

Moa long wan handet yia i go pinis, wanpela man ol i kolim A.C. Haddon i bin kam raun long hap bilong Tores Stret na em i kisim ol dispela samting bilong tumbuna i go bek long Ingran na putim long dispela museum.

Ripot i tok Haddon i bungim samting olsem 2,000 ol kaving

na arapela samting.

Long taim bilong dispela so long Brisben bai ol pipel i ken lukim wanpela pes tumbuna em Haddon i bin kisim long yia 1890.

Ol pipel bilong Tores Stret i wantok bilong ol Daru na arapela liklik ailan long hap bilong Westen Provins long Papua Niugini. Planti ol bilas na singsing na pasin tumbuna bilong ol i wankain.



• Joey Mam i soim stail bilas bilong ol Tores Stret pipel.

BIKPELA TOKSAVE

NIU PRAIS 30t
WANTAIM VAT



TASOL PRAIS LONG DISPELA INO SENIS

20t WANTAIM VAT
10t WANTAIM VAT



NOKEN BAIM MOA LONG OLGETA STUA

Australia na Nu Silan i tingim Anzac De

MANDE Epril 25 em i bikpela de tru bilong ol pipel bilong Australia na Nu Silan. Olgeta yia, long dispela de, ol i save tingim ol namba wan lain soldia bilongtupela kantri ol i kolim ol ANZAC, husat i bin go pait long Namba Wan Wol Woa long ples Galipoli, long Teki. Dispela bikpela wol woa i bin stat long yia 1914 na pinis long 1918.

Long dispela yia, ANZAC De i makim namba 85 yia bilong dispela bikpela woa.

Tude long Australia, i gat tupela man tasol husat i stap laip yet namel long ol dispela 50,000 (fifti tausen) soldia husat i bin pait long Galipoli. Olgeta ol narapela i dai pinis.

Ol tupela man ya em Roy Longmore bilong Melbon husat i gat 105 krismas na Alec Campbell bilong Hobart husat i gat 101 (wan handet wan) krismas.

Longmore i bin gat 18 krismas tasol taim woa i kamap na ol i joinim ami na ol i salim em i go pait long woa long 1915 i go inap woa i pinis long 1918. Em i pait pastaim long Galipoli na bihain ol i salim em i go pait long Some long Frans.

Longmore i bin kisim bikpela bagarap long woa tasol em i laki



• Kem bilong ol Anzac soldia long Galipoli.

olsem em i no dai long pait long Galipoli.

Pait long Galipoli i bin winim nainpela mun olgeta na 8,709 (et tausen seven handet na nain) soldia i bin dai.


Longmore i tok ating em i no dai bikos em i mekim wok bilong digim

baret we ol soldia i ken hait long en na muv i go kam. Olsem na i wok long stap insait long abret tasol na het bilong em i abrusim ol katres na bom bilong ol birua.


Na Campbell i tok em i bin gat 16 krismas tasol taim em i joinim ami na i go pait long dispela woa.

Em i wok olsem wanpela klek long Galipoli na em i les tru long dispela woa. Em i tok ol lain Teki i wok long sut long ol na kilim planti ol soldia tru long dispela taim.

Campbell i bin kisim bikpela sik tru na ol i salim em i go bek long Australia.



• Roy Longmore



• Alec Campbell

Ol studen i tingim birua long Columbine Haiskul

LONG Sarere Epril 22, ol lain studen na tisa long Columbine haiskul long Denva, Amerika na samting olsem 2,000 (tu tausen) manmeri i bung long tingim indai bilong 12-pela studen na wanpela tisa husat i bin dai wanpela yia i go pinis.

Ol i dai bihain long tupela wan-skul bilong ol Dylan Klebold na Eric Harris i bin sutim ol long gan. Bihain long Klebold na Harris i sutim ol dispela studen tupela i tanim na kilim tupela yet.

Dispela birua las yia em i bikpela kain birua olsem long kamap long wanpela skul long Amerika.

I bin gat lotu i kamap na ol belo bilong haus lotu i kra i 13 taim long tingim ol dispela studen na tisa long Sarere.

Tasol i no gat wanpela samting i kamap long tingim tupela ganman ya Klebold na Harris. Nogat man i kamap long matmat bilong tupela long dispela de o mekim wanpela samting long tingim tupela.

Papamama bilong tupela i salim tok sori gen i go long famili bilong ol 13 studen em pikinini bilong ol i bin kilim. Ol papamama bilong tupela tu i no bin kamap long ol dispela memorial lotu long tingim indai bilong ol studen na tisa.

Long makim ol dispela 13 studen na tisa, ol pipel i sanapim 13 kros na pasim 13 balun long ol.



• Dispela meri holim kros ol i sanapim long makim wanpela studen, Corey DePooter na em i kra i stap.

Pop John Paul i wasim lek

LONG holi wik Pop John Paul i bin wasim lek bilong 12-pela pris long Gut Fonde misa. Ol Kristen i tingim dispela de we Jisas i bin sindaun long las kaikai wantaim ol 12-pela aposel bilong em. Na em i wasim lek bilong ol na i givim ol sakramen bilong ordo na komyunio.


Insait long dispela lotu, Pop Jon Paul i bin toktok long hevi em ol pipel bilong kantri Mosabik long Afrika i painim nau bihain long bikpela ren na tait i bagarapim ples bilong ol. Em i givim ofa mani long dispela misa i go long helpim ol pipel bilong Mosabik.

Long taim bilong wasim lek, 12-pela pris i bin sindaun na Pop i wasim rait lek bilong wan wan pris na klinim long taul orait bihain em i givim kis long lek. Dispela bikpela lotu i kamap long Sen Peter Basilika long Rom.

Long Gut Fraide, Po i karim kruse long prosio na makim rot Jisas i bihainim long taim ol i kisim em i go long dai long diwai kros.

Orait long Ista Sande i bin gat bikpela misa tru i kamap long Sen

Peter Skwe we planti pikinini i bin kamap. tausen manmeri na



• Pop John Paul i wasim lek bilong pris na givim kis long en.

Ol skwata long Simbabwe i wok long bikhhet yet

TRABEL namel long ol asples Simbabwe skwata na ol wait skin fama i no pinis yet. Long dispela wik ripot i tok ol skwata i kilim tupela moa fama na kalabusim narapela 6-pela na kukim sampela fama.

Planti ol fama i lusim fam bilong ol na ranawe i go long Harare bik-taun bilong Simbabwe tasol ol lida bilong kantri i no inap long pinisim dispela hevi.

Moa long 200 skwata i go insait long wanpela fam long wiken na

kiiri olgeta enimal na kukim haus bilong ol wokman.

Opsisen lida long Simbabwe, Morgan Tsvangirai i tok long lida bilong Afrika husat i bung nau long Viktoria Fals i mas toktok long pinisim dispela hevi.

Ol skwata husat i karim ol samting bilong pait rausin ol fama na tekova pinis long samting olsem 1,000 fam (wan tausen fam) bilong ol wait skin fama.

Ripot i kam long Simbabwe i tok ol waitskin fama i sapotim opo-

sisen pati bilong Tsvangirai ol i kolim Movement for Greater Democratic Change. Ol 70,000 wait skin long Simbabwe i sapotim dispela pati. Tupela blakskin sapota bilong MVS tu i bin dai taim wanpela paia bom i bin pairap.

Ol lida bilong ol skwata i bin bung wantaim Presiden Robert Mugabe long Fonde long toktok long stapim dispela trabel tasol ol skwata i no lusim ol dispela fam yet.

Presiden Mugabe i tok em i no

inap long salim ol plisman o ami i go was long ol dispela fam. Em i tok ol plisman bai larim ol skwata yet i stapim ol dispela trabel.

Presiden Mugabe i tok i gat planti kain trabel olsem i save kamap long Inglen na dispela i no min olsem i gat hevi bilong lo na oda long Inglen.

Em i tok tu olsem i no gat as bilong salim ol lain bilong Yunaitet Nesens i go long Simbabwe long stretim dispela hevi bikos i no gat trabel i kamap long kantri bilong

em. "Larim ol dispela lain yet i stretim dispela hevi bilong ol. Watpo bai ol lain Yuniatet Nesens i kam insait?" em i tok.

Mista Mugabe bai bung wantaim lida bilong Sait Afrika Thabo Mbeki, Presiden bilong Rwanda Paul Kagame na Presiden bilong Uganda Yoweri Museveni. Ol bai toktok long ol hevi i kamap long Simbabwe na woa long kantri Kongu.

LAI PSTAIL

Lae botenikel gaden bringim nem

JOE KANEKANE i raitim

LAS yia long wanpela raun wantaim sampela bikman i go long Lae siti mipela i abrus i kamap long Lae Botenikel gaden. Mi save go kam long Lae planti taim tasol long dispela taim mi kirap nogut tru long lukim olsem dispela gaden i bin kamap gut tru. Long wanem taim mi stap long yunivesiti mi wantaim sampela poro bilong mi i save go long dispela hap dring.

Taim mipela i draiv i go insait mi painim olsem ples i senis na kain kain nupela samting i kamap long dispela hap. Gaden i winim botenikel gaden bilong Mosbi na ol narapela hap bilong kantri na tu i luk olsem planti turis bai go lukim dispela hap.


Planti lain i no save olsem Lae botenikel gaden i gat nem long gutaim we planti ol taun long kantri i no kamap yet. Sapos yu askim sampela lain husat i bin stap bipo long dispela hap bai ol i tokim olsem ples ya i bin kamap tru na planti ol lain long kain kain hap bilong wol na Australia i save kam long dispela hap.

Planti ol lain na gavman tu i no save olsem Lae siti i laki tru long gat dispela kain gaden long wanem tude sapos yu raun long ol narapela ples long wol bai yu lukim kain gaden. Tasol dispela gaden i stap long dispela ples, ol man yet i traim yet long wokim dispela ol samting we ol i save lusim bikpela mani tru long luksave olsem dispela gaden i kamap.

Lae Botenikel i gat gupela graun na taim dispela gaden i stat i no gat wanpela bikpela mani ol lain i lusim long larim dispela.

Gaden i bin go bagarap taim PNG i bin kisim independens na long dispela taim tu ol save man husat i bin wok long dispela hap i lusim dispela menesemen bilong dispela ples.

Sampela lain bilong PNG i traim long stap insait long dispela wok tasol long stap insait long dispela



• Woa balus i stap long gaden. Planti turis i save i kam na kisim piksa long hia.

Ol foto: Joe Kanekane.

wok yu mas kisim planti save long wokim ol dispela kain wok na i no long taim na ples i bagarap.

Lae siti kansol i tek ova long dispela gaden tasol i gat sampela wok politik na dispela gaden i no kamap gut long wei we gaden inap stap long em.

I no long taim i go pinis Nesenol Fores Atori i wokim wanpela agrimen wantaim Lae Siti Kansol na ol i bin larim dispela gaden i go long han bilong forestri dipatmen.

Taim dispela gaden i bin stap aninit long lukaut bilong dispela dipatmen planti senis i bin kamap long dispela gaden.

Menesing dairekta bilong Nesenol Fores Atoriti Thomas Nen i tok opis bilong NFA i stap klostu long dispela gaden na ol i laik kisim wok menesmen bilong dispela ples.

"Planti ol samting we ol save man inap long yusim long wok painim aut i stap insait long dispela gaden na em bai halivim ol wok

bilong mipela tu. I gat kainkain ol diwai i stap insait long dispela gaden na em bai halivim ol wokman bilong mipela," mista Nen i tok.

Em i tok taim NFA i kamap papa bilong dispela gaden ol i wokim planti senis tru long dispela gaden.

Mista Nen i tok ol i wokim banis, kisim moa wokman na tu ol i katim gris na mekim ples i kamap na luk gut olsem wanpela botenikel gaden.

"Mipela i kamapim planti senis long dispela gaden long wanem longpela taim tumas ol pablik i wok long yusim dispela ples olsem pablik ples na planti bagarap i bin kamap. Em bin hat wok tru tasol mi hamamas olsem na ol wok i ron gut," Mista Nen i tok.

Mista Nen i tok ol lain olsem AusAid tu i luksave long wok bilong opis bilong em na ol i givim sampela halivim long kar na ol masin bilong lukautim plawa na ol diwai.

Kureta (bos bilong gaten) Rod Spivey em Lae Siti kansol i bin larim em i wok wantaim NFA long kamapim sampela senis insait long gaden.

Mista Spivey i tok PNG i laki tru long gat planti ol kain kain plawa na diwai long dispela gaden long wanem i no gat ol arapela kantri we dispela ol kain samting i save kamap.

Em i tok Lae Botenikel gaden i gat bikpela oked plawa insait long wol na dispela em wanpela wol rekot we planti hap bilong wol i no gat long em.

"Insait long dispela gaden i gat kain kain ol samting i stap we yu no inap long painim long ol narapela hap bilong wol. Mipela i wok long kisim sid bilong dispela ol kain plawa na ol narapela diwai tu," Mista Spivey i tok.

Em i tok gaten i wok long salim ol plawa long ol pablik na dispela bisnis i pulim planti lain i kam long gaden long luksave long dispela

kain nid ol i wokim planti wok long luksave olsem gaden i gat planti plawa

Minista bilong Fores Michael Ogio tu i givim tingting bilong em na em i tok amamas long kain c wok i kamap long dispela gaden.

Em i bin wokim wanpela wan de wokabout i go long dispela gaden na em i hamamas tru long lukim dispela wok i kamap long hap.

"Dispela kain wok i kamap long botenikel gaden i mas go het long wanem mipela long gavman i luksave na mipela i laik sapotim dispela ol kain eria we wok bai pulim mani i kam insait," em i tok.

Mista Ogio i tok tu olsem ol pipel i mas hamamas long dispela kain gaden na traim long lukautim long wanem dispela ol kain samting i save putim nem bilong kantri long wol.

Morobe provinsel turism bot i luksave pinis long dispela gaten na ol i save askim ol lain long pablik long kam na stap insait long dispela gaden.

Lae botenikel gaden i gat planti ol diwai bilong bik bus tru na dispela i save halivim ol saveman long kisim save long ol roty we dispela kain diwai i save gro na wei bilong em long kamap.

Olgeta wik en bai yu lukim planti ol lain bai stap insait long gaden long holim babakui, marit o kaim ol pikinini i go pilai long dispela hap.


"Mipela laikim ol pipel long kam na stap insait na lukim ol samting i stap insait long gaden. Tasol ol i mas lukautim ol samting na tu bihainim lo bilong gaden. I gat planti lain i laik kaim insait na yumi olgeta i mas wok bung wantaim," em Mista Spivey i tok.

Rotary klap bilong Lae i save halivim gaden long wokim ol haus sia na tu ol liklik hap mani bilong surukim wok bilong gaden i go.

Lae Siti, long gutaim i bin gat nem olsem wanpela gaden si bilong PNG na dispela nem i w long kamap bikpela long gutim wok i kamap long dispela gaden.



• Menesing dairekta bilong NFA Thomas Nen (lephan) wantaim wanpela wokman i holim bikpela okid plawa long wol.



• Rotary grup i wokim dispela haus bilong ol manmeri long sindaun na kisim win.

Planti lokol manmeri i no save gut long PNG nogat gutpela sapot long lokol turisim

JAMES KAY i raitim

MI save sori tru taim mi harim olsem planti taim ol yangpela na ol bikpela bisnis manmeri i save laik long go ovasis na lukim ples bilong ol waitman olsem turis. Tasol, ol i no save gut tumas long wanem ol gutpela samting i stap long kantri bilong yumi yet - Papua Niugini.

Sori tru olsem ol yangpela pikinini tude tu i no save gut long ol provins na nem bilong ol ples insait long Papua Niugini. Dispela em bikos ol i paul pinis taim ol lukim TV na tingting bilong ol i pas long ol samting long ovasis na i no long kantri tru bilong Papua Niugini.

Insait long Papua Niugini yumi gat planti ol gutpela samting tru i stap olsem ol risos bilong yumi long go insait long wok turisim. Tasol, planti taim yumi i no save mekim gutpela yus long ol wok long ol o traime developim. Planti taim dispela asua em ol pipel i save autim tok long "Gavman".

Long sait bilong ol provins long nambis yumi gat ol gutpela ailan, ol nambis ra ples long developim na pulim turis i kam insait long kantri bilong yumi.

Ol manmeri insait long Papua Niugini i ken givim mani yet long ol pipel bilong yumi taim ol i raun na stap wantaim ol pipel bilong yumi yet long ples. Tasol, planti taim dispela i no save kamap bikos ol bikpela bisnisman na ol manmeri i save laik go ovasis.

Turisim long Hailans

Long Hailans rijon bilong Papua Niugini i gat planti ol gutpela samting i stap long sutim bel bilong ol lokol turis. Dispela nem "turis" i no min ol lain bilong ovasis tasol, em yumi ol

manmeri bilong kantri tu.

Taim yu stat draiv lusim Lae na bihainim Okuk Haiwe i go antap olsem long Goroka, ya bai pilim stret taim yu go antap long Kassam Pas kol i kisim yu. Dispela filing em i narakain sapos yu wanpela nupela man tru. Dispela kain filing em nogat planti manmeri long Papua Niugini husat i save stap tasol long nambis i save filim.


Taim yu draiv i go antap na kamap long hap bilong Yonki, bai yu ken stat lukim ol raun haus bilong Hailans. Ol raun haus bilong Hailans i ken mekim yu save olsem PNG em i gat kalsa bilong en yet we i narakain moa long planti ol bilong wol. Ol pipel long nambis i save wokim ol haus we i narakain long ol lain long hailans. Dispela i bihainim pasim tumbuna bilong yumi long bipo yet.

Insait long Yonki yet, ol manmeri i ken lukim tu Yonki dem. Dispela dem em ol i wokim long saplaim pawa long ol provins long Hailans, Madang na Morobe. Taim ol lain wokman bilong kantri Korea i mekim dispeal dem, ol i bisnisman wara we i kam olsem long Ramu na bikpela raunwara tu i kamap.

Nau yet dispela eria bilong wara long Yonki i mekim ples ya i luk nais tru na tu sapos yu nupela man yu bai ting olsem em wanpela bikpela hap laik o raunwara bilong bipo. Tasol nogat dispela raunwara i kamap bikos ol i pasim ron bilong wara na wara i solap na kamapim raunwara.

Long Isten Hailans yet, ol lokol turis i ken raun i go olsem long Lufa distrik na lukim Maunten Michael. Dispela maunten em namba 2 longpela maunten insait long Papua Niugini.

Ol lokol turis i kam lukluk raun i go long Mt Gahavasuka Nesenel Pak. Dispela eria i stap klostu long



• Wanpela laik o raunwara ples i gutpela tru long Hailans.

Goroka.

Bipo i go insait long Simbu provins ya bai helpim Daulo Pas. Dispela maunten tu gat ol gutpela bilas taim ya go antap na lukim i go olsem long Asaro na Goroka na Unggai.

Taim yu lusim Isten Hailans na go insait long Simbu provins bai yu ken lukim planti gutpela ol samting na kala tru bilong PNG. Yu ken

lukim stret Maunten Elimbari long sait bilong Susave. Maunten ya i sut antap tru na i soim stret wanem kain ol graun yumi long Papua Niugini i gat.

Narapela bikpela samting tu em go olsem long Maunten Wilhelm. Dispela maunten em longpela maunten tru long Papua Niugini.


I gat planti ol gutpela ples na wara na ol bus tu long lukim long ol

narapela hap bilong Hailans rijon sapos yu go moa long Westen na Sauten Hailans na tu long Enga.

Papua Niugini Hailans rijon em i gutpela ples long ol lokol turis bilong yumi. Tasol sori tru planti taim ol manmeri i save laik go ovasis na lukim ples bilong waitman na lus tingting long ples na kantri bilong yumi yet.




• Bilas bilong ol Hailans i stail moa. Liklik meri i putim ol tumbuna bilas bilong Simbu. Poto: Sape Metta.



• Ol gutpela han wara insait long hap bilong Gembolg, Simbu provins.



• Lokol turis! Tupela lokol turis i lukluk long naispela na klinpela wara long Hailans.



Aiwara kamap olsem Raunwara Molimini

BIPO BIPO tru long ples Kavuno insait long Pangia distrik, Sauten Hailens provins i gat wanpela Tiyo-Bali i stap. Nem bilong en em Kala Kunuma.

Em i save hangre tru long kapul na i go slip long Pawai bus na kilim eitpela kapul pinis na i kam bek long rot.

Man, wanpela yangpela meri i kam na tokim TiyoBali Kunuma olsem "yu dispela man, yu karim wanem samting long bilum?" Na TiyoBali kunuma i tok, "mi karim kapul long bilum." Em i tok olsem na meri i kam klostu long man ya.

Yu save, taim TiyoBali lukim naispela yangpela meri, baga man ya i lusim kapul bilum long han bilong meri.

Na tupela i wokabaut i kam long wanpela haus long rot ya, nogat. Em i kisim meri i go long hul bilong ston na TiyoBali Kunuma i kra i tru long dispela ples ol i kolim long Kauwo.

Na aiwara i pundaun long graun i kamap olsem Raunwara Molimini. Olsem na tude stori i stap long raunwara Molimini long ples Kauwo viles insait long Pangia distrik i kamap long aiwara bilong TiyoBali, Kala Kunuma.

Mista Jacky Lengepo
Kauo viles, Pangia, SHP.



Nem: Michael Oscar
Krismas: 26 (man)
Adres: Kalanga Local Church, P.O. Box 826, Mt Hagen, WHP.
Save laikim: Go long lotu, senisim poto na presens, harim gospel musik na raitim pas long ol pen pren krismas bilong ol inap long 26.

Nem: Daklin Kumul
Krismas: 18 (man)
Adres: Private Mail Bag, P.O. Box 859, Kimbe, WNBP.
Save laikim: Harim ol PNG musik, go lotu na painim penpren long narapela provins na go waswas long solwara tasol.

Nem: Taki Mindi
Krismas: 20 (meri)
Adres: Kusip Habitat for Humanity, P.O. Box 3998, Lae, Morobe Province.
Save laikim: Go felosip, wok gaden, wokim bilum, kuk kaikai, harim gospel musik olsem Yumi na Nau FM, pren wantaim narapela provins na narapela kantri, paitim gita na singim lotu singsing.

Nem: Hubert Kuso
Krismas: 22 (man)
Adres: C/- Catholic Mission Torembi, P.O. Box 107, Wewak, ESP.
Save laikim: Pilai soka, volibal, pilai gospel musik, go lotu, ritim Baibel na mekim pren wantaim wanpela kristen meri na bihain marit.

Nem: Yacob Daya
Krismas: 22 (man)
Adres: C/- Dubuleng Ranger, P.O. Box 4330, Lae, Morobe Province.
Save laikim: Pilai soka, volibal na basketbal, bungim ol arapela brata susa na serim smok buai, tok pilai raun wantaim na wokim pen pren na senisim poto go kam.

Nem: Burt Agii
Krismas: 18 (man)
Adres: HR Holding Pty Ltd, P.O. Box 255, Waigani, NCD.
Save laikim: Pilai basketbal na lukim EMTV na stori long tumbuna bipo bipo.

Nem: McKalie Len
Krismas: 16 (meri)
Adres: Salamaua High School, P.O. Box 4557, Lae, Morobe Province.
Save laikim: Laikim stadi, go long lotu, harim gospel musik na mitim ol nupela pren. Laik rait long ol pen pren na senisim poto. Mi amamas sapos husat i rait i kam long mi, bai mi bekim olgeta penpren pas mi kisim.

Nem: Jaysie Elsworth
Krismas: 16 (meri)
Adres: Salamaua High School, P.O. Box 4557, Lae, Morobe Province.
Save laikim: Laikim long pilai spots, kaikai buai na pis wantaim tapiok bilong Salamaua, raun long nambis, wokim kaikai mekim pren long ol sampela lain na bekim pas hariap.

Nem: Wesley Ben
Krismas: 20 (man)
Adres: Manyama VTC, P.O. Box 55, Menyama, Lae, Morobe Province.
Save laikim: Wokim penpren.

Nem: Stuart Nauwa
Krismas: 16 (man)
Adres: c/- Dorothy Nauwa, Vainimo Primary School, P.O. 137, Vainimo, Sandaun Province.
Save laikim: Pilai soka gem, raun long arapela kantri olsem Indonesia (Jayapura), rait long ol pen pren na senisim poto na ol samting, tok pilai na harim PNG Raggae hits.

Nem: Nana Attansah
Krismas: 25 (meri)
Adres: P.O. Box RY 595, Railway, Ghara, West Africa.
Save laikim: Musik, swiming na pilai tennis.

Mi gat wari long meri bilong mi wokim paul pasin

disisen bilong yu. Dispela em samting bilong yu. Tasol mipela i laik helpim yu long gutpela wei mipela i ken.

I luk olsem meri bilong yu i bin wokim paul pasin bihain yu baim em pinis. Bai yu wari tru taim yu lukim dispela kain samting i kamap long marit bilong yu.

Long dispela taim, i luk olsem i nogat strongpela laik i stap namel long yutupela. Yu stap long wari na yu no klia gut yet sapos bai yu lusim meri bilong yu o skruim yet marit bilong yutupela i go het yet. Nogut meri va tu i laikim olsem marit bilong yutupela i mas bruk nau. Tasol bipo yutupela i go het wantaim ol disisen, skelim na glasim gut ol samting pastaim, olsem ol gutpela na nogut bilong ol disisen we yupela bai kisim long en.

Yu no tokaut olsem yutupela i gat pikinini. Sapos olsem, i nogat pikinini long wari long en. Tasol sapos yutupela i gat pikinini, tingting na glasim gut ol samting. Em long ol hevi we i ken kamap bihainim wanem disisen yupela i mekim bikos ol dispela samting bai i givim hevi na wari tu long ol pikinini.

Bai yu skelim na tingim tu ol hevi we bai kamap long famili bilong yu sapos yu brukim marit wantaim meri bilong yu. Ol bai pilim sem sapos yu brukim marit o? Yu tok olsem yu mas toktok pastaim long papamama bilong yu bipo yu wokim fanel disisen bilong yu.

Inap yu raitim pas i go long papamama bilong yu na toktok wantaim ol long dispela

samting. Sapos ol no inap long rit na rait, i gat sampela lain i stap long ples we i ken rit na rait long makim maus bilong papamama bilong yu na wokim ol dispela samting long ol.

Mipela i gat bilip olsem long dispela taim, bai yu noken brukim marit na rausim meri bilong yu i go. Mipela i laik bai yu luk-save olsem ating meri bilong yu i bin les long stap em wan yet taim yu stap longwe long en long taun na em i wokim dispela pasin ya.

Mipela i bilip olsem God i save lusim tingting long ol sin na rong pasin we yumi wan wan manmeri bilong graun i save mekim. Na i gutpela sapos yu tu i wokim dispela sapos meri bilong yu i tok sori long rong pasin we em i wokim long yu. Traim na hariap ol toktok na wari bilong em. Planti taim, hevi bai stap long tupela sait wantaim. Ating i mas gat sampela samting we em bai pogivim yu long en. Sampela taim em i gutpela long toktok long ol dispela samting na stretim wantaim pasto o pater.

Sapos yupela i sindaun wantaim na skruim toktok long dispela ol hevi ya, bai yu painimaut olsem yutupela i laik lusim tingting long ol rong pasin na statim nupela na gutpela sindaun long strongim marit bilong yutupela wantaim.

Marit bai kamap strong bihain dispela hevi we yutupela i gat i traime hat long daunim.

LAIPPLAIN



Dia Laipplain,

Mi na meri bilong mi i bin statim prensip bilong mitupela taim mipela i stap yet long skul long ples.

Pastaim ol papamama bilong mi i no wanbel tasol taim ol i lukim olsem meri ya i gat bikpela laik long mi ol i senisim tingting na wanbel. Na ol i baim meri bilong mi.

Tasol taim mi lusim ples long go wok long taun, brata bilong mi i salim pas i kam na tok olsem meri ya i wok long paul wantaim narapela man long ples.

Oisem na mi go long ples na kisim meri bilong mi i kam long taun. Sampela wik bihain mi pinis wok na mi go long haus, mi painim meri i kra wantaim poto bilong man husat i bin paul wantaim em long ples.

Mi behat stret na mi laik lusim em tasol pastaim: mi mas kisim tok orait long ol papamama bilong mi husat i stap longwe long mipela. Bai mi wokim wanem?


UNDECIDED

Dia Pren,

Pastaim, Laipplain i no inap long wokim ol



• Ol wokman bilong Nesanel Kapitel Distrik Komisn i traim nupela masin bilong klinim pipia long rot. Long hansut, em bos bilong NCDC, Jamie-Maxtone Graham. Poto: Isaac Ikuavi.



• LAPUN TU IGAT KIKI! Pilai ino samting bilong ol yangpela tasol, nogat! Dispela lapun man i soim satil long stap insait long wanpela kikbal tim we ol bin salensim ol arapela insait long selebresen we ol bin holim long bikpela Yongomol paris, Simbu.



• (Antap): Ol meri tu i mekim save long samsam! Ol mama, meri na ol pikinini i bin gat gupela taim long amamasim bikde bilong ol long Simbu.

• (Lephan): S o w i n Losenamo, wanpela wokman bilong Telikom long Gororka i wok long pulim telefon lain igo insait long Gepahine hauslain long Bihute rot.



• (Antap): Ol Nesanel n a Provinsel bikman bilong Simbu i wokabaut igo long stap insait long bikpela lotu selebresen long amamasim 2000 Jubili long Yongomul peris, Simbu las wik. Pater Louis Ambane i stap long fron na lidim ol arapela lida long bung.

• (Raihan): Redim kaikai! Pik na kau em bin pulap kapsait long wanpela bikpela bung long Simbu. Ol man bilong ples Yongomul insait long Simbu i katim kau na redim ol mit bilong bikpela kaikai bilong ol. Potos: Sape Metta.



KANAGE

"Em nau, narapela wik bilong mi ken"



Kanage i bin wok long wanpela sip. Na kepten bilong sip yet em wanpela Ostrelia.

Wanpela taim kepten wantaim Kanage sei i go long wanpela ailen. Tupela sei i go na klostu tupela kam sua long ailen. Na kepten kirap na tokim Kanage long go long fran bilong sip na lukluk long rip. Baga man i no lukluk gut na sip sapim wanpela rip. Sem taim kepten belhat na singaut i go olsem "You stupid why don't you look properly." Trangu Kanage skelim dispela ap toktok na em i no wanbel stret. Olsem na em kirap na bekim kepten olsem. Yeh yu tu yu sanap long nambis. Yu tok mi i tok yu mi manki long ples no play up ok.

Collish Liko Kainantu

Kanage bilong Lumi, wanpela taim em i go lukim pikinini bilong em long Mosbi siti. Em kalap long Air Niugini long Wewak. Balus i tekov, na em pilim pekpek na em i go askim eahostes long soim em long toilet. Em opim dua stret na i go insait em lukluk i go na lukim piksa bilong em. Na em kirap nogat tok yu pekpek" mi wetim yu long ausait. Em sanap wet i stap na pekpek i kilim em olgeta. Em opim dua na go insait na em lukim gen piksa gen. Em belhat na tok "Hey hariap, mi kam. Em sanap wet insait. Oloman pekpek klostu i kam ausait long trausis. Hariap tasol em opim dua na siksti i go stret long toilet. Em rausim trausis na sindaun pekpek, em tanim long baksait em lukim gen piksa long glas. Oloman em kirap nogut na bikmaus na tok "Hei wet" mi pekpek yet. Eahostes i wetim em long kam bek tasol nogat na em i go painim em long toilet na askim em. Hey yu mekim wanem. Kanage tok mi i go insait na mi lukim narapela man i pekpek yet. Na mi wet i stap tasol em i no kamaut. Oloman eahostes i lap nogut na tok i nogat narapela man em yu yet i stap long glas. Kanage lap na tok save manki long ples ya.

Solman Ruben Aitape

Kaunsil Kanage i bilong. ples bilong papa kela. Wanpela taim em wantaim ol wanwok kaunsila bilong em i go spak long Wom Bis. Na kaunsil Kanage i lukim olgeta wanwok bilong em i spak tumas. Na em i tingim wanpela trik long giamanin ol em isi tasol go insait long Mangro Wom nambis. Nau em i rabim olgeta skin bilong em long supgraun bilong mangoro. Nau em i kisim wanpela gorgur na paitim gut tru olsem Raifol bilong Japan nau em i trik olsem wanpela devol bilong Japan soldia bipo idai long Seken Wol Woa. Nau em kam ausait na stat singaut long Wom Memorial Pak bilong ol Japan. Na stat long mas i kam klostu long ol wanwok bilong em. Man ol wanwok i kirap nogut na olgeta yet i ting em devol bilong Japan soldia na ol i ronim Wom nambis i stap. Long

wanem dispela taim em ples i tudak pinis. Kaunsil Kanage i lukim olsem na lap i kilim em, nau wantu tru. Em i kalap long si wasim em yet. Na senisim em yet na stap lap tanim tanim i stap long nambis.

Kanage Pren Wewak

Kanage bilong Tinputz long Not Solomons Provis i bin ronawe i

kam i stap long Kokopo wantaim meri bilong em long wanem i gat pait i stap namel long BRA na ami bilong PNG.

Kanage wantaim misis bilong em i stap yet long Kokopo na misis bilong Kanage kisim bikipela sik stret, olsem na em salim Kanage i go baim sampela marasin wantaim wanpela bra (susu kalabus) long stoa long Kokopo yet.

Orait Kanage i go long wanpela stoa long Kokopo na baim marasin pinis orait em laik baim bra bilong misis bilong em na em tingting planti i go na em klostu kisim sik mental kes. Kanage i go stret long kaunta na askim stoakipa na tok olsem; "Eskius mi, mi laik baim samting ya bilong misis bilong mi". Na stoakipa askim em; "wanem samting tru ya yu laik baim orait kolim nem bilong samting stret."

Na Kanage i laik kolim bra tasol em pret long wanem, sapos em kolim bra kanage tingting olsem stoakipa ya bai ringim ol polis na bai holim pasim em, long wanem ol bai ting olsem em wanpela memba bilong ol BRA.

Olsem na Kanage ino tok bra long stoakipa ya wok long tok samting ya tasol.

Mekim i go na stoakipa i les olgeta long Kanage na belhat stret.

Kanage tingting i go nogat na em strongim em yet na tok gen na tok "Eskius mi laik baim samting ya." Na stoakipa tok; "goan yu toktok". Kanage tingting i go na tok, yes mi laik baim susu pens bilong misis bilong mi.

Man, stoakipa lap igo na malumalum olgeta.

Alphonse Boina 11 Mile, Lae

Kanage wantaim famili ol save i stap long Mosbi. Tupela i gat wanpela liklik pikinini man. Olgeta taim meri bilong Kanage wantaim liklik boi i raun long taun na boi ya pilim pispis em i save singaut na toktok strong na mama ya em save sem.

So wanpela taim mama ya i tokim em olsem sapos yu pilim pispis orait yu mias tok olsem mama mi laik singsing em bai mi save yu laik pispis. Na dispela hap tok ya Kanage em i no save. Wanpela night ol i slip i stap na junior Kanage ya i pilim pispis na tokim mama olsem em i laik singsing. Mama ya les long kirap na tokim em i go tokim papa bilong em. Em tokim papa em i laik singsing na papa kirap tok maski biknait yu slip. Pikinini ya i askim yet so papa ya tokim em olsem yu singsing isi isi igo insait long yu bilong mi. So boi ya i sanap isi tasol lusim trausis na pispis i go antap long yu bilong Kanage.

Kanage singaut wantaim kirap paitim boi bilong em nogut tru.

J M Ohuno, Madang

Kanage bilong Arove insait long Wes Niu Briten.

Kanage em i wanpela mangi

bilong ples. Em kisim traipela basket na em save aisait long ol meri wantok bilong em. Orait wanpela taim turangu i hangre long kaikai abus. Na em i go tokim ol poroman bilong em long go slip long het bilong wara. Taim ol i glas i go na pekpek kilim Kanage.

Na em go sindaun saitim as bilong diwai, na em pekpek i stap. Baga pekpek wanpela wel pik i ron bhainim maunten i kam na semtaim em kisim wanpela ston na rabim pekpek long as bilong em. Em kirap nogut na paitim pik na ron bhainim na turangu pundaun na em tok atus.

Alois Riwox Kimbe

Kanage em bilong Sepik na meri bilong em bilong Madang. Tupela i stap igo na meri bilong em i gat bel long pela tam so wanpela taim Kanage tokim em long go long klinik. Meri ya i go kamap long klinik na sista i tokim em olsem bel bilong em i nogat pikinini em win tasol i pulap long bel. Meri ya wari wantaim igo istap long haus na Kanage i kam kamap long haus na askim meri bilong em na meri ya i tokim Kanage wanem samting sista i tok long em. Na Kanage i kros nogut tru na tokim meri bilong em long tupela go na lukim dispela sista. Tupela i go kamap long haus-sik na sista ya sanap i stap. Kanage i go stret long em na lusim trausis bilong em holim smol boi bilong em na tokim sista ya olsem; "em wanem, em baisikel pam bilong yu na yu tok win pulap long bel bilong meri bilong mi a." Taim sista ya lukim olsem em ron i go hait.

J M Ohuno, Madang

Kanage em i bilong Wali hits kantri, Amele long Madang. Kain bilong ol mangi bilong ples, em i go saitim raun long taun. Apinun, bikman painim ka long go bek long ples.

Kanage painim pinis wanpela dyna i rait mangi bilong ples. Kain bilong ol mangi bilong ples, em i wetim olgeta manmeri i kalap na wetim draiva statim ka.

Draiva statim ka na tek op yet, kanage siksti go kalap ya nogat, draiva holim brek, na kanage kis gut tru long ka.

Sem taim ol manmeri lukim repela samting kapsait long maus na ol ting buai na daka long maus kapsait na ol i lap nogut tru. Tasol trangu, ol i lukim olgeta fran tit na blut i kapsait na olgeta pasim maus. Mekim na Kanage laik go long haus ya nogat, em i go long hausik.

Ekting Kanage, Madang

Kanage i marit nupela na em i save kolim meri bilong lewa badi. Olget taim tupela save pas na wokabaut wantaim bikos tupela i nupela marit yu save kain bilong nupela mari ol ol yangpela.

Wanpela taim tupela i laik i go lukim ol lain bilong meri bilong Kanage long narapela ples. Taim tupela wokabaut i go ol raskol i ansapim tupela, ol i pasim lek, han na maus bilong Kanage na ol i bagarapim meri bilong Kanage na ol i kilim meri lewa bilong Kanage long naip na em i dai.

Kanage i wari nogut tru long nait Kanage i slip long bet na em i driman na em i lukim lewa badi bilong em kam long nait na tokim Kanage. Put han bilong yu kam na bai yu pilim ples we ol sutim mi long em. Na Kanage i putim pes pinga i go na em i no pilim, namba 2, namba 3, namba 4, na namba 5 pinga nau. Na em i tok

yes lewa badi nau mi ken pilim ples we ol raskol sutim yu long em. Kanage guria na em i kirap long bed na em ting tru tasol husait bai save han 5pela pinga olgeta bilong Kanage i stap insait long as bilong erf. Em i subim han go insait long sait bilong ples ol raskol sutim lewa badi bilong em tasol nogat em i subim 5pela pinga long ples bilong pekpek.

Otchie Gabba Madang

Kanage em bilong Banz, long WHP. Wanpela taim em i digim graun long gaden bilong em. Semtaim tupela tambu bilong em i kam na helpim em long digim graun. Taim ol i wok i stap na hangre kilim ol, nau Kanage i go baim rais i kam kukim. Rais i kuk pinis nau em i skelim tripela plet nau na em i singautim tupela i kam bilong kaikai. Tupela i kam insait long liklik haus bilong em. Na em i givim plet rais long tupela na em i tok. Pastaim yumi mas prai long bikpela na bihain yumi kaikai. Bilong wanem mi pasta bilong wanpela sios. Sapos yumi no prea, bikpela bai pulim nus na winim ia bilong mi long taim bilong las de.

Nau ol i stat long prea. Tasol tupela tambu bilong em tupela i no pasim ai bilong tupela. bilong wanem Kanage mekim longpela prea na ol lang i pulap long rais bilong ol. Narapela tambu i rausim lang long plet rais long brata bilong em. Nau brata i tok hei, plet bilong yu i stap long hap em bilong mi. Bilong wanem yu laik stilim bilong mi? Brata i tok, i no stil mi rausim lang ya.

Tupela kros long rais na prea bilong Kanage i go karangi. Na em i tok, bikpela yu ken pulim nus na winim ia bilong tupela long taim bilong las de.

John Kapil Banz

Kanage em raun nating long siti bilong Mosbi na go sindaun aninit long diwai long kisim kol win. Taim em sindaun i stap, em lukim tupela yangpela meri ol i wokabaut i kam.

Kanage lukim ol na singaut "ai yo bilis" mi kam o? Tupela meri tanim na lukluk long em na bekim tok bilong em "ai yo vavo" yu traipela Lizad silip aninit long diwai. Turangu Kanage sem pipia nating na kirap wokabaut i go.

Kips Squad Baiso

Kanage em painim traipela sik na go long Pot Mosbi haus sik long kisim marasin. Em go insait long haus sik na kisim namba 16 kad, na wetim ol wokman long singautim namba.

Meri Papua wok long haus sik singautim namba i go inap long namba 16. Tasol Kanage em i no go, em i sindaun tasol. Turangu Kanage, em paul long namba, em ting dispela kad em namba 91. Ol sik man ol kisim marasin na go nabaut long siti. Kanage em sindaun i go na em wan em i no hamamas.

Em kirap na go askim meri Papua olsem, yu no kolim dispela namba long kad mi kisim. Nogat toktok, meri Papua kisim kad tasol na askim em long tok Motu, oi gorere? Kanage em i no bekim tok bilong meri Papua. Meri Papua askim em namba tu taim, oi gorere? Bel hat wantaim Kanage bekim tok bilong meri Papua, wanem gorere, gorere i stap long namba tu bilong yu o? Sem wantaim, meri Papua rausim Kanage long haus sik.

Kips Squad Baiso

Kanage wantaim poro bilong em tupela i bilong PS kantri. Nau wanpela marit meri i gat pikinini pinis tasol meri ya i brukim lewa bilong Kanage stret. Olsem na Kanage wantaim poro bilong em i krol long rait long haus bilong meri ya.

Kanage i tokim poro bilong em, poro yu stap hia na lukluk long ol man long rot. Sapos ol man i kam, yu ka isi tasol na tokim mi na bai yumi ronawe. Orait Kanage i go aninit long haus na putim han i go antap long hul bilong limbun. Na marit meri ya i klinim pekpek bilong pikinini long napkin na putim arere long mosquito net na Kanage i popaia na holim pekrek na Kanage i wari long putim han i go yet long holim tru skin bilong marit meri na Kanage i no busi long pekpek. Kanage i holim holim skin bilong meri ya na Kanage i pilim swit moa yet na olget skin gras i sanap sanap na Kanage i no tingting long ronawe. Em nau poro bilong Kanage i lukim ol man i kam na poro bilong Kanage i das i go aninit long haus na tasim Kanage isi tasol na wokim eksen olsem ol man i kam. Na Kanage i pulim han i gat pekpek i kam daun na laik pasim maus bilong poro bilong em na nogat popaia Kanage i rabim pekpek long maus bilong poro bilong em. Poro bilong Kanage i smelim pekpek long maus bilong em. Man poro bilong Kanage i singaut strong pekpek, pekpek na tupela wantaim i kam ausait na das long haus bilong tupela.

Harry Kuaso Wewak

Kanage em manki Powie na em save stap long Vanimo. Em save laikim tumas long kaikai kiau bilong kakaruk. Wanpela taim nau na em lukim wanpela mama kakaruk i wok long krai long painim ples long karim kau. Mama kakaruk ya i wok long lukluk i go insait long haus long painim gutpela hap long karim kiau. Taim Kanage i lukim em em i kirap isi tasol i go insait long haus na em kisim pilo na betsit bilong em na stretim gut wanpela nes bilong pisin. Na taim mama kakaruk i flai i kam insait na lukim em i go stret na sindaun stret antap long betsit Kanage i stretim long em. Na Kanage i wet i go i no long traime em lukim mama kakaruk i flai i kam bek ausait long windo. Kanage i no westim taim. Em ting mama kakaruk i putim kiau pinis na em givim siksti i go insait long haus. Taim em kamap em lukim olsem mama kakaruk i no putim kiau. Kanage lukim olsem mama kakaruk i putim wanpela traipela mama bilong pekpek antap long betsit na pilo bilong em. Kanage i no amamas na em tromoi betsit na pilo bilong em i kam ausait long windo.

Aron Jauks Aitape

Kanage bilong Sepik em i go stadi long Amerika pinis na laik kam bek long PNG. Em i kam na ovanait long Honolulu. Apinun nau, бага i go long wanpela Salun long dring wanpela bia long kulim nek. Em wanpela blak skin man tasol sindaun stap long bek-sait tebol na dring stap. I no long taim em i lukim wanpela blak skin man tu i go na baim dring na go sindaun stret long fran. Kanage lukim em na tok dispela man em i luk olsem wanpela PNG o Afrika o wanpela man solwara long Pasifik. Kanage i painim tingting pinis na tekov na antap long kaunta na traime ba meri "I want some "SP" na ai sait i go long

• I go moa long pes 26

KANAGE



• I kam long pes 25

blak skin man sindaun long fran taim man ya i harim dispela hap tok "SP" em lukluk i kam long Kanage na em i dring. Orait ba meri tokim Kanage gen you speak slowly. Kanage tok gen "SP" orait dispela blak skin man em harim gen na em i lukluk long Kanage na lap, na wantu em ket-sim em pinis. Orait Kanage kisim dring bilong em i go tok eskius long ol poro na go tok helow long blak sin man seken na askim, hai pren where are you from? Na baga tok I'm from PNG. Kanage which province in PNG? I'm from Kerema and I am studying here in Hawaii. Kanage tokim em well I'm your saki from Sepik.

Tupela holim pas na krai nogut long wanem long taim i no lukim wantok man bilong PNG.

Maxwell Yawi Vanimo

Kanage bilong Goodenough Ailan insait long Milen Be provins em i bos kru long bot bilong ol Misen ol i karim long St Augustine na i save ron namel long Alotau. Wanpela taim ol i go sua long Alotau long bik moning na

Kanage i no kaikai long nait olsem na em hangre nogut tru. Baga kisim baks tasol na tekov stret long fud ba kamautim mani putim long kaunta na tokim meri long kaunta, "excuse me my sista I want meat inside flour". Meri i paul na askim em gen, "what is it?". Kanage tokim em gen, "I want flour, inside meat". Meri i painim hat

na em tokim Kanage you point. Orait Kanage i pointim stret long meat pie. Oh ye! Meri ya i no isi long lap long Kanage em kilim stret long lap na hap toktok tasol na meri lusim olgeta strong bilong em.

Maxwell Yawi Vanimo

Kanage bilong Sandaun na wanpela taim em wantaim poroman bilong em katim kona raun long Vanimo taun i go inap klostu apinun na 2-pela i go bek long haus. Na long rot i gat wanpela hap pekpek ol manki kapsaitim i stap. Na bara bilong Kanage i lukim dispela hap pekpek na em askim Kanage olsem Kanage, "excrete" em wanem? Kanage em i no save long tok Inglis na em bekim hariap tru na tokim bara bilong em olsem. Excrete em wanpela kain meat bilong ol Saina. Bipo Kanage i wok long wanpela Saina na em i givim em dispela meat long em na em kaikai na pilim swit more yet winim olgeta kainkain kaikai bilong ol waitman na olgeta kainkain kaikai bilong dispela graun. Na taim bara bilong em harim em: tok olsem, man em i no

isi isi long painim lap bilong em. Em kilim indai stret long lap. Na Kanage lukim bara bilong em lap na em kros nogut tru na wok long krosim em i stap. Em krosim em olsem yu mas wanpela Kanage. Ka-na-nage man bilong bikbus na yu i no save long kaikai ol kaikai bilong ol waitman. Olsem excrete tasol mi winim yu kaikai planti taim pinis.

Bee Kay Vanimo

Kanage i bilong Sandaun. Na wanpela taim long bikpela moning tru em kirap long bek kaikai pinis na em laik i go long wok. Tasol Junia Kanage iwok long krai long go wantaim em long wok na Kanage kisim junia bilong em i go daun long rot na baim wanpela poket twisties long wanpela tred stua na givim em na tokim em long go bek long mama. Orait Junia Kanage i pinis krai na em wokabaut i go bek long haus na lusim papa bilong em i go long wok. Junia Kanage wokabaut i kam na em lukim wanpela samting ol waitman save yusim pinis na ol tromoi i stap na boi amamas nogut tru. Em i go kisim dispela samting na wok long winim olsem balun na karim i go long haus. Na taim em kamap long haus mama bilong em lukim em na em askim em yu holim wanem na winim ya. Na boi i kirap na tokim mama bilong em olsem em balun bilong mi papa baim na givim mi. Taim mama bilong em laik kam kisim em i karim ronawe i go insait long haus na mama bilong em isi tasol i go insait na kisim na tromoi long en.

Bee Kay Vanimo

Kanage i bilong Wewak long Is Sepik provins. Wanpela krismas bikpela pikinini man bilong em i pinis skul na go krismas brek long ples. Orait, wanpela taim em i go wantaim papa bilong em long bus. Taim tupela i wok long wok-abaut Kanage i askim son bilong em olsem "son ol tisa i lainim yu wanem kain samting?" Na son bilong em i stori long em. "Papa ol tisa ya ol i lainim mipela long ol samting olsem saikoloji, astroloji, teminoloji na potoloji. Kanage i bilong i bisi stret long harim son bilong em na i no pilim ren pundaun na em kirap na tok "son the rainoloji is falloloji let's runiologi to the hausioloji.

Marjori Warisaitio Boroko

Kanage em man Tari na em i wanpela strongpela man i save wok wantaim Parker Driling Company long Kutubu. Long hat wok bilong em bikbos i makim em olsem kru bos long driling seksen. Wanpela taim bos i kam bek long Mosbi siti wantaim ol nupela wok man. Kanage i go mitim ol nupela wokman long Moro eapat na lukim ol longpela man tasol. Kanage em save pinis olsem em ol man nambis na ol i no fit long ol kain wok long rig sait. Kanage em belhat pinis na em i go lukim bikbos na i tok. "Yes Sah my gut taim bos, ol this longpela new stiiks ya from Mosbi, bai yu mekim haus wantaim ol o bai yu mekim banis Kakaruk?" Bikbos bilong Kanage i sanap longlong na Kanage i givim ken na i tok, "mai wan boks. Na surenda, no ritrit, haipaia na rikruit tu Huli wokman so dat ol bai dril ol nait em wok bai i kamap neks moning sapos


san kamap."
Ricky Yandi Kutubu

Kanage em wanpela smatpela yangpela man bilong Bena Bena na em i lukim planti manmeri bilong Kesavaga i kam long Bena long lukim wanpela wantok bilong ol idai. Tasol wara Bena em i tait na ol manmeri i no inap long brukim wara, olsem na boi nogut Kanage. Em i stat long brukim wara na karim wanwan bilong ol i go long hapsait. Wanpela kumu kaitim man bilong Kesavaga i tokim ol meri wantok bilong em olsem: "Em i karim yupela olgeta i go pastaim, bihain tru em bai hos long mi na kapis bilong mi em bai tasim nek bilong em. Em nau Kanage em pinisim olgeta man wantaim, meri i tok hos long mi. Kanage kirap hos long manmeri na tupela wantaim pundaun long wara Bena.

Enoch Jim Goroka

Kanage i no save long tok pisin na em i gat 75-pela krismas. Em bilong ples Chuave long Simbu provins. Wanpela moning em i go long Kundiawa Haus Sik. Long rot Kanage i bungim wanpela wait meri na meri ya i tok moning long Kanage. Kanage i lukim wait skin na waitpela pes na ting wait meri ya i tok wanem long mi. Em ting meri ya i tokples na tok em kaikai tumbuna bilong Kanage. Em nau Kanage bekim wankain long meri ya na tok sumbun nea tasol wait meri i no save na i go pinis.

Martha Onny Bialla



Watpo gavman apim takis?

Dia Edita,

Mi laik putim komplek bilong mi i go olsem, mi ukim prais bilong wanpela lus simuk i go antap long 40t. Dispela mi laik putim i kam aut long pablik olsem wanpela askim. Sapos yu wanpela brata o susa yu lukim na yu laik sapot o olsem wanem yu ken rait i kam long Wantok Niuspepa na mi ken ukim prais bilong ol dispela kain liklik samting na bikpela samting i wok long i go antap na antap olgeta.

So mi laik tok olsem bikpela rong tru Gavman bilong yumi i save wokim na prais bilong olgeta samting wok long i go antap. Long wanem gavman bilong yumi i wok long kisim bikpela takis bilong ol dispela kain samting. Mi laik tok olsem gavman bilong yumi em wok long bagarapim yumi ol turan-yu lain i stap. As bilong prais bilong olgeta samting wok long i go antap em rong bilong husat. Em rong bilong Gavman bilong yumi tasol na prais bilong olgeta samting i wok long i go antap. Sapos Gavman i laik kisim ol dispela kain takis em mas apim pe bilong ol wok manmeri na kisim ol dispela kain takis na prais bilong olgeta samting i go antap em tasol liklik wari bilong mi.

**Heru Anabisa
Goroka EHP**

Rausim Kanage long Wantok

Dia Edita,

nap yu givim mi spes long putim liklik wari bilong ni tasol long liklik hap spes. Yes mi laik bekim na sapotim pas bilong susa ya Jeena Murray, Kainantu) na brata Norbert Tapi (Wewak) i bin samap long Mas 30, 2000.

Dispela em i tru PNG em i Kristen kantri na intap long dispela, Wantok Niuspepa em 4pela nisim sios i onim, Katolik, Eglikan, Luteran na 'unaited sios. Mi save baim niuspepa long olgeta vik na mi save les long ritim Kanage. Bikos em i tori pekpek tasol.

Sapos yupela stil holim Kanage stori, em i min olsem Wantok Niuspepa em i bilong praivet bisnis nan tasol. Dispela stori pekpek em i save pulim ingting bilong ol yangpela long i go long rot nogut. Olsem na mi askim menesmen bilong Wantok Niuspepa long pinisim stori (pekpek) Kanage.

Ating em tasol, na yu husat i laik sapotim o egensim mi rait tasol na bai mi ridim:

**Thomas P. Kasin
Kimbe**

Memba bilong Tewae Siasi kisim sapot

Dia Edita,

Mi laik bekim pas bilong Mista Kabaka em i bin am aut long Wantok Niuspepa Mas 30, 2000. Mi askim long dispela nem Kabaka em wanem nem. Ia tu yu i stap long wanem hap, yu i stap long bus yu i stap we. Mi laikim nem tru bilong yu na nem ilong ples bilong yu. Narapela toktok bilong yu tok lsem Mao Zeming taim bilong kempen em grisim i manmeri long Tawae Siasi na pik dok na akaruk.

Sapos yu save man o yu man bilong mekim wok. I gutpela yu go long distrik opis yu i stap long n na askim ol wokman long opis na ol givim yu om na yu pilim pom na ol givim yu mani na yu mekim wok sapos yu man bilong mekim wok.

Narapela toktok bilong yu em yu tok olsem ya 302 bai mipela sekim yu aut long Sia Siasi. Dispela em laik bilong ol manmeri i no yu Kabaka.

Tenkyu. Bekim long Wantok Niuspepa na mipela ken lukim.

**Sowon R Medep
Sialum**

Sapos yu laik salim ol pas bilong yu i kam long dispela niuspepa. Salim i kam long dispela adres:

THE EDITOR
WANTOK
NEWSPAPER
PO BOX 1982,
BOROKO, NCD.

Ombusmen Komisen sekim memba bilong Nawae

Dia Edita,

Mi wanpela grasrut pikinini bilong Nawae yet nau mi stap long Lae. Yes mi putim komplek bilong mi i go stret long memba bilong mipela bilong Nawae ilektoret.

Plis mi laikim bai Ombusmen Komisen mas sekim em. Mi lukim olsem dispela memba wokim samting wansait long hap bilong em i stap na lus tingting long mipela sampela konstituensi olsem Bukava na Elap.

Mi save tupela konstituensi ya Elap na Bukava em memba i tromoi tupela long rabis bin pinis long taim long 1997 yet na i kam Olsem na mi laikim Ombusmen Komisen mas sekim Nawae memba hariap long mani bilong 97, 98, 99 na 2000. Mani bilong Nawae i stap we?

Nau mani bilong ilektoret em bilong givim sevis long foapela konstituensi Nabak, Wain, Elap na Bukava.

Tasol nogat, mani bilong

Nawae i go tasol long Nabak na Wain tasol. Elap na Bukava nogat tru. Rot bilong Bukava nau bus karamapim na nogat moa rot bilong ka i go long Bukava na i kam long Lae.

Em tasol komplek bilong mi. Sapos yu husat Nawae sapota plis komplek.

Rait tasol i kam long Wantok Tenkyu

**Somta Bacsap
Lae**

Stretim yu yet bipo yu toktok long Sepik

Dia Edita,

NAU em pes taim bilong mi long rait long Wantok Niuspepa. Yes mi laik bekim pas bilong brata lairi Simal we i bin kamap long Wantok Niuspepa long 9 Mas 2000. Em i bin rait na tok "Sepik painim pipia long Kimbe".

Brata mi sori tumas long yu bikos yu yet i givim yu yet long han bilong birua. Sepik em bikpela nem tumas na tingim olgeta hap bilong graun na wara bilong PNG Sepik i stap.

Brata mi laik askim yu, i gat wanpela taim wanpela asples Wes Niu Briten o Sepik karim traipela bek, bilum na pusim wilbairo na pairap raun long taun na painim pipia bilong taun?

Brata yu bagarapim yu yet, na ol lain bilong yu, husat i save go long ol kai ba na pusim traipela het bilong yupela i go insait

long ol rabis dram na smelim empti i pulap long kainkain sting smel na spet na meme bilong buai.

Yupela i no save sem long wokim dispela deti wok pulap long smel long pablik. Sapos mi olsem yu mi no inap tru mekim dispela kain tok, bikos nogut bai mi bagarapim mi yet na ol lain bilong mi.

Tu dispela kain pasin i no i stap long Kimbe tasol nogat, em i stap long olgeta hap long PNG. Maski Kimbe maket i stap long yu salim ol samting bilong yupela na nogat yupela inapim ol sait bilong stua strit na ol bas stop. Maski ol taun autoriti putim lo long mekim dispela pasin yupela i no harim tok. Yupela ating i nogat tingting bilong man. Yupela i gat tingting bilong ol animal.

Brata dispela olgeta toktok yu bin tromoi long dispela mangi Sepik ya, em yu

bin mekim long rong Sepik ya.

Sapos yu bin mekim long rait Sepik em mi no save hamaspela sta yu inap long kauntim.

Yu westim gutpela taim bilong yu long mekim gutpela wok. Mobeta yu go bek long ples bilong yu Tari.

Ol Sepik i gat as long stap long Kimbe. Sampela i wok na planti ol i stap long oil pam blok bilong ol.

Na wat po yu paul raun long Kimbe, em wanem ples bilong yu Tari. Go bek long ples bilong yu na hait olgeta.

Em tasol, yu husat i laik sapotim o egensim yu welkam tasol. Mi putim tasol long floa bilong Papua Niugini.

**Maco Hunsbanco
Kimbe**

Sekyuriti kisim salens

Dia Edita,

Mi wanpela asples mangi insait long Madang provins, long Wali Ohiss kantri Efu, Hou ples. Yes mi laik putim komplek bilong mi i go long olgeta sikyuriti man na meri husat i wok long Madang taun long olgeta stua.

Mi lukim olsem olgeta stua i gutpela long go soping na lukluk raun, tasol tupela stua em Best Buy na Martin Sang Supermarket, ol sekyuriti man na meri save wokim pasin i no stret. Taim ol manmeri i go raun insait long stua pinis na i laik go ausait, sekyuriti bai putim han long het na sekim yu i go daun pinis long lek finga stret.

Olsem wanem? Mipela tu i pikinini bilong man, i no animal i karim mipela. Yes wanpela taim mi go

mekim soping bilong mi long Best Buy pinis na mi laik go ausait, taim mi go long dua sekyuriti meri sekim mi i go daun na man, em holim stret bol bilong mi na mi guria nogut tru.

Olsem na dispela pasin bilong sekim man na meri em i no gutpela, ating mobeta ol sekyuriti yupela mas lusim dispela wok na go mekim narapela wok. I no ken westim taim sanap nating long stua na holim bol bilong man na meri nating ol i gat papa na mama bilong em.

Em tasol long komplek bilong mi, na yu husat i laik surukim maus bilong mi, rait i kam tasol long Wantok Niuspepa na mi ken lukim. Em tasol.

**Dassy Kawal
Madang**

Ol bas mas pinisim ron

Dia Edita,

Mi laik putim komplek bilong mi long tupela bas namba 13 na namba 16 long Mosbi siti, bas 13 i save rong long Gordons maket, Is Boroko na tanim long Manu Sevis Stesen na kam bek Gordons.

Na planti manmeri i save komplek long bas 13. Bas 13 i mas ron long Gordons na pinis long Hanubada na kam bek long Gordons em ron bilong bas 13. Mipela save baim tuwe olsem mi putim komplek long pablik i ken lukim.

Namba tu ron bilong bas 16 i save ron. Bas 16 i mas stat ron long Manu Sevis Stesen na pinis long Bomana Plis Kolis na CIS na kam bek long Manu. Tasol nau bas 16 tanim long Gordon maket na go tanim long 9 mile maket na kam bek long Gordons maket na i no save pinisim ron bilong em.

Olsem mi putim komplek long pablik i ken lukim.

Tenkyu bilong mi i go long edita long putim long niuspepa na pablik i ken lukim.

**Sae Gwae
9 Mile, M/Block (POM)**

Noken bagarapim narapela

Dia Edita,

DISPELA em i namba wan taim bilong mi long rait long Wantok Niuspepa. Mi rait long bekim pas bilong lairi Simal husat i bin rait long edita long las wik Fonde 9 Mas 2000. Mi wanpela strongpela Sepik bilong Kimbe na mi laik autim liklik wari bilong mi long brata ya, lairi Simal bilong Tari.

Brata, yu bin tok mipela ol Sepik ol lain bilong mumutim pipia long Kimbe? Harim, mi laik tokim yu olsem. Ol long ai bilong mi, ol pipel bilong Wes Niu Briten, ol narapela manmeri na ol diwai na ol animal. Yu giaman pinis. Harim yupela ol Hailans i save sekim ol pipia drum, slip nambaut long ol as bilong diwai na maket olsem ol pik bilong ples bilong yupela. Harim yupela as bilong sakim tok bilong taun kaunsel na bagarapim taun long pipia.

Brata lairi Simal, yu tok long planti pukpuk long Sepik. Harim pukpuk holim pik, bai pik i smash ya. Olsem na yu tingting na toktok.

Em tasol. Brata yu ridim na kisim bagarap, yu rait na bekim na bai mi ridim.

Tenkyu long givim mi liklik spes long autim wari bilong mi.

**Syll Chen
Kimbe.**

Gavana Pita Ipatas kisim sapot


Dia Edita,

NAU mi wanpela foma memba bilong Tari, na nem bilong mi Sir Matiabe Yuwi. Na mi tu mi wanpela papa tru bilong Papua Niugini Lo o Constitution na mi save gut long politiks bilong PNG.

Na mi lukim gut Mista Peter Ipatas Gavana bilong ol Enga, em i save helpim ol pipel bilong em gut tru. Mi hamamas tumas long wok na pasin bilong em i gutpela tru long kirapim wok developmen long provins bilong en.

Na mi sapotim toktok bilong Benny Boi Irak em i bilong liklik ples Waps Enga provins na tu mi laik askim ol manmeri Enga o mipela Tari i save kolim yupela.

Huli-Opene em i tok



• Peter Ipatas.

ples olsem tupela brata. Olsem na mi askim yumi olgeta strongim o sapotim ol wok bilong Gavana Ipatas. Orait na tu mi bin lukluk nambat long arapela hap long Papua Niugini mi bin painim wanpela bikman o Gavana bilong Morobe provins.

Nem bilong em Hon. Wenge em tu mi lukim wanpela strongpela hat wokman na em i save rispek na open long olgeta kainkain manmeri pikinini husat em lapun o yangpela o em skul man o i no skul man.

Em i save givim bel long olgeta kainkain pipel. Olsem na mi luk-save pinis, olsem dispela Gavana Wenge, pasin billong em kiostu wankain olsem.

Hon. Mista Peter Ipatas long Enga provins.

Em tasol na sampela brata yu laik sapot o egensim laik bilong yu tasol.

**Sir Matiabe Yuwi
Hela-Huli
Tari**

Hailens, na Sepik helpim Madang

Dia Edita,

YUPELA inap givim mi liklik spes long toktok. Mi laik egensim pas bilong Doumde Hogamaiga Pas bilong i kamap long Wantok Niuspepa long Epril 6, 2000. Em tok olsem ol Sepik na Hailans i hagapap olsem bilak bokis long Madang taun.

Em tru tasol mi no amamas long toktok bilong yu i tok olsem. Ating yupela i save kaikai pekpek bilong ol asples Madang na i save swit long yupela a, na yu tok long musik bilong Madang tu na yu tok long kristen tu na mekim bel bilong mi no amamas tru.

Yu tok olsem Madang taun em i

Kristen taun tasol hau yu tok long Sepik na Hailans long kaikai pekpek bilong asples, na tu yu tok long bisnis o projek. Yu inap tokim long hamas projek o bisnis bilong asples na mi i ken save na tok em tru.

Nogut yu yet yu olsem bilak bokis na yu tok nating na yu tok long musik i no gat pes klas musik long PNG em yu tok long ol. Manmeri tasol mipela sampela i hat tru.

Tenkyu na husat sapatim o egen-sim rait i kam long Wantok Niuspepa na bai mi ken ridim em tasol.

**Queten PS
Lae**

Wingti inap yu klia long Gavman na ol memba

Dia Edita,

Plis givim mi liklik spes long Wantok Niuspepa long autim bel hevi bilong mi long pasin foma praim minista bilong Papua Niugini, Paias Wingti nau i mekim long gavman bilong tude.

Mi harim long strit na long wokples olsem Paias Wingti i kontrolim tumas Praim Minista Sir Mekere na ol gavman ministas. Plis Mista Wingti larim Sir Mekere na ol memba ronim

kantri long laik bilong ol.

Yu mekim na mipela ol man tingting planti long yu bikos sapos yu man em bai yu yusim het bilong yu na bai yu no inap mekim politiks. Luk olsem yu nogat mani long pas buk bilong yu na laik kisim sampela mani na yu pilai politiks gen. Sapos yu hangre long mani ok mipela ol gras rut bai wokim wilbaro pus long Wingti apil.

Plis Mista Wingti yu

mas save olsem biknem na mani kago bai pinis. Tingim God na Jisas long dispela laip. Mista Dai kam em yu save biknem na mani kago bai no inap helpim yu. Bai yumi wanwan i go nating olsem tasol mama karim yumi.

So plis inap yu klia long gavman bilong tude na ol memba na tingim bisnis bilong yu.

**Les Pinis
Taurama Barraks
Port Moresby**

Pe i daunbilo na prais i antap

Dia Edita,

MI wanpela mangi husat i stap nau long oil palm plentesen. Mi save wok olsem wanpela biklain.

Fotnait pe mi save kisim em mak tasol long K50 na kam daun. Taim mi ridim niuspepa bilong Fonde Mas 30, 2000.

Mi i no wan bel liklik long tupela Gavman bilong Australia na Papua Niugini Gavman.

Tupela i tok ol i hamamas long 2000 nesenel senses.

Em gutpela tasol yutupela i no

skelim gut tingting na tok olsem.

Kimbe taun em rabis na rabis rot i no gutpela na pe bilong sip, balus, ka na olgeta klos long stua i go antap moa.

Wanem taim na awa bai yupela Gavman bai sanap long rait bilong grasruts.

Liklik mani mipela i save kisim long fotnait em i save pinis nating stret.

Traim na Gavman mas tingting na daunim prais bilong ol samting.

Lukluk bek long yia 1970s na 1980s dispela hap em gutpela liklik. Nau mi wanpela painim hat long en, mi autim.

Em bikpela bel hevi bilong mi. Tenkyu long harim na ridim, mi bai hamamas long yu husat i sapatim mi na rait long Wantok Niuspepa. Em tasol.

Na bikpela tenkyu bilong mi i go long yu husat bai bekim na sapatim.

**Timothy Maljoni
Kimbe**

Memba bilong Telefonim kisim salens

Dia Edita,

INAP yupela givim spes long mi na mi putim dispela wari long Wantok Niuspepa.

Mi wanpela grasrut bus mangi long boda bilong Is na Wes Sepik laik putim dispela hevi mi gat long en long pipel bilong Oksapmin na Telefomin.

Plis inap yupela senisim tingting bilong yupela. Traim na yusim gut het bilong yupela na makim gutpela lida long 2002 ileksen. Yupela mas makim wanpela man bilong toktok i ken i go long haus tambaran long pait na kisim ol sevis i kam long Telefomin distrik.

Hei mi bus mangi laik strongim na sapatim yupela long taim bilong bihain.

Plis i noken yusim bebi tingting bilong yupela na makim X long bokis. Yupela i no wankain olsem mipela ol lain long bik bus. Waitman i kam long Telefomin na Oksapmin pastaim. Okei bihain yupela kam kisim mipela ol lain long bus.

Tasol yupela i no save wanbel na makim gutpela man laik sanap long Telefomin open.

Traim na lusim tok giaman na tok baksait na tok kros na jeles pasin. Yupela Oksapmin na Telefomin mekim long taim

bilong kampani laik kamap. Dispela kain pasin tasol senis bai i no inap i kam insait long Telefomin distrik.

Mi ken tokim yupela ol lain long Telefomin na Oksapmin. OK Tedi main stap na yupela save hambak. Sapos main i pinis bai yupela kamap wankain olsem mipela bus lain. So 2002 ileksen, yupela mas makim rait memba bilong Telefomin open.

Em tasol liklik wari bilong mi husat laik sapatim orait welkam tasol

**Morris Haikson
West Sepik**

Noken apim nating MP Ginson Saunu

Dia Edita,

MI wanpela mangi long Yus LLG i laik egensim pas bilong Kawap Amunsi i bin kamap long Wantok niuspepa long Mas 2, 2000. Amunsi mi tokim yu stret olsem noken apim nating nem bilong Ginson Saunu bikos em man bilong giaman.

Em i klostu bai ten yia long palamen tasol em tok long wokim rot ka joinim long Wantoat rot i kam long Teptep em i no mekim. Maski ol narapela LLG long Kabwum ken apim nem bilong em bikos ol i gat rot ka na ol i gat ekles long ol arapela sevis tasol yumi ol Yus LLG mi tokim yupela stret olsem yumi i stap yet olsem ol tumbuna i bin i stap bipo.

Yu lukim ol dispela liklik sevis olsem mentenen

o helpim mani mak bilong K500-K1000 i no inap tru stretim wari bilong yumi ol yangpela.

Mipela i nidim tru rot ka wanpela tasol i mas kam long Teptep bikos em as bilong olgeta kankain developmen sevis we bai stretim yumi olgeta i stap wankain olsem ol arapela Kabwum na Morobe provins tu.

Yu husat pikinini Teptep yu lukim yu mas sapatim dispela bikos promis em bin mekim long wokim rot em long yia 1994 long Teptep Nayudos Kalsa so.

Yu ken skelim mak bilong politiks nau bikos MP ya em i no bilong Kabwum em asples Teptep na em i no mekim wanpela samting ya slip tumas, bek bensa long palamen. Man bilong opim maus na toktok i wokim planti samting tasol MP ya ating i sindaun tasol wantaim haus lain famili na tilim ol samting i go i kam.

Ol arapela Yus LLG Lukluk gut long dispela man na noken kenpen long em long 2002. Sapat na givim han long narapela gutpela save man we i ken winim posisen long palamen na givim sevis long yumi. Em tasol.

**Koron Not
Teptep, Madang**

Pundari kisim salens

Dia Edita,

INAP yu givim mi liklik spes long raitim dispela pas.

Taim John Pundari stap memba bilong Kompam Ambum em wokim wanem long distrik het kota long Kompam Ambum?

Taim em i stap memba bilong Kompam Ambum em bin tokim ol pipel olsem em bai wokim Wabag Kompam rot na kisim pawa lain i kam long Kompam distrik tasol, em maus wara nating na em i no wokim.

Taim em stap memba bilong Kompam Ambum em inap long skruim Kompam distrik haus sik i go bikpela tasol, yet em plen long wokim narapela haus sik gen long ples bilong em yet, na em i soim olsem em i no rait helt senta na komyuniti skul long nem bilong em?

Taim em stap memba em yusim nem bilong God antap nating na mekim emti tok promis long ol pipel bilong ilektoret bilong em yet na soim olsem em i no rait lida.

Sapota bilong dispela memba ol tu i nogat het na tingting long ol yet na bel bilong ol.

Nogat tingting liklik long tokim memba bilong ol long kisim developmen i kam insait long distrik bilong ol.

Ating, yu save kisim mani long wokim ol bisnis long ovasis ya. Poket mani bilong yu o bilong Gavman?

Olsem na John Pundari yu mas save o tingting long 2002 bai yu sanap yet o bai yu lus. Em yu yet nau.

Sapos yu husat i laik sapatim o egensim em mi stap tasol, long lukim long Wantok niuspepa, yu ken rait i kam tasol.

**L.W. Jonson
Kompam, Enga**

Noken kolim nem Sepik

Dia Edita,

MI wanpela mangi Sepik mi laik egensim pas bilong brata ya, Lairi Simal. Pas bilong em i bin kamap long Wantok Niuspepa long Mas 9, 2000.

Long heding bilong em, em i tok Sepik painim pipia long Kimbe, brata mi laik tokim yu, i no olgeta Sepik save painim pipia long Kimbe. Ating mobeta yu mas kolim nem bilong ol dispela lain Sepik yupela pilai kas long en.

Brata mi laik askim yu, Kimbe em i taun bilong yu Sauten Hailans na Sepik? Yutupela go stap long provins bilong narapela lain na mekim ol kain pasin olsem.

Dispela kain rabis pilai kas nambaut na bagarapim nem bilong ol gutpela Sepik.

Harim pilai kas em yupela Hailans ya, strit bilong taun, as bilong diwai, sindaun long maket pilai kas na pait em yupela manmeri wantaim pilai kas. Ol Sepik i no save pilai kas raun, em ol lainim long yupela Hailans ya.

Traim na tingim gut na rait, maski long kamap nana o bebi tingting

Yutupela kros tasol long dispela rabis K40 na kolim nating nem Sepik. Painim pipia em olgeta, i no Sepik tasol

Yutupela wantaim painim pipia long oil palm bilong Kimbe na kolim nating Sepik.

Ol Sepik tru na Hailans tru ol i stap long ples bilong ol. Yutupela mas painim pipia bilong Kimbe ya

Em tasol, yu husat laik sapatim o egensim rait i kam long Wantok Niuspepa bai mi ken lukim.

**Duna Gawi
Wewak**

Memba bilong Oksapmin kisim salens

Dia Edita,

PLIS inap yupela givim spes long mi na nau mi putim aut dispela wari mi i gat long en i go long Wantok Niuspepa.

Yupela save mi wanpela grasrut mangi long ples BKS long Tekin eria.

Plis ol pipel bilong Oksapmin. Yupela gutpela lain bilong lotu tasol wok bung. Em yumi nogat.

Yupela i no lain bilong harim tok na bihainim mi ken tok olsem pasin bilong yumi i no gutpela tumas.

Bikos husat gutpela mangi bilong kisim sevis i kam insait long Telefom distrik. Kain save man olsem ya.

Yupela ol pipel bilong Oksapmin save tok baksait na tok giaman na bagarapim gutpela saveman bilong

kisim ol sevis i kam long distrik bilong yumi. Plis inap yupela lusim ol dispela rabis tingting nogut, yupela i gat long en na makim rait memba long yia 2002 ileksen.

Na tu long ol lain husat bai sanap long 2002 ileksen long hap bilong Oksapmin long Telefomin open.

Plis yupela wanbel na pasim tok long wanpela man tasol.

Yupela i noken paulim tingting bilong mipela ol pipel long vot.

Em tasol God blesim yumi.

Husat brata na susa laik sapatim o egensim mi, welkam tasol na rait long Wantok Niuspepa.

**Andrew Iliin
Tekin**

Toksava i go long ol manmeri i save salim pas long Wantok. Sapos yu no putim nem tru bilong yu long pas mipela i no inap prinim leta bilong yu.

Ambunti memba kisim salens

Dia Edita,

MI wanpela grasrut mangi Ambunti, mi laik sapatim toktok bilong brata Peter, i bin toktok long wanem pasin memba bilong mipela save mekim. Ating em nogat maus bilong toktok o.

Mipela long Ambunti i nogat luksave long em nau, mipela i stap wankain olsem tumbuna i stap i kam inap nau, ating bai yumi stap olsem yet o.

Mi laikim wanpela nupela strongpela pikinini Ambunti distrik, traime na bringim developmen na gutpela sevis i kam long Ambunti distrik ilektoret bikos, memba bilong mipela i slip yet. Tenkyu.

Em tasol husat i laik sapatim o egensim em welkam.

**Benjimen Saunmalen
Ambunti**



FINANCE PACIFIC



PAPUA NEW GUINEA
BANKING
CORPORATION

Salim Tok Sori

Eksektiv Siaman bilong Fainens Pasifik Limited Grup bilong ol Kampani, Rimbink Pato, Menesing Dairekta bilong Papua Niugini Benking Koporesen, Aho Baliki (OBE), ol Bod bilong Dairekta, Menesmen na wokmanmeri bilong Papua Niugini Benking Koporesen i salim bikpela tok sori na wari bilong ol i go long meri Bernadette, ol pikinini Fidelis, Canute, Nathan, Robert, (Jnr), Gabriel na Jeremy na ol pren na wantok long bikpela hevi na taim bilong dai bilong man na papa bilong ol;

MISTA ROBERT YAMANG

husat ol i kilim em long
TUNDE APRIL 18, 2000.

Yu painim pinis malolo long God na nau i stap wantaim em we i gat amamas, laik tru na gutpela sindaun i stap.

Em i de bilong bikpela sori long yumi olgeta. Yu wanpela man i gat planti presen na gutpela pasin we yu no inap givim pen long wanpela lang.

Ol famili bilong yu i lusim wanpela gutpela papa na man. Mipela i lusim wanpela man husat inap kamapim planti gutpela wok bilong mipela na wanpela man bilong wok olsem nesanel menesa na tu wanpela man husat i gat strongpela bilip na gutpela lotu man. Long planti bilong mipela, mipela i lusim wanpela trupela brata na wanpela pren mipela i ken gat bilip long em.

Mr Rimbink Pato LLB
Grup Eksektiv Siaman
Fainens Pasifik Limited

Mr Aho Baliki (OBE)
Managing Dairekta
PNGBC



• Tupela yangpela skulmeri i soim stail long soka ya. Kain stail i save kukim Sir John Guise Stedium olgeta.





• Jason Sigamata bilong Orogen i laik trikim pilaia bilong Delloitte long Charity Cup resis.

• (Raithan): Golkipa bilong Rapatona Tapas Posman i ketsim bal long gem egensim Defence long PMSA Charity Cup soka resis las wiken. Defence win 4-3.

• (Daunbilo raithan): Pilaia bilong Karanas i lukluk long ampaia sapos em i aut o nogat. Tasol ol i aut bikos Brown Eagles i rekim ol 3-1.

• (Daunbilo): Straika bilong Mopi i soim liklik stail long pri-sisen kap las wiken.



•Tawagu Boapam i kisim setifiket bilong em long ekting edita bilong Independent Niuspepa Neville Choi. Tawagu i winim "B" gret singels taitel long Independent PNG Open Tennis Sempionsip.





Wiken Spot Dro

PORT MORESBY SOCCER ASSOCIATION
Saturday 29th, April 2000

Bislini One

Time	Div	Fixtures
08:00	D2	Dolos vs Bavaroko
09:20	W2	Orogen vs Pom United
10:30	D1	Sobou vs Kula
11:45	W1	LBC Defence vs Sobou
12:55	W2	B/Kumuls vs Falcon
14:10	D1	Korion vs Verave
15:20	Youth	Cosmos vs Babaka
16:25	Prem	ANZ University vs LBC Defence

Bislini Two

Time	Div	Fixtures
08:00	D3	Kutu vs Bipi
09:20	W1	WMI vs Guria
10:30	D1	Nomads vs B/Mocs
11:45	W2	Rapatona vs Adau
12:55	W1	Telikom vs Cosmos
14:10	Prem	Guria vs Wikila Tarangau
16:20	Prem	Rapatona vs Tawala

University Oval

Time	Div	Fixtures
08:30	D4	B/Kumuls vs SP Brewery
09:45	Youth	B/Kumuls vs SP Brewery
10:55	D4	IBS PS United vs K/Andra
12:00	D4	Cosmos vs Babaka
13:10	D3	Aigob vs Buresong
14:30	D2	Wanzezi vs Eda Ranu
15:45	D3	BFC vs Sunset

Sunday 30th, April 2000

Bislini One

Time	Div	Fixtures
08:00	D2	Nisco vs WMI
09:20	W2	Murat vs W/Height
10:30	D1	Dubo Futz vs Cyclone
11:45	W1	Kula vs Wikila Tarangau
12:55	Youth	Guria vs Wikila Tarangau
14:10	Prem	IBS PS United vs K/Andra
16:20	Prem	SP Brewery vs B/Kumuls

Bislini Two

Time	Div	Fixtures
08:00	D2	Murat vs Monier Kayaks
09:20	W1	Cyclone vs IBS PS United
10:30	W2	Tawala vs Madgauns
11:45	D1	YM2 vs Bao Mitas
12:55	W2	SP Brewery vs Bavaroko
14:10	D1	Adau vs Pom United
15:20	Youth	ANZ University vs LBC Defence
16:25	Prem	Cosmos vs Babaka

University Oval

Time	Div	Fixtures
08:30	D2	Naniu vs Duau
09:45	D4	ANZ University vs LBC Defence
10:55	Youth	IBS PS United vs K/Andra
12:00	D4	Rapatona vs Tawala
13:00	Youth	Rapatona vs Tawala
14:30	D4	Guria vs Wikila Tarangau
15:45	D3	Muma vs R/West

National Capital District Volleyball Association
Saturday 29th April, 2000
Sir John Guise Indoor Hall

COURT 1

Time	Grade	Fixture
08:30	WAR	U-Mi Yet vs Raukele
10:00	WA	Scorpions vs Vailima
11:30	WA	U-Mi Yet vs Raukele
13:00	WA	NCDC vs Telikom
14:30	WA	Mixtures vs Hoppers

COURT 2

Time	Grade	Fixture
08:30	MAR	NCDC vs Telikom
10:00	MA	U-Mi Yet vs Raukele
11:30	MA	NCDC vs Telikom
13:00	MA	Mixtures vs Hoppers
14:30	MA	Scorpions vs Vailima

COURT 3

Time	Grade	Fixture
08:30	WAR	Scorpions vs Vailima
10:00	WAR	NCDC vs Telikom
11:30	WAR	Mixtures vs Hoppers
13:00	MAR	Scorpions vs Vailima
14:30	MAR	U-Mi Yet vs Raukele
16:00	MAR	Mixtures vs Hoppers

KOIARI RUGBY LEAGUE

Round 1 - Game 1 - Sunday April 30, 2000.

Oval: Iarowari (Sogeri)

12.00	B	Sogeri Choice vs Crystal Eels
01.00	B	IBS Pukpuks vs Hooks Tigers
Bye: Trek Warriors		
02.00	A	Sogeri Choice vs Crystal Eels
03.00	A	IBS Pukpuks vs Hooks Tigers

Bye: Trek Warriors
Note: Any new or old clubs wanting to participate have to check with the league officials

OROGEN SCHOOLS SOCCER LEAGUE
Saturday 29th April, 2000

UNDER 7 - OVAL 8

08:00	Murray A vs Dame Kekedo
08:40	Murray B vs Bambi
09:20	St Josephs vs East Boroko
10:00	Ela Beach vs Gordons Int

UNDER 8 - OVAL 3

08:00	Murray vs Bambi
08:40	St Josephs vs Dame Kekedo
09:20	Noblette vs East Boroko
10:00	Ela Beach vs Gordons

UNDER 9 - OVAL 4

08:00	Korobosea vs East Boroko
08:40	Murray vs St Peters
09:20	Gordons Int vs Noblette
10:00	St Josephs vs Ela Beach

UNDER 10 - OVAL 10

08:00	Korobosea vs St Peters
08:50	Murray vs Bambi
09:40	St Josephs vs Bomana
10:30	Noblette vs Ela Beach

UNDER 11A - OVAL 11

08:00	Korobosea vs St Peters
08:50	Murray vs Dame Kekedo
09:40	St Josephs vs Bomana
10:30	Dela Salle vs Ela Beach

UNDER 11B - OVAL 11

11:20	Korobosea vs Gordons Int
12:10	Wardstrip vs Tokarara Pri
11:20	Gordons (1) vs Pom Grammar (Oval 10)
12:10	Bambi vs St Michael (Oval 10)

UNDER 12A - OVAL 2/1

08:00	Korobosea vs Bomana
08:50	Holy Rosary vs St Peters
09:40	Murray vs St Josephs
10:30	Sevese Morea vs Boreboa

UNDER 12B - OVAL 2/2

08:00	Korobosea vs St Pauls
08:50	Coronation vs Bavaroko
09:40	Gerehu CA vs Gordons
10:30	Wardstrip vs Pom Grammar

UNDER 13A - OVAL 6

08:00	Murray vs Moitaka
09:00	Butuka vs St Peters
10:00	Korobosea vs Holy Rosary
11:00	St Josephs vs Bomana

UNDER 13B - OVAL 6

12:00	Bavaroko vs Evedahana
13:00	Ted Diro vs Tatana
14:00	Wardstrip vs Philip Aravure
15:00	Gordons vs Waigani Pri

UNDER 14A - OVAL 7

08:00	Waigani vs POMIS
09:00	Korobosea vs St Johns
10:00	Sevese Morea vs Moitaka
11:00	St Josephs vs Bomana

UNDER 14B - OVAL 7

12:00	Wardstrip vs Bambi
13:00	Philip Aravure vs Gordons
14:00	Coronation vs St Peters
15:00	Ela United vs Holy Rosary

UNDER 15A - OVAL 1

08:00	Waigani vs Wardstrip
09:00	Korobosea vs Gerehu CA
10:00	Sevese Morea vs Holy Rosary
11:00	Boreboa vs MM Lawyers

UNDER 15B - OVAL 1

12:00	St Peters vs Bavaroko
13:00	Wardstrip vs Evedahana
14:00	Philip Aravure vs Waigani Pri
15:00	Ted Diro vs Bomana

UNDER 15 GIRLS - OVAL 2

12:00	Bomana Pri vs Pom Grammar
13:00	Sevese Morea vs Butuka
14:00	Wardstrip A vs Evedahana
15:00	Korobosea vs Wardstrip B

UNDER 16A - OVAL 1/5

08:00	Waigani vs Bomana
09:00	Hohola Youth vs POMIS
10:00	Moitaka vs MM Lawyers
11:00	St Johns vs Dela Salle

Sunday 30th April, 2000

UNDER 17A - OVAL 1

08:00	Maino Heduru vs POMIS
09:00	Butuka vs Coronation
10:00	Laloki HS vs St Peters
11:00	Hohola Youth vs Dela Salle

UNDER 17B GIRLS - OVAL 2

08:00	Wardstrip vs Coronation
09:00	Hohola Youth vs Gordons Sec

10:00 Boreboa vs St Peters
11:00 Sevese Morea vs POMIS

UNDER 16 B - OVAL 1

08:00	Kilakila Sec vs Gordon Sec
09:00	Holy Rosary vs Goldie River
10:00	Ela United vs St Peters
11:00	Wardstrip vs Don Bosco

Rescheduled matches from week 5

UNDER 17 GIRLS - OVAL 1

14:00	POMIS vs Hohola Youth
15:00	Coronation vs Boreboa

PORT MORESBY TOUCH ASSOCIATION

2000 TOUCH SEASON

Sunday April 23, 2000

PNG Education Institute

12:30pm 1	OMX	R/Lewamai vs Harbours
2	OM	KKSS vs Waterboard Eels
01:00pm 2	OMX	EMTV vs Top Hands
1	OW	Maba West vs City Pharmacy
01:30pm 1	OW	KKSS vs Waterboard Eels
2	OM	R/Lewamai vs Harbours
02:00pm 1	OM	Maba West vs City Pharmacy
2	OMX	KKSS vs Waterboard Eels
03:00pm 1	OM	Maba West vs City Pharmacy
2	OW	R/Lewamai vs Harbours

PORT MORESBY NETBALL ASSOCIATION

WEEK ONE - April 29, 2000.

Junior Divisions

U10 A - 0800am

C1	TST Kempa vs CP Rebels
C2	Holy Rosary 1 vs LB Mermaids
C3	L. Telstars 1 vs Chevron P
C4	BB Kings vs Ted Diro
C5	Boreboa vs Mase
C6	Rakaone vs Holy Rosary 2
C7	L. Telstars 2 vs Bavaroko

Under 13 A 0830am

C1	CP Rebels 1 vs LB Mermaids
C2	Telstars 1 vs BB Kings
C3	TST Kempa 1 vs Chevron P
C4	St Theresa 1 vs June Valley

U13 B - 0830am

C5	Hagara 1 vs St Pauls 1
C6	CP Rebels 2 vs Ted Diro
C7	LB Mermaids 3 vs St Pedens
C8	St Theresa 2 vs TST Kempa

U13 C - 0830am

C9	St Michael vs Bavaroko
C10	Sparrows 1 vs Kila Kila
C11	Boreboa 2 vs CP Rebels 1
C12	Holy Rosary 1 vs Pom 1

U13 D - 0830am

C13	Rakaone vs Tatana Pri
C14	Boreboa 2 vs L. Telstars 2
C15	Wardstrip 2 vs Butuka
C16	Bavaroko 2 vs St Theresa 3

U13 E - 0900am

C13	Sparrows 2 vs St Theresa 2
C14	Hagara 2 vs Pari 2
C15	St Pauls 2 vs Holy Rosary 2

U15 A - 0900am

C1	Chevron P 1 vs TST Kempa
C2	L. Telstars 2 vs LB Mermaids 1
C3	CP Rebels 1 vs June Valley 1

U17 C - 11.00am

C9	Holy Rosary vs Mase
C10	St Michaels vs L. Telstars 2
C11	Bavaroko vs Gavuone
C12	Boreboa vs Hagara

U21 Pool A - 11.00am

C1	Sogeri 1 vs Chevron P 1
C3	Luvoni vs L. Telstars
C4	F B Mermaids 1 vs Kila Kila Sec

U21 Pool B - 11.00am

C5	LB Mermaids 2 vs BB Kings
C6	Sogeri 2 vs Chevron P 2
C7	TST Kempa vs Hohola Youth

Seniors Golden Oldies - Court One

1:00pm	Luvoni vs Rakaone
3:00pm	L. Telstars vs TST Kempa
2:00pm	Paramana vs LB Mermaids

Division one - Court Two

11:00am	CP Sparrows 1 vs TST Kempa 1
12:30pm	CP Rebels 1 vs LB Mermaids
2:00pm	BB Kings 1 vs L. Telstars 1
3:30pm	Rakaone 1 vs Chevron P 1

Div Two - Court Three

1:00pm	Sol Hoops vs BB Kings 2
2:00pm	CP Sparrows 2 vs Chevron P 2
3:00pm	TST Kempa 2 vs Raio:ai
4:00pm	CP Rebels 2 vs Angela 1

Division Three - Court Four

1:00pm	CP Sparrows 3 vs L. Telstars 2
2:00pm	LB Mermaids 2 vs Kawaimim
3:00pm	Pelagai vs PNGBC Kirois 1
4:00pm	Imuty Lele 1 vs TST Kempa 3

Division Four - Court Five

1:00pm	PNGBC Kirois 2 vs Luvoni 1
2:00pm	CH Storms 1 vs Angels 2
3:00pm	Waramona 1 vs Chevron P 3
4:00pm	L. Telstars 3 vs Pewaila 1

Division Five - Court Six

1:00pm	D. Angela 3 vs Koki Knights 1
2:00pm	Mase 1 vs Hall Sound 1
3:00pm	CH Storms 2 vs Imuty Lele 2
4:00pm	Luvoni 2 vs Telikom

Division Six - Court Seven

1:00pm	Logohu 1 vs Nabuabon
2:00pm	Kerebua vs Remixes 1
3:00pm	A. Coast 1 vs Gavuone
4:00pm	Kawawa vs Mase

Division Seven - Court Eight

1:00pm	Kerebua vs Waigani Tyres 1
2:00pm	Vinto vs Toba Souths 1
3:00pm	Kila Kila Sec vs Hall Sound 2
4:00pm	Koki Knight 2 vs Nabuabon

Division Eight - Court Nine

1:00pm	Pewaila 2 vs A. Coast 2
2:00pm	Wanumana 2 vs J. Pharmacy
3:00pm	Aust H. Com vs Toba South 2
4:00pm	Waigani Tyres 2 vs Holy Rosary

Division Nine - Court Eleven

1:00pm	Coke Warriors vs Tisa Jets
2:00pm	Rural Bank vs Pewaila 3
3:00pm	Remixes 2 vs Vinto 2
4:00pm	Sea Eagles vs Toba Souths 2

Note: All teams must provide umpires for all allocated divisions. Failure to do so will penalise by deducting points from the competition ladder.

PORT MORESBY RUGBY FOOTBALL LEAGUE INC

Round 6 - Lloyd Robson Oval

Saturday April 29, 2000.

Game 1 9:30	C	Tarangau vs Gerehu United
-------------	---	---------------------------



WANTOK SPOT



Olimpik skwat bai resis long Esia

TUPELA memba bilong Olimpik tren- ing skwat Monica Jonathan na Ivan Warkit i redi tasol long go resis long Philipines Open sempionsip long Manila neks wik.

Dispela sempionsip ya bai kamap long Me 4-7, orait bihain ol bai kambek gen long Pot Mosbi na gobek long Bangkok long Me 13. Tupela sampion rana ya bai go wantaim kosa Naomi Polum.

Tingting bilong salim 4x400m relay tim i bagarap bihain long tupela rana Jeffrey Bai na Peter Pulu i kisim bagarap long lek bilong ol. Olsem na PNG Atletik Yunion i givim tupela wik long malolo na redi long resis long Bangkok.

Jonathan, meri Butibam ya i kamapim gutpela resis tru taim em i winim 100m long 12.4 sec. Na long 200m em i winim resis ya long 25.7sec.

Kosa long Australia Norm Osborne husat i kam helpim long redim tim i tokaut olsem dispela resis bilong Monica Jonathan i gutpela tru. Dispela em i wanpela gutpela resis stret em i lukim meri ya i ran na

sapos em i tren gut, ating em bai moa yet long spit resis ya.

Warkit i winim 400m bilong em. I tru taim bilong ran i no gutpela bikos long ran i bagarapim ples bilong resis, tasol Warkit i putim olgeta samting long baksait na kamapim gutpela ran.

Dispela program o kem long Lae long Ista wiken em long redim relay tim long helpim ol i kwalifai long Olimpik Gems long Septemba.

PNGAU i larim Warkit i go resis long Philipines na tu Bangkok em long helpim em i kisim kwalifaing taim long resis long 400m hurdles. Ol arapela rana long 400m em Clement Abai na Jeffrey Bai. Abai i skul long Tulane Yunivesiti na kisim gutpela trening long Amerika.

Dispela ol resis long Esia bai givim gutpela skel long Warkit i ken skelim sapos em i kamapim sampela senis long ran bilong em o nogat.

Presiden bilong PNGAU Tony Green i tok olsem Ann Mooney bai i no inap resis long Asia bikos kosa bilong em i laik em i sta na trening long winta na redim em yet long kompetisen long Septemba.



Kas bilong Word Publishing

• Ol susa ya i no meri nating. Sapos yu ting yu moa yet, ating bai yu pundaun ya. Dispela em ol nupela kwin bilong Pot Mosbi Charity Kap soka tonamen we i bin kamap long Ista wiken. Ol i nekim Atorni Jenerel 3-2 long penalti kik. *Poto ISSAC IKUAVI.*

PNGFA i mas senis

PRESIDEN bilong Hailens Rijonel Soka Asosisen David Chung i singaut long eksekutiv bilong PNG Futbol Asosisen long tokaut sapos ol i gat sampela belhevi namel long ol yet o nogat.

Chung i mekim dispela toktok bihain long em i toktok wantaim wanpela sinia opisel bilong PNGFA long skelim lus bilong nesenel tim long 2000 Melanesian Kap soka tonamen long Fiji.

PNG i lus long olgeta gem long tonamen: Fiji (5-0), Nu Kaledonia (6-1), Solomon Ailan (4-1) na Vanuatu (5-1).

Mista Chung i tok PNG em wan-

pela strongpela soka kantri long Saut Pasifik. Sapos PNG i winim bronz medal long Noumea long 1987 orait, mipela i mas surik i kam antap na winim gol medal.

Long Melanesian Kap, bihain long 1996 long Lae, PNG i winim Kap tasol em i no winim gen long Vanuatu long 1998. Tim i go long Vanuatu em ol yangpela mangi, na ol i go lus na kambek.

Na long 2000, PNG tim i go bagarap olgeta. Dispela i no stret bikos PNGFA i save tokim ol asosiesen wanpela samting, na bihain mipela save olsem dispela samting i no tru.

Presiden bilong HRSA i tok olsem PNGFA i mas senisim pasin bilong em sapos soka i laik kamap gut.

Sapos wanpela bikman bilong PNGFA i tokaut olsem senis i save kamap long Pot Mosbi, ating ol eksekutiv i no save wok bung-wantaim.

Arapela ol samting tu, Mista Chung i tok kosa na pasin bilong seleksen tu i mas senis sapos soka i mas go het. PNGFA i mas go aut long ol senta na lukluk na glasim ol wanwan pilaia.

Chung i tok sapos tingting bilong em i stret, PNGFA i nogat rekot

bilong ol wanwan sinia o junia pilaia taim ol i kamap na wokim nem. Em i min olsem PNGFA i no save bihainim ol pilaia sapos em i save pilai soka yet o nogat.

Dispela em wanpela eria we planti ol pilaia i save go na joinim ol arapela spot olsem ragbi lig, volibal, basketbal o ragbi yunion.

Em i tok nesenel soka tim i lus. PNGFA i gat sampela kain tingting long sindaun skelim na wokim pasin glasim - post motem o nogat. Dispela em ol liklik samting PNGFA i mas skelim.


Nau PNGFA i gat fultaim sekretari, na em i no singautim yet anuel

jenerel miting bilong en. Planti lokel asosiesen i paul bikos nogat gutpela wok komyunikesen namel long nesenel soka bodi na memba asosiesen.

Mista Chung i ting stendad bilong soka i pundaun stret. Sapos nesenel tim i lus long bikpela skoa, samting i mas rong long sampela hap. Nesenel kosa John Davani na ol wanwan pilaia i mas kamaut na tok klia long dispela.

I luk olsem PNGFA i mas gobek long grasrut level na lukluk na strongim yut soka. Dispela em wanpela rot tasol long kamap strong gen.

Em i Gutpela Em i Tuna Em i bilong PNG stret...



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.